






Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
CFMAGL. 1.7.44










Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
CFMAGL. 1.7.44





Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
CFMAGL. 1.7.44





Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
CFMAGL. 1.7.44


1 B.7

1. 7. 44




VII  
CEV
















IESVS PVER



POEMA

Tractatus Caroli Secundi

IOSEPHO PRIMO

ROMANORVM REGI

SACRYM.




AMBROSIO

Typographus Florentinus, 1600.

ST. M. LXXXIO.







IESVS PVER

P O E M A

Thomæ Ceuæ Soc. IESV,

IOSEPHO PRIMO

ROMANORVM REGI

S A C R V M.



MEDIOLANI,

---

Typis Caroli Antonij Malatestæ. 1690.

CVM PRIVILEGIO.



IESVS PVER

POEMA

Thomas Cent Soc IESV

IOSEPHO PRIMO

ROMANORVM REGI

SACRA M.



MEDIO LANI

Typis Caroli Antoni Malatestae. 1690.  
CVM PRIVILEGIO.





## LECTORI.



ESVM , adhuc puerum , manifestasse paulatim suam Diuinitatem Nazarenis suis conterraneis , auctor est D. Athanasius *Orat. 4. contra Arianos* , Titus Bostrorum Episcopus , Theodoretus , D. Vincentius , atq; alij : (*apud Sebast. Barrad. in Conc. Euang. lib. 10. c. 15.* ) qui in ea ætate quandam veluti Diuini Solis auroram præcessisse putant . Hanc agnitionem omnium pulcherrimam epico poemate dignam censui . Atq; ita rem disposui , vt in hunc finem cælestis Infans ex Ægypto in patriam reduceretur ; cui deinde viribus omnibus Dæmon moliri primò excidium aperto bello , mox nebulas offundere suspectæ Diuinitati contenderet ; euentu tamen prorsus contrario . Hinc enim Nazareni multa passi , præstigijs detectis , Diuinum Puerum , cuius  
amo.



amore, admiratione, atq; oraculis suspensi iam  
diu tenebantur, Deum tandem agnoscunt. Ha-  
bes, Lector beneuole, rudem atq; informem de-  
signationem poematis; quod à personis partim  
humilibus, partim illustribus, à quibus res ge-  
ritur, Comico-heroici naturam sumit; vnde &  
stylus utriq; formæ in vnum mixtæ attempera-  
ri debuit. Nec aliud mihi proposui, quàm vt  
amorem erga cælestem Infantem, eiusque san-  
ctissimam Genitricem carmine insinuarem; de-  
formitatem, odia, atq; artes Dæmonum aperi-  
rem; & Christianas virtutes allegorijs varijs  
adumbrarem; exemplum secutus Iacobi Sanna-  
zarij, Ghelfucij, atq; aliorum magni nominis  
vatum; præsertim verò Hieronymi Vidæ, qui  
iussu duorum Pontificum Leonis X. & Clemen-  
tis VII. res à Christo domino gestas inuentis  
poeticis epicè exornauit.



CÆ-



CÆSAR FRESIA E SOCIETATE IESV,  
*Præpositus Prouincialis Prouinciæ Mediolanensis.*

CVM Librum, cui titulus est, *IESVS PVER*, à Patre Thoma Cœna nostræ Societatis compositum, aliquot eiusdem Societatis Theologi, quibus commissum fuit, recognouerint, & in lucem edi posse probauerint; facultate nobis à Patre nostro Generali Thyrso Gonzalez communicata, concedimus, vt typis mandetur, si ita ijs ad quos pertinet videbitur. In quorum fidem has litteras manu nostra subscriptas, & Sigillo Societatis nostræ munitas, dedimus. Genuæ 14. Maij 1690.

CÆSAR FRESIA.

IVbente Reuerendissimo P. Prospero Leone S. Th. Magistro, Generali Orthodoxæ Fidei Quæsitore Mediol., legi perlegi, tertio iterumque lecturus librum inscriptum

*IESVS PVER*

*Poema P. Thomæ Cœnæ Societ. IESV.*

Epicum scilicet Carmen Argumento dignum, suo dignum Auctore, qui seu Soccis agat, seu Cothurno: seu Heroas canat, aut gracili moduletur auena, Castalios latices, sed castos tantum, vno haustu ebibisse videtur; Vates eximius, & tantum non Diuinus, ni, exemplo Ciceronis Sophoclem laudantis, hanc etiam vocem vsurpare velimus. Per me igitur prælum subeat licet, publicâ luce gaudeat aureus liber, teraturq; Eruditorum manibus, vti meretur. Ita cenfeo

*Ego Carolus Ioseph Saita Laurent. Archipresbyter  
Quarto Idus Decembris 1689.*

*HEXASTICHVM.*

*Nazareth it Pindus: Permessus migrat Idumen.*

*Hæc Thaumaturgus Carmine Cœna facit.*

*Parthenis & Pupa, Pupi & Nutritius almus*

*Calica vos illic Musa stitit reduces.*

*Nil humile est Thomæ. Sophocleo digna Cothurno  
Carmina dum pangit, fit Puer ipse, gigas.*

Stante præmissa attestazione,

IMPRIMATVR.

F. Prosper de Leonibus Inquisitor Generalis Mediolani &c.  
Bartholomæus Crassus pro Eminentiss. D.D. Cardinali Archiep.  
Franciscus Arbona pro Excellentiss. Senatu.









## LIBER PRIMVS.

### ARGVMENTVM.

Jonas camelarius ex Ægypto veniens, Nazareth patrium oppidum subit. Munuscula Mariæ sibi commissa, Deborah ac Susannæ defert. Multa de Pueri IESV, & Matre narrat. Post prandium nuptiale rusticum ludi puellares celebrantur. Oritur dissidium inter Damarim & Iuditham, & miro exitu componitur.



*Ælestem Puerum canimus, quem Parthenis  
alma  
E Pharijs retulit terris, mox, impia contra  
Tentamenta Erebi, primi genitoris in hortos  
Sustulit aerio in curru, rursusq; reuexit  
In patrios colles; donec, vi turbinis atri  
Amissem Solymis, improvisèq; receptam  
Nazarei agnouere Deum. Tu, candida Mater,  
Visa mihi in somnis, inter confinia noctis  
Auroraq;, comam niueis conspersa hyacinthis,  
Cerulea argento et gemmis in veste micante;  
Tuque, Infans, pariter pulchræ Genitricis in vlnis  
A Visus*



*Visus adesse, rubro subluces candidus ostro;  
Vos adeo gemini este duces, cursumq; docete  
Per loca nunc primum Latij peragrata Camænis.*

*O decus Austriacæ Gentis, cui subditus Ister  
Thracibus ereptas centum prælabitur arces  
Pannonia in magna, teneris Mauortius annis  
Iam nunc ære puer gaudens, et pulvere campi,  
AVSTRIADE IOSEPH, si qua est via libera musis,  
Si quid ab hoste vacat, sacri inter tympana Martis,  
Et raucos lituos, nostri quoq; murmura plectri  
Excipe, et inuicti Genitoris plausibus adde.  
Hic quoq; bellum ingens, horrendaq; classica, utrinq;  
Instructas acies campis, totumque videbis  
Coniurare Erebum, atq; omnem descendere Olympum.  
Quin et sacrilegus coniuncto fœdere prædo,  
Fraudibus, insidijsq; potens, seducere frustra  
Contendet populos, ausus sese addere Diti,  
Mentitamq; Deam, falsumq; imponere numen.*

*Vnde egressa adeo series intexta supernis  
Delicijs diuum, bellisq; alterna, beato  
Eueniu clausa, incipiam. Iam tempore longo  
Orba suo infelix sole, obscurisq; relictæ  
In tenebris, luctu squalens mœrebat Idume.  
Nec tantum rapto tenera olim sponsa marito  
Indoluit; nec tot lacrymas, tot tædia, tales  
Pertulit ægra parens noctes, cui funere acerbo  
Dilectum ante alios rapuit mors inuida natum;  
Nec dolor est ullus, nec tantus fletus amantum,*  
*Quos*



## LIBER I.

3

Quos procul auulsos terra, aut mare separat ingens:  
Quantus erat, Dina, Puerq; absentibus, inter  
Nazaridas mæror: profuga cum Virgine namq;  
Visus abire omnis risus, decor, atq; iuuenta,  
Nec miseris reditura unquam tam dia voluptas.  
Fons erat in medio pagi, quò sepe solebat,  
Lotrices inter reliquas, pulcherrima matrum  
Panniculos Pueri vitreo torquere fluento,  
Mox herba in viridi puras distendere ad auras.  
Huc varijs plumis nunquam antea visa volucris,  
Purpurea ceruice, & versicoloribus alis,  
Venerat e Nilo, paruq; asueuerat amni;  
Frondosq; sibi tectum delegerat inter  
Aerios ramos, & opacæ umbracula fagi.  
Illa igitur, quoties herbofo in margine mares  
Constiterant, propius voluare, & dicere quiddam  
Velle videbatur. Quin, flauo ubi vertice longos  
Siccabant crines per eburnea colla fluentes,  
Ad solem, viridi in cliuo de more puellæ,  
Illa super secura humeros, supraq; volabat  
Distentos funes, quasi dicere nuncius ales  
Virginibus vellet: Vidi quam fletis ademptam,  
Vixit adhuc, vobisq; fero fausta omina cantu:  
Carmina sed volucris non intellecta canebat.

Has inter curas iam tertius ibat aprili  
Florifer annus, & exacta post frigora brumà,  
Vitiiferi colles, atq; herbida prata iuuentam,  
Induerantq; novos flores, noua germina valles:

A 2

Cum



Cum demum, ut visum superis, e rure Canopi  
Nazareus Ionas, Solymam qui forte camelos  
Duxerat, atq; Arabum merces, ut vere quotannis  
Sueuerat, in patrium diuertit mulio pagum  
Nuncius incolumis Pueri, sanctaq; Parentis,  
Visus ab aetherijs descendere sedibus, ipsam  
Visus & auroram, miserisq; reducere solem.  
Nam lata ante alias mensis Neomenia primi  
Fortè recurrebat, viridique in gramine pagi  
Turba soluta operum, calamis, conisque salignis,  
Et cursu, ludisque alijs intenta vacabat.  
Cum strepitus inter puerorum, & gaudia ruris  
Ecce aderat multo respersus puluere vector,  
Vespere iam sero; cui conterranea pubes  
Protinus occurrit clangoribus undique letis,  
Obsessumque tenent: Quæ fors, quæ prospera celi  
Vis tulerit, quò, atque unde rogant: centum, heu,  
procul annos  
Absentem, patriæ oblitumque queruntur. At ille  
Nunc hos, nunc illos veteres complexus amicos,  
Adsum, inquit, Memphi digressus, longa viarum  
Post spatia, & soles terdenos; vosque salutant  
Et Maria, & Ioseph, & pulcher Iesulus; omnes  
Quos liqui incolumes, & quorum lata reporto  
Nuncia. Ad hæc festus sublatum ad æthera clamor,  
Arrectique animi, vulgatusque illico rumor:  
O age, dic, hospes, seriemque ab origine pande;  
Quid Pharia regione struit pater? ecqua relicta  
Cura



# LIBER I.

5

Cura domus? quantum miserè expectantibus vsq;  
 Restat adhuc? Fesso nunc parcite; fusiùs, inquit,  
 Cras, ubi per noctem sopor instaurauerit artus,  
 Cuncta renarrabo. Sed non turba anxia matrum  
 Ferre moram, similesq; rubis, ederaq; tenaci,  
 Vestibus apprensus, votis, precibusq; fatigant  
 Circumfusa omnes: siquidem retinere furentes  
 Latitia, & differre auidis libamina prima  
 Quis poterat? Tonitru interea ter carula nubes  
 Insonuit lato; mox optatissimus imber,  
 Quem dudum campi sitiebant, murmure leni  
 Labitur, insequiturq; ater rupto aethere nimbus.  
 Ocyùs hàc illàc profugi, cogente procella,  
 Quà via, quà propior domus, & quà densior arbor,  
 Corbis in caput iniectis, tectiq; galeris,  
 Quos cuiq; ingenium tulerat, succedere tectis  
 Agricola, & clausis nimbos arcere fenestris.  
 Atq; ita congressum pluuia, & nox atra diremit.  
 Ast ubi detergo penitus nitidissima eoo,  
 Mane aurora algens humili de colle refulsit,  
 Conuenere senem Susanna & Debbora prima,  
 Quis Maria ante alias primis assueuerat annis,  
 Bimula adhuc, utriq; olim, discrimine paruo  
 Areola, iunctis laribus contermina tecto.  
 Huic illa intextum velamen miserat, illi  
 Niliacam zonam; & gnatis quoq; Diua gemellis,  
 Vtriusq; memor, cera de candida eburnum  
 Addiderat dono pupum cum crinibus aureis,  
 Velle-



Vellere compositum niueo; & de vellere eodem  
 Candidiorem eboze & cynis adiunxerat agnum.  
 Has senior merces ubi protulit, inter odora  
 Cinnama quas secum conuexerat, Hoc tibi velum,  
 Susanna; hanc, inquit, Phariam tibi, Debbora,  
 pallam;  
 Atq; hac Benoni, hac Vasthi munuscula ferre  
 Commisit Maria, inq; sui vos pignus amoris  
 Ista tenere rogat: veniam simul vsq; precatur  
 Si non plura, exul nempe & paupercula, donat.  
 Obsupere amba percussa, & multa volentes  
 Dicere, non illas lacryma, gemitusq; sinebant.  
 Mirantur, versantq; manu tenuissima lina,  
 Vixq; audent digitis contingere cerea summis  
 Munera, nec cessant alternis reddere grates.  
 Iamq; alia interea matres, nuptaq; , nurusq; ,  
 Longeuq; senes aderant, confertaq; pubes  
 Plurima; perq; manus ibat mirabile textum,  
 Rimanturq; opus, atq; adiu speculantur ab omni,  
 Et varia in luce obseruant, & cuncta tuendo  
 Expleri nequeunt oculi: Atq; an pinxerit ipsa  
 Mater acu illa Arabum folia, atq; ubi fila reperta  
 Tam varia, & viuis color ille an flos amaranthi,  
 An cerasi, an citri; super omnia cereus ille  
 Quem roseis labris, quem reddat pupulus ore,  
 Lis erat, & strepitu vario sententia discors,  
 Vectoremq; adeunt, importunaq; lacessunt,  
 Passeribus similes, ingenti murmure cum se  
 Vepri-



## LIBER I.

7

*Vepribus atq; ebulis aestiuo vespere condunt.  
Hæc inter Ionas narrabat mira seorsum  
Longæa Thamari, atq; alijs : Audite, puella,  
Vos quoq; , ait Zelphe; & muliebrem voce susurrum  
Increpuit Iesse ruris pater . Incipe quaeso,  
Inquit Abra, historiam rursus mira arboris, unde  
Penniger ille ater depulsus; penniger, inquam,  
Ille latens ramis vetus incola . Sic ait, atq;  
Sedibus in iuncea matres, arcisq; salignis  
Confedere alij, fecitq; silentia rursus  
Bethsabæa manu : tum sic bonus institutor . Arbor,  
Dicebam, est ingens prope Memphim, ipsiq; coæua,  
Ut perhibent, Orbi, inq; auras altissima visu  
Tollitur : immanem truncum vix brachia circum  
Ducta queant nouies passis complectier vlnis.  
Huic horrens inerat bubo, agrestemq; putabat  
Gens ignara Deum : dubijs hinc omina rebus  
Poscere, perfusasq; mero cum lacte solebant  
Porgere primitias frugum, solemnia dona .  
Fortè dies aderat, qua simplex turba quotannis .  
Ad liquidum fontem, fatalis cui super arbor  
Imminet, exercet ludos; epulisq; peractis,  
Obscæni nemo is velatus tempora cūcūm  
Deciduis folijs, responsa expectat aruspex.  
At non e ramis, ut pridem, audirier ales  
Incola, nec precibus, nec donis flectier vllis.  
Adduxere nigrum maculandum rite iuuenicum,  
Instaurantq; epulas . Tum verò emissus ab orno  
Fera-*



*Feralis gemitus, voxq; exaudita per auras:  
 Me Puer Hebraeus, cui tellus, astraq; subsunt  
 Imperio, huc veniens migrare in Tartara cogit.  
 Dirigere metu, & circum tremere omnia visa,  
 Mox nido exhalare niger vapor, inde repente  
 Tartareus volucer coram se sustulit alis  
 Horrendus visu. Ter pennis circuit atris  
 Antiquam sedem; ter summis fidere ramis  
 Conatus, rauco ter cum stridore relapsus:  
 Inde fugit, sequiturq; fugam foedissimus imber  
 Grandine commixtus; tum glebae, & grandia saxa  
 Coniecta in pateras, reuolutaq; pocula mensis:  
 Illico diffugiunt, metus & paor omnia turbant,  
 Solemnesq; dapes, infectaq; sacra relinquunt.  
 Substitit hic senior paulum, interfataq; Dina est.  
 Quis puer ille autem, stygius quem dixerat ales?  
 Nunc sequar (hospes ait) siccis permittite labris,  
 (Nam crudis capis vox aspera faucibus haesit)  
 Tantisper liquido verba irrorare lyao.  
 Sic ait, appositq; mero, ut gens prisca solebat,  
 Impleuit pateram, manibusq; utrinq; prehensam  
 (Quod felix, socij, faustumq; sit omnibus) hausit,  
 Bisque interrupit synceris laudibus haustum,  
 Inuersaq; manu barbam, atq; ora hispida terfit.  
 Adiecere animos rursus: sic ille secutus.  
 Ecce autem, postquam bis tertia fulserat Eos,  
 Ecce, inquam, Iesæa Parens, complexa puellum  
 Intortum pannis, deserta per auia paruum*

*Ferre*



## LIBER I.

9

*Ferre videbatur tenera inter brachia solem .  
 Bisgemini anteibant iuuenes , atq; alter eunti  
 Signat iter , prensasq; manu regit alter habenas .  
 Æstus erat , medioq; dies altissima Olympo ,  
 Et lassus senior coniux deponere in herba  
 Iamdudum optabat fessum latus ager anhelus ;  
 Atq; oculis circum lustrabat , sicubi riuus ,  
 Aut usquam tecta vlla forent : Cum rustica forte  
 Filia messoris veniens e rure puella  
 Monstrauit fontem , & prope fontem umbracula densa  
 Arboris ( hæc erat illa arbor , quam diximus ) atq; hic  
 Sarcinulas posuit pater , atq; e margine , pronâ  
 Cernice , hausit aquam gelidam ; & , quâ purior algens  
 Manabat similis vitro liquidissimus amnis ,  
 Fagineam impleuit scutulam , uxoriq; sedenti ,  
 Oprantiq; tulit ; consuetos scilicet haustus ,  
 Queis , exosa merum , teneris assuevit ab annis .  
 Interea fessi dum puri ad murmura fontis  
 Respirant paulum , dum lenia frigora captant ;  
 Ex improviso ( dictu mirabile ! ) mota  
 Inclinari arbos a tergo , & flectere summa  
 Culmina , detortis inuertens brachia truncis :  
 Quod simul ac sensit , ( nam pronis frondibus ipsos  
 Iam Mariæ attigerat crines , & mollia colla )  
 Extimuit subito , pressitq; ad pectora natum ;  
 Conuersisq; repente oculis suspexit opaci  
 Obsequium nemoris , stupuitq; tenerrima mater .  
 Nec satis . E curuis ramis nata illico poma*

B

Spon-



Sponte cadunt, pars ante pedes, pars gramen in altum,  
 Pars in stagna; sinusq; inter, gremiumq; resulant:  
 Improvisum imbrem venientem suspicit ipse  
 Percussus quadrupes, atq; ictas concutit aures.  
 Ipsa manu dein casta parens acclinis ad undam  
 Fasciolas pueri lauit, traxitq; salubrem  
 Contactu ex illo vim postea vitreus amnis,  
 Vnde sacro tacti igne bibunt, agriq; cameli,  
 Et laesi iaculis abstergunt vulnera cerui.

Hæc mihi narrabat Ioseph; namq; ipsa roganti,  
 Quo fugiat, pudibunda parens tegit omnia risu.

Asteriscus\*  
 denotat in-  
 terlocuto-  
 res varios.

\*O quæ mira, hospes, memoras! Quò deinde puella,  
 Quò gressus peregrina tulit? namq; abdita prorsus  
 Nunquam aliàs audita refers.\* Procul, inquit Ionas,  
 Excepit Memphis, Memphis cui mœnia centum  
 Circum errant stadijs, aratis undiq; portis  
 Pernia, pensilibusq; hortis, & turribus, inter  
 Niliacas vrbes, terris celeberrima cois.  
 Hic verò exulibus nostris conducta prope amnem  
 Ædicula extra urbem latissima; namq; fenestris  
 E geminis Nilum, supraq; infraq; meantes  
 Prospiciunt toto amne rates, solatia fessæ  
 Interdum nuptæ, quæ sola, & cognita paucis  
 Interiora domus seruat.\* Sed quis labor olli?  
 Quo vitam infelix tolerat tot saucia curis?  
 \*Nempe manu industri, digitisq; intenta laborat,  
 Pingit acu, pictasq; stupet vicinia telas.  
 Hæc chlamys, hoc peplum Mariæ labor est; puer iste  
 Cereus



## LIBER I.

11

Cereus eiusdem pariter labor. \* Hinc, Berenice,  
Teq; tuosq; potes Phrygios abscondere flores;  
Aspice quos flores pingit Iessia. \* Iam quid  
De puero IESU narras? grandiusculus ille  
Creuerit, æquæuo venturus namq; december  
Quartam hyemem Benoni addet: quid iam ille  
tenellis

Incipit enodare labris? quæ gratia dictis?

\* Quid senior coniux? ecquando in patria tecta  
(Nam quid adhuc metuit?) gnatum, uxoremq; reducet?

Hic bonus illacrymans hospes plorantia terfit  
Ora oculosq; manusq; ad sidera sustulit ambas.

Delicium nostrum puer ille est, ipsaq; mater  
Transtulit e gremio sæpe in mea brachia, sed non  
Oscula ferre genis potui unquam, nam sacer obstat  
Continuò pauor, & pulchri reuerentia vultus.

Ille mihi curas vultu aspectuq; serenat.

O belli crines! o labra corallina! Vellem

Audires, Susanna, semel cum matre loquentem:

Audini ipse semel, nec possum audita referre.

\* Certè aliquid plusquam mortale est pupulus ille;  
Et dixi toties, Maria, hic puer, hic tuus infans

Non est quem cæcum vulgus putat esse: fatere,

Altior est illi quàm sit mortalis origo,

Tuq; hæc mira siles, sed & ipsa silentia nosco.

Tum pater: Audite hoc, Memphi quod nuper in horto

Contigit, & nostris sit meta hæc ultima dictis.

Venerat alma parens Pharia molitricis in ades,

B 2

Hortus



Hortus ubi exiguus fuerat; sed, frigore nondum  
 Exacto, nec dum rupto se prodere primum  
 Folliculo; quos fagineis seruabat in urnis,  
 Audebant flores, caryophila pleraq; picta  
 Hesperides, nasturtia sera, roseq; Damasci.  
 Illa tamen puero optanti decerpserat unum,  
 Cui calycis scissi e rima iam coccinea vestis  
 Exhibat distincta croco. Pulcherrimus infans  
 Ut tenuit, risit paulum: (mirabile dictu!)  
 Flosculus ipse etiam risit, nexusq; virentes  
 Rupit, & explicuit sese: exemplumq; secuta  
 Cetera turba etiam pictis caput extulit urnis.  
 At capæ quotquot fuerant, atq; allia in horto  
 Continuo traxere luem, morboq; peremptis  
 Succedere alij frutices; flosq; aureus inter  
 Purpureos reliquos, cui crux, & tristia quadam  
 Symbola, malleoli in folijs, & virgea flagra.  
 Talia narrabat, cunctis mirantibus, hospes:  
 Nec finis fandi, tot millia poscere rerum  
 Instat adhuc denso circumfusa agmine turba,  
 Effugiumq; vetant. \* Satis est: permittite iam nunc  
 Ut pagum, & patrios agros, atq; arua reuisam,  
 Namq; diu hunc haustum puri etheris exul anbelo.  
 Sic ait, atq; iterum in pateram reliqua amphora  
 versa est,  
 Libauitq; merum pleno tibi, Partheni, vitro.  
 Inde domo egressus circum ibat florida rura,  
 Vitiferos laudans colles, auramq; salubrem.

Donec



Donec longævi ventum est Simeonis in hortum,  
 Nupta ubi Bethlæo iuueni pulcherrima Elisa  
 Traxerat agrestem festa ad conuiuia turbam.  
 Mensa ibi structa ingens sub opaco tegmine lauri,  
 Impositaq; super lances, metretaq; nigro  
 Stannea plena mero, & similis Phario obelisco  
 Cascus in medio, atq; anates, fumantiaq; exta,  
 Conuiuiaq; boni circum, pueriq; operaq;  
 Messoresq; viri, nuptæ, innuptaq; puella.  
 In medio Ionas pater in cathedra abiegna,  
 Thoraca exutus, geminos interq; molossos  
 Iura dabat. Non hic famuli, nec inutile pondus  
 Argentii, & vana lites cui debita primum  
 Ante dapes manibus lymphæ, & subsellia circum  
 Bellum importunum qui prima in sede locandus,  
 Quiue locus princeps; nec dignior expectandus  
 Qui bibat ante alios, totq; inter fercula trica,  
 Iuscula, pulticula, pastilli, & glutina rerum:  
 Sed quales natura dapes creat, atq; labore  
 Empta fames, vultusq; boni, & super omnia curis  
 Libera mens, qua pauperiem clementia Diuum  
 Temperat, humanis ex æquo prouida rebus.  
 Talibus ergo diem solemnem turba trahabat.  
 Interea Virgo, & Pharia regione Puellus,  
 Absentes quamuis, disunctiq; æthere longè,  
 Gaudia sincera, atq; animos, atq; otia pagi  
 Lata vident: utq; alma suum tunc fortè gerebat  
 Infantem gremio complexa, utq; ambo vicissim

Mune-



*Muneribus super, & dictis, atq; hospite Iona  
 Plurima contulerant, roseo sic ore locuta est,  
 Inspirans diuum genitrix pulcherrima amorem:  
 Alme Puer (paulumq; metu, non ausa fateri,  
 Continuit se: mox iterum, formidine pulsa,  
 Institit) alme Puer, tua si mihi certa voluntas,  
 Pulchrum aliquid caeleste hodie permittere nostris  
 Agricolis inter solatia rustica vellem;  
 Idq; rogo, & meruere boni. Iam tempore longo  
 Quæ miseros, nobis absentibus, ægra fatiget  
 Cura, laborq; vides. Quid si manifestus uterq;  
 Letitiæ & ludo intentis, dum gaudia feruent,  
 (Idq; potes nutu) coram improuisus adest?  
 Quæ tibi mens? quid ais, pulcherrime? dixerat. Olli  
 Dins amor (quid enim matri neget?) ardua quamuis,  
 Grandiaq; , atq; insueta poposcera, ore sereno  
 Annuit: atq; diem festum, & bona gaudia ruris  
 Claudere successu libuit genialia miro.  
 Assensit cælo Genitor quoq; summus ab alto,  
 Altiùs hinc orsus quæ post memoranda canemus:  
 Inuentusq; modus, conditaq; tempora, lusus  
 Agrestes inter, sero post prandia sole:  
 Tantus amor patriæ, atq; absente in Virgine cura.  
 Iam virides ergo platani maioribus umbris  
 Undiq; opacarant hortum: tres circiter horæ  
 Restabant siquidem solis, fusi; per herbam,  
 Aggestasq; trabes super, & sub vitibus altis  
 Agricola pransi iam dudum tadia ventris*

*Dispen-*



*Distenti inter se vario sermone leuabant.  
Cum senior iuuenes lentos in terga iacentes  
Increpuit dictis pater Ammon: Ob quid inertes,  
Ut pasti saturiq; boues in stramine fusi,  
Tandiu, ait, segnes horas consumitis? io!  
Macti animis, pueri, deterfa oscedine; ludo,  
Dum vacat, hoc reliquum traducite; surge age, Laban,  
Surge, Ioas piger, heus! ohe! Simul Abra puellas  
Parte alia hortari, atq; omnem undiq; cogere pubem,  
Nomine quamq; vocans; Esther, Sulamitis, Elisa,  
Ad ludum: ludo pulcherrima premia victrix,  
Quæ socias pedibus prauenterit optima, habebit.  
Continuò succensi animi, atq; arrecta iuuentus.  
Conuenere omnes. Tumulo Susanna virenti  
Explicuit manibus velum, quod miserat alma  
Parthenis, hesternum munus. Quæ vicerit, inquit,  
Hoc Mariæ peplo cingat sibi tempora, sed dein  
Restituat post tres soles memor, atq; rosarum  
Dona dabo innexam philyra violisq; coronam.  
Inde alium, iuuenes, ludum celebrabitis; ipse  
Præmia, ait Ionas, victori pocula seruo,  
Pocula plena mero. Præcedite rite, puella.  
His dictis festus sublatus clamor ad auras,  
Iniectusq; alacris furor, & noua gaudia cunctis.  
Pratum erat, & salices inter longissima visu  
Semitæ lata virens, longèq; erecta sub auras  
Syluestris morus, cui quæ prior oscula ferret,  
Atq; manu viridem ramum diuelleret, illa,  
(Sic*



(Sic statuunt) roseum sertum, & velamen haberet.  
 Ergo, locis pariter captis, Alphæus utrisq;  
 Percussis manibus signum dedit. Illicet omnes  
 Effugiunt nimbo similes, studijsq; inuentus  
 Instigat varijs: Vrgē vestigia, Rachel,  
 Te Damaris propior iam iam tenet: Hei mihi!

rhamnus

Vestibus implicitus: Zambrim fuge, Dina, sequentem:  
 Perge alacris, Iuditha prior. Sonat undiq; leto  
 Circumiectus ager strepitu, vocesq; per auras  
 Congeminat nemorosa echo. Verum omnia pastor,  
 Pastor amans Nymphæ, nimiaq; cupidine flagrans  
 Turbauit Daniel ausis agrestibus. Ille  
 Iuditham sibi promissam, qua pulchrior vlla  
 Non erat equali in cœtu, præcedere cursu  
 Ardebat; studijsq;, & nisu corporis omni  
 Incumbens, votis, oculisq; impellere euntem  
 Instabat: sed postquam ultra perducere posse  
 Non aliter videt; heu! Damari nil tale timenti,  
 Heu lassæ, quæ iam metam prope anhela tenebat,  
 Vicino e riuo faciem, vestemq;, capillosq;  
 Irrorauit aqua, & festum maculauit amictum,  
 Reticulumq;, & syrma nouum, calceosq; niuales.  
 Illa furens animis sorbum, quod fortè gerebat,  
 Coniicit in caput inuisum toto impete, multa  
 Vociferans, oneratq; probris, & fuste reperto  
 Nequicquam insequitur: dumq; iras luctibus explet  
 Femineis; raptum interea Iuditha redibat

Osten-



## LIBER I.

17

Ostentans manibus ramum. Non liber habenis,  
 Effusisq; iubis tanto redit impete victor  
 E stadio Massylus equus plausu incitus ardens;  
 Ut campos fugiens niueis quatit illa cothurnis,  
 Crinibus in ventum sparsis. Sed virgo secuta  
 Æmula par zephyris, & deniq; crine prehensam,  
 Iniectaq; utraq; manu tenet, atq; virentes  
 Multa reluctanti frondes rapit; inde citato  
 Ipsa prior cursu redit, & sibi debita dona  
 In medio cœtu exclamat, sparsiq; recentes  
 Deplorat maculas riui. Sed & altera plorans  
 Sublatum repetit ramum, atq; humeralia scissa,  
 Et laceras queritur vultus: atq; hinc pater Ammon,  
 Inde utramq; bonus diētis compescere Ionas.  
 Quin & ridiculus Nabal se gutture pingui  
 Arbitr in medio statuit; quem plurima fantem,  
 Quà peponi agresti par struma excreuerat ingens.  
 Ambabus Damaris repulit factò impete palmis.  
 Labitur ille putre in stagnum resupinus, ut ipso  
 Margine constituerat lubrico. Risere cadentem,  
 Nec sese tenuit Iuditha, nec altera, cœno  
 Ut videre atro emergentem, quem excita circum  
 Turba canum insequitur lutulentum, & quâ fugit  
 anser,  
 Atq; anates raucis quatiunt clangoribus alas.  
 Hinc paulum sopiti ignes, & fractior ira:  
 Mitior hinc animis furor, & pax deinde secuta.  
 Concordes iunxere manus, & fœdere iusto

C

Res



*Res ita composita, ut victrix Iuditha referret  
Præmia; sed mæsta Damari promisit in aurem  
Debbora partheniam chlamydem solatia victæ.*

*Sed non hic finis. Lis altera deinde secuta,  
Inq; repentinum subito versa omnia luctum.  
Stabant intentæ matres, & virginis auream  
Cervicem textis ornabant floribus. Illa  
Namq; acubus fixis accommodat; altera subtus  
Virgineum peplum nodo implicat; altera flavos  
Educit crines; hæc deniq; corrigit omnia,  
Atq; aliter crines, & velum, &serta reponit  
Floreæ: nec finis tricis muliebribus. Ast heu!  
Heu Daniel miser! heu misera qui præmia nuper  
Abstuleras Damari! Nunc sacro deniq; velo  
Clausa, inter veluti nimbos argentea luna,  
Ut stetit in medio tua Iudith compta amaranthis,  
Et vernis redimita rosis; heu non tua Iudith  
Amplius, heu sponsum, heu thalamos auersa repente,  
Et tedas exosa fugit, pactosq; hymenæos;  
Coniugiumq; palam, & veteres detrectat amores.  
Nequicquam mater, nequicquam cætera turba,  
Atq; avia, atq; soror dictis lenire furentem:  
O gnata, o misera dolor, & spes vana parentis!  
Vnde odia? vnde ira? & subita hæc insania mentis?  
Ipse amens pastor flens, atq; in genua volutus  
Crimina scitari lacrymans, veniamq; precari.  
Aspera sed virgo, dictis haud mollibus, alto  
Abnuuit ore minax; quantumq; miserrimus ille*

*Obse-*



Obsequijs ambit; tantum illa ferocius arcet.  
Dein versa ad matrem, Thalami iam desere curas  
Hinc, ait, o genitrix, lacrymisq; absiste precari;  
Nam mihi Carmeli sacra inter culmina florem  
Virgineum, atq; cui illesum seruare pudorem  
Est votum: hanc certam iniiciunt mihi sydera mentem.  
Tum verò infelix sponsus quatiens pede terram,  
Et scissa endromide, & chlamyde, abiectq; galero,  
Ingratam, immemorem, infidam, agrestemq; vocare,  
Præmia cui ludo victa nil tale merenti  
Heu demens tulerat: nunc donis nempe superba  
Promissos fugit illa thoros. Furit improbus amens,  
Et nisi vi teneant conantem soluere capta  
Brachia, fortè ruat præceps moriturus in amnem,  
Aut sanctum properet manibus rescindere textum:  
Tantus agit cacam furor & vesania mentem.

At non passa diu tristes mitissima Mater,  
Nec donis turbare suis solatia ruris.  
Audiat hac, exosa domum, si qua innuba virgo  
Nubere caelesti sponso velit: audiat illa  
Cui thalamo felix, cui sese obstringat amanti.

Fortè in secessu viridi, dum talia feruent,  
Tres pueri teneri atq; boni, quæ carpinus ingens  
Floruerat, summo speculati in vertice nidum  
Luscinia, iactis glebis, saxisq; per auras,  
Deicere instabant; paruis tamen irritus omnis  
Iamdudum conatus erat: Cùm visa repente  
E latebris Sylva ante oculos pulcherrima imago,



*Incesu prorsus, gestuq; habituq; MARIA.*  
*Illa erat, illa manu Puerum de more trahebat;*  
*Sen visa in speciem tantum, seu vecta per auras,*  
*(Quidquid id est) medio coram nitidissima luco*  
*Substitit, arridensq; suo de more locuta.*  
*O pueri, teneros haud fas conuellere nidos,*  
*Atq; suos misera matri subducere fœtus,*  
*Quos illa instruit ad cantus; nam deinde solutis*  
*Illi etiam linguis, cantu nemora auia mulcent:*  
*Huc, ait; & positis saxis accedere coram*  
*Improbulos, cœnoq; manus abstergere iussit;*  
*Eduxitq; sinu tria persica, & oscula rite*  
*Ferre prius manibus docuit; primumq; Manassi,*  
*Tum Ionathæ, Phineiq; dedit: dein iam fugientes*  
*Acceptis donis, cupidos ostendere, rursus*  
*Ad sese reuocat, prohibensq; ea ledere morsu,*  
*Ferre intacta iubet: Vestris & matribus, inquit,*  
*Si vos fortè rogent, Maria hæc Iessæia nobis,*  
*Dicite, dona dedit; grauib; iam libera curis*  
*Huc reditura breui. Memores hoc deinde tenete:*  
*Dicite Iuditham mihi seruent, quam meus Infans*  
*Vult castis thalamis iam nunc sibi nubere Iesus.*  
*Audistis? Iuditha meo desponsa Puello est:*  
*Hic meus, hanc, inquam, sibi nuptiam destinat*  
*Infans.*  
*Sic instat, nomenq; iterum, & mandata reposcit,*  
*Ut memores seruent, recitentq; fideliter omnia;*  
*Et blasas voces, semesq; dicta reformat.*

Tan-



Tantaq; simplicitas erat, ut iam ferre docentem  
Præcupidi haud possent: Ite ocyus, ite, puelli.  
Ocyus exiguos per culta virentia gressus  
Accelerant lati; procul & clamoribus altis  
Dona manu ostentant: Maria hæc pulcherrima donat:  
Mirantesq; adeunt matres, gremijsq; reponunt,  
Et Mariam quandam, haud sibi notam, hæc pulchra  
dedisse

Munera. Ubi? qualis? quanam? rogat undique  
circum

Anxia turba. Illi vestes describere, & ora,  
Et digitis monstrare locum, & promittere certos  
Quamprimum in patriam reditus; atq; insuper addunt  
Iuditham Iesu desponsam, hanc nubere certis  
Promissis Pueri. Tum facta silentia linguis,  
Iniectusq; pavor, sopitaq; iurgia amantum.  
Illico deproperant certatim e colle virenti  
Præcipientes, ducibus pueris. Ubi vero? ubi visa?  
Solliciti, intentiq; rogant. Illi omnia circum  
Vestigare oculis: Hic primum obiecta Manassi,  
Hic erat. Ast illic iam fons argenteus unda  
Stagnabat vitrea; violæq; , rosæq; marine  
(Sic Itali appellant albas) cernuntur in herba.  
Illa tamen nec per salices quasita, nec inter  
Pineta, & larices, iterumq; iterumq; vocata  
Vlli usquam responsa dabat. Viden', Ismaris, illam!  
Eccilla! At subito ex oculis evanuit: at mox  
Visa iterum tilia super alta: at visa refugit.


En



*En rursus in stagno! Rachelis sed fuit error;  
 Namq; erat in nube, & vitreo apparebat in amne.  
 Nec deinde ulterius visa ulli. At territi agrestes,  
 Collectis cedris sylvestribus, atq; ligustris,  
 Iuditham Iesu desponsam rite sacrabant,  
 Ignari quanto se nomine tollet ad astra  
 Bellatrix quondam; quantum feret ardua palmas  
 Iuditham super antiquam; quæq; inclyta rerum  
 Hinc series oritura ingens, Iessæia postquam  
 Parthenis in patrios remigraveris alma penates.*







## LIBER SECVNDVS.

## ARGVMENTVM.

Virgo ex Ægypto redux in itinere ab Angelis  
conuiuio excipitur. Patrios colles subeun-  
tem vindemiatores longè prospiciunt. Op-  
pidani admoniti obuiam exeunt. Domi Su-  
fannæ excipitur; inde paternas ædes subit.  
Pueri, Matri, & seni nutritio felices somni,  
nocturno cantu, e cælo deuocantur.

**C**andida iam celo reparabat cornua Phæbe,  
Spiciferamq; manum radiantem proxima soli  
Erigone stellis gemmatam absconderat axe;  
Cum lati augurijs tandem caelestibus almæ  
Nazarij aduentum Diua sensere propinquum.  
Scilicet hac illis reductus certissima signa  
Discedens dederat Ionas: Tria lilia quando  
In Mariæ specula niueum de cespite florem  
Protulerint, coelo lunas exinde recentes  
Obseruate, inquit, bis tertia namq; reducet.  
Lilia vernarant, bis tertia lunaq; primum  
Clara inter roseas visa est argentea nubes.  
Et iam Diua parens Marcotica regna relinquens,  
Caelesti monitu, seni post fata tyranni,

Cum



Cum sene, cumq; suo tandem expectata Puella,  
 Nazareos leta in colles, atq; arua redibat.  
 Olli puniceis interfluentibus ambit  
 Texta umbella comas paleis, & tempora inumbrat,  
 Coccinea quam propius substringit tania nexu:  
 Obliqua ex humero descendit ianthina zona,  
 Qualem fusca genas, & multo torrida sole,  
 Singario veniens e pago Ægyptia mater  
 Ferre solet; niueos cyclas tegit ima colurnos:  
 Fræna regens senior custos it præius: ipsa  
 Fæmineum in morem vehitur, nigrosq; capillos  
 In spiram tortos mundissima lina coercent.

Sylva fuit tamarice virens, elatisq; recuruis  
 Palmarum, torto quâ scrupæa calle nitentem  
 Exigui laticis ducebat glarea venam.  
 Haud procul inde Cison it campis murmure rauco,  
 Prætextus glaucis cannis, limoq; palustri,  
 Lata Palestina per pingua culta volutus.  
 Hic, fluvij hæd procul a ripa, sub colle virenti,  
 Bisdeni alati iuvenes, nemus inter opacum,  
 Floriferam mensam secreta in valle pararant  
 Parthenidi & Nato: opportunaq; tempora nacti:  
 Ramorum e latebris, leto clamore, repenti  
 Erupere. Dolos timuit deprensa viatrix  
 Extemplo: risit celestis Populus: ipse  
 Improvisum epulum, senior, distentaq; in herbis  
 Candida lina stupe. Circumfusi undiq; ephebi,  
 Pars onere infantis longo releuare parentem,

Quadrus



## LIBER II.

25

*Quadrupedis pars fræna manu prensare fugacis:  
Sarcinulas seruare alij: mitissima Virgo  
Officiosa queri, superum se fraude petitam,  
Se circumuentam; simul interiora subibat  
Frondentis syluæ, quæ subterlabitur alnis  
Hinc atq; hinc torrens. Illic gratissima lassis  
Parta quies paulum, & viridi mora dulcis in umbra.  
Crinibus alludunt Zephyri; strepit undiq; pennis  
Pictarum volucrum festus chorus, anthuli, alaudæ,  
Ardeolæq; canarinique. At rite ministri  
Dant manibus lymphas: alij mantilia tonsis  
Expediunt villis: alij cerealia liba,  
Mora, oleasq; ferunt. Magno prius alma Parenti  
Attollens oculos, purasq; ad sydera palmas  
Libabat Regina dapes; quas ordine pulchro,  
In niueo alabastrite, inspersis amaranthis  
Desuper, effusisq; crocis, & amaraco odoro,  
Imponunt famuli, lac pressum, cerea pruna,  
Et mella, atq; suis adopertas frondibus vuas.  
Hæc cernens limis oculis teterrimus Orci  
Rumpitur inuidia genius malus. Inter amœnæ  
Anfractus vallis, procul obseruabat euntes  
Iampridem, scopulos circum, & iuga celsa pererrans  
Capripedi Satyro similis: nunc anxius amens  
Circum ibat nemus: ut mensam qui olfecit herilem  
Villosus canis, at metuens oleagina tergo  
Verbera, stratus humi lances patinasq; tuetur,  
Hinc atq; hinc mota fallens ieiunia cauda:*

D

Hand



*Haud aliter Stygius lustrabat singula gurgēs,  
 Exertans oculos, nunc hāc, nunc peruagus illāc.  
 Audit ebur, pulsasq; fides, ceu bubo canoras,  
 Ante ortum solis, collectis horridus alis,  
 Contemplatur aues: audit mortalibus arces  
 Sydereas, legio vnde olim deiecta rebellis,  
 Seruari; his patrias sedes, his regna parari:  
 Intenditq; animos, arrectisq; auribus adstat.  
 At circum erranti, & per ramos cuncta tuenti,  
 A tergo alatus fidicen, cornu inter virumq;  
 Barbiton infregit medium, quod fortē gerebat:  
 Nam tibi quō, petulans, aditus? ten', lurida pestis,  
 Huc inferre? Apage hinc citius, procul, belluo.*

*Vento*

*Ocyor, ille fugā pedibus quatit arua bisulcis,  
 Tuta petens; summi scandentemq; ardua montis  
 Cernere erat pauidum, celsa de rupe tuentem,  
 Atq; utraq; manu plagam cernice tegentem.*

*Inde iter ingressi accelerant. Sirepit aethere aperto  
 Lata phalanx, pennisq; superuolat, aruaq; inumbrat.  
 Pars florum manibus plenis effundere nimbos  
 Virginis alba super velamina: pars pedes ire:  
 Ille equitat croceas nubes, hic cruribus exit  
 E medijs nebulis, hic summis prominet alis:  
 Mille alij varijs necluntur in aere nodis.  
 Sic peregrē incedens patrijs pulcherrima campis  
 Virgo propinquabat, vultu allatura beato  
 Solem impronissum, insperataq; gaudia ruri.*

*Tempus*



## LIBER II.

27

Tempus erat, quo lata nouo gens munere terra,  
 Grandinis, atq; Austri immunem, illasumq; pruina,  
 Frugiferis è vinetis in rustica tecta  
 Conuehit autumnam plaustris ingentibus. Et iam  
 Plus medio, ut solet, octobri, vindemia ferme  
 Exacta in campis fuerat: restabat apricus  
 Azariae collis; quò se gens rustica brochis,  
 Atq; uncis tulerat cultris, confertaq; passim  
 Vimina erant nigris uuis: sonat omnis agresti  
 Laetitia & cantu cliuus. Cùm raucus arator  
 Auditus procul è sulcis intendere vocem  
 Ingentem, & monstrare manu quiddam eminus:

Heus o!

Vos, inquit, Mariae redeunti occurrere; namq; hic  
 Bos cornu petit, & nequeo discedere. Sed vox  
 Tam procul audiri haud poterat; frustra; per auras  
 Itq; reditq; idem venoso è gutture clamor.  
 At Ierichunta emensa oculis latè undiq; campos,  
 Atq; arcens manibus phœbeia spicula utrisq;,  
 Per callem exiguum, vix, multo in lumine solis,  
 Agnouit reduces, intentq; indice matri  
 Monstrauit Zebidæ, hæc Myriæ atque Orphæ,  
 Orpha; Ofia,  
 Atq; hic Romeliæ, hæc Liæ. Sed non tamen illam  
 Credere vult Ionathas: Illa est, Illa, inquit Elisa,  
 Quàm te ego præsentem video.\* Quo pignore certas?  
 \* Quo tu cunq; velis: signabatq; indice certo,  
 Nec iam amens animo poterat, nec colle teneri.

D 2

Interea



Interea observant alij quàm Sylvia monstrat;  
 Sylvia Idumeas inter celeberrima Nymphas,  
 Intentisq; oculis, & hiulcis oribus adstant.  
 At pueri iam præmissi, garritis altis,  
 Illa est, unanimes geminant: Illa, inquit arator,  
 E sulcis iterum clamans. Tum protinus altis  
 Decurrere iugis, cistis in colle relictis,  
 Viscatis manibus raptim ad femoralia terfis:  
 In corbem præceps Zabulon, in mulctra Barucbus  
 Prolapsi, atq; agiles iterum (tanto impete oborta  
 Gaudia) deproperant læti. Quis murmura verò  
 Explicet, & voces, vultusq; hilaremq; tumultum?  
 Illam omnes in tecta sequi velle; at bona mater  
 Id vetat, & qualis vindemia quantaq; læto  
 Ore serena rogat; comitari iterumq; volentes  
 Abnuat omnino. Tamen vuas rite ligatas  
 Et Puer, & custos, & formosissima Virgo,  
 Quisq; suas manibus gratissima dona ferebant.  
 Hinc iter accelerant. Mater blandita puello,  
 Purpurei autumnus donum sibi læta poposcit.  
 Ille dedit, manibus sublatum munus virisq;  
 Ostendens. Dictu mirabile! iuncta racemo  
 Improvisa ceres mixtis flavebat aristas,  
 Quale amethysto aurum nexum, insertumue pyropis.  
 Obstupuit genitrix: Vnde hæc, unde aurea messis?  
 Cui Puer: Hæc olim gemina sub fruge, cruento  
 Iam propior letho, institutam solemnia sacra,  
 Atq; viroq; tegam Numen mirabile velo.

Nec



## LIBER II.

29

Nec plura: attonitam dictis, trepidamq; reliquit.

Corripuere viam, quā multo semita g'yrat  
Autumno dines. Dextra, lauaq; frequentes  
Iuglandes, prunig; humiliq; ex arbore ficus,  
Confertis ramis, prætexit undiq; callem.  
Cernuntur veteres turre, atq; oppida longè,  
Immensum camporum æquor, nemorumq; recessus;  
Audiurq; fragor torrentis, quem caua subitus  
Vallis agit, per semesæ declinua ripæ:

Hinc iter in patriam nemoroso tramite villam,  
Quam sol purpureo deuexus lumine inaurat.

At pueri interea, quos non retinere potestas  
Vlla fuit, raptim celeres in tecta volarant,  
Ægre animam præ letitia, cursuq; trahentes,  
Nuncia letitiæ pubes. Volat illico fama;  
Fuit clamor tectis; Maria enulgata propinqua  
Nomina lata sonant: strepit omnis murmure pagus.  
Ad Deborah Samuel, ad Saram deuolat Esther;  
Contiguam Zambrim foribus Susanna vocabat;  
Hæc specula ex alta Sulamitim; hæc lata, fenestris  
Ore exerto, Amarim: Iessæ puella, sodales,  
Clamat, io! reducem iam nuncius alter & alter  
Retulit. Exoritur clamor, variaq; vicissim  
Scitantum voces: sed & ipsi cruribus hirtis,  
Audito strepitu, lacubus qui vina premebant,  
Attoniti cessant, & quæ noua gaudia poscant,  
Prodibantq; rubro depicti corpora musto.

Iamq; iter accelerans processerat obuia campis

Susan-



*Susanna, huic Iudith comes ibat, pulchraq; Elisa.  
 Nec longum in medio tempus, cum visa per ulmos,  
 Perg; humiles vites herbofo incedere cliuo,  
 Pomiferos inter peregrina Puerpera ramos.  
 Agnouere procul vestes, lacrymasq; dedere:  
 Mox plausum ingentem tollunt, quo personat aether,  
 Et circumiecti colles, vallesq; resultant.*

*Exiguum restabat iter; spatijq; quod usq;  
 Nazareum ad pagum superest, absolvere Virgo  
 Vult pedes: arreptis franis deducere asellum  
 Inter se pueri certant: Iudithaq; pulchrum  
 Implicitum manibus Iesum trahit: ipsa sodales,  
 Mirantesq; inter pergis, Iesæia, matres,  
 Respirans placidè, atq; oculos per singula ducens,  
 Sustentans manibus vestes, quæ semita aquosa est.  
 Sarcinulas humeris Ionathas gerit: obuia passim  
 Armenta occurrunt, agrestumq; agmina. Iamq;  
 Apparent humiles muri, iurresq; vetusti  
 Oppiduli vestitæ ederis, antiquaq; tecta,  
 Quæ procul agnoscis, Senior bone, flensq; salutas.  
 Ipse diem nollet iam seram absolvere Phœbus  
 Tam citò, deq; suo dolor est descendere curru,  
 Atq; utraq; manu roseos tenet axe iugales.*

*Ast ubi Susannæ bona Virgo euasit in ades,  
 Hic fragor, hic strepitus, amplexus, oscula mille,  
 Mille hilares voces, mixtumq; sine ordine discors  
 Vndiq; murmur erat. Nec viso littore nauta,  
 Nec genitrix nato, nec coniuge nupta recepto,*

*Quem*



Quem bello, aut pelago extinctum miseranda putarat,  
 Nec quidquid possunt lati sibi fingere noctu  
 Insomnes vates, aquare hac gaudia possint.  
 O tandem post secla redux! o deniq; sospes  
 Reddita lux orbe patriæ, expectata tot annis!  
 Ut formosa redis nil calo decolor illo!  
 Quæ via, qui cursus, quæ sors inopina reuexit?  
 Ecce humeris curuis octogenaria coniux  
 Alpei, explicitis vlnis, edentula voces  
 Non intellectas labijs conatur vtiq;  
 Et gnatam (sic illa vocat) complexa fatigat.  
 En Beroe, en veniens e torcularibus Abra,  
 Musta recentia utrâq; manu latissima portans,  
 Cui puer hinc Ammon, hinc Ruben vestibus harent.  
 Mox Debora ascensu subit improuisa repente,  
 Ingenti clamore ruens in colla, lacertis  
 Iniectis hærens non extricabilis: ipsa  
 Candidior niue Cissa latrans formosa catella  
 Agnoscit reducem, & circum mille implicat orbes,  
 Et vestes scalpit, genibusq; audacula reprat.  
 Utq; animam Debora assumpsit: Mella, inquit,  
     in horto  
 (Attraxiq; auram toto ore & pectore anhelat)  
 Mella, inquam, è ceris dum seligo, nuncius Helis  
 Te aduenisse tulit, mea lux; huc protinus amens  
 Aduolo; sed fari vix possum, namq; cucurri  
 Præpetibus ceruis, & fulminis ocyor alis.  
 Ut tandem amplector! Quæ sors, dulcissima rerum,  
     Quæ



Quæ reducem fausta aura iulii? nam patria nunquam  
 Oppida visuram, & prorsus mutasse Canopo,  
 (Me miseram!) hos agros, & recta antiqua putaram.  
 Ut te versicolor decet hac Ægyptia palla?  
 Hiccin Niligenis cultus habitusq; puellis?  
 Te finito huc paulò propiorem in luce videri.  
 Hæc inter festus sublatus clamor ad auras,  
 Illatq; faces, & lux face pulchrior omni;  
 Namq; aderat pulcher IESVS Samuelis in vlnis,  
 Atq; unà longæus Amos, & vertice glabro  
 Natanael; veteres Ioseph quos inter amicos  
 It lacrymans; interq; manus pulcherrimus Infans  
 Stabat, ut in medijs niuib; rosa nata decembri,  
 Quam circum eanæ glacies mirantur & imbres  
 Vernantem, nec duram hyemem, nimbosq; timentem.  
 Hinc Bethsabæa, hinc Rachel, & Syluia ridens,  
 O quæ bella humero vestis, niueiq; corburni!  
 Quæ manus hæc neuit, quæ licia candida torfit?  
 Ille, ori digito inserto, placidissimus adstat,  
 Nec pauet hirsutum mentum Samuelis, & horrens  
 Brachia circum, semiadapertaq; pectora linum.  
 At satis est, matres, satis est: discedere lassam  
 Iam sinite in patrias ades: nam tempora fando  
 Haud deerunt: sic Beris anus, sic Debbora dictis,  
 Sic iubet ore graui Samuel; nam sistere votis,  
 Nec precibus potuere ullis, facibusq; præibat  
 Iuditha, inq; diem (nequicquam, Diua, recusas)  
 Debbora iam statuit conuiuia festa sequentem.

Talia



*Talia Virgo tulit patrio solatia ruri,  
Post noctem obscuram, suspiria, vota; multa,  
Mercedem luctus, primaq; crepuscula lucis.*

*Nox ruit. In nidis volucres, in frondibus aura,  
Ipsa etiam ripis stagna acclinata quierant;  
Et dormire putes, pictasq; in gurgite stellas  
Esse quiescentis nitidissima somnia lymphæ.  
Cum levis in nimbo delapsa volucris alis  
Lætitiæ in terras stellato ex æthere venit:*

*Cui comes ille ciens animos, & pectora versans  
Spiritus, (a) à capreis montanis nomen adeptus,  
Ignotum Laio nomen; pictoribus ille  
Interdum assistens operi, nec segnius instans  
Utibus ante alios, Musis gratissimus hospes.*

(a) Vulgo  
Capriccio.

*Pastor erat Didymus, qui quondam captus amore  
Cælesti sese comitem, sociumq; puello  
Addiderat Iesu. Is ventos prædicere doctus,  
Quidue obitus ferrent varij, astrorumq; meatus,  
A strepitu procul, & turba, sylvestribus annos  
Egerat intentus calamis, haud noxius ulli.  
Felix, cui vigiles nondum prudentia curas  
Attulerat veniens; quin rerum incuria, & ipsa  
Inconstans mens, & vaga conciliarat amorem.  
Huic levis, in noctem iam seram, Spiritus ille  
Lætitiæ comes insiluit; quo plurima secum  
Ibat agens animis, insueto percitus æstro.  
Namq; iniecta hilaris mens improvisa: sub ipsis  
(Cogere si posset sociorum plectra) fenestris*

E

Virgi-



Virginis, instruere ad citharam melos; atq; sereno  
 Hospitibus fessis calo deducere somnos.  
 Sed quid tum poterat? quos importunus adiret?  
 Aut pulsare fores obscura auderet in umbra?  
 Ecce autem, vario secum dum fluctuat astu,  
 Ecce, inquam, socij vates, quos entheus idem  
 Spiritus excierat. Citharas hic vertice eburno,  
 Ille lyram ex ebena, hic sistrum, sua munera quisq;  
 Delicias, atq; agrestum intervalla laborum,  
 Attulerant secum. Non gratior ulla voluptas,  
 Quàm qua improvisò conducta, ex tempore nullis  
 In longum trahitur dilata ambagibus. Ergo  
 Unà omnes pariter per opaci compita ruris,  
 Quò furor immisus, quò mens incensa vocabat,  
 Elpinus, Pastor Ligus, Alcindusq; secuti,  
 Montanusq; (hæc nomina erant; sed Montius iste,  
 Hic Magius vulgò dicti, Pastorius ille,  
 Hic Lemene) papaueribus, fertisq; rosarum,  
 Et violis crinem præcincti: nec mora. Postquam  
 Ventum est stellato sub dio ad limina nota;  
 Summissim inter se primùm, intentiq; canoras  
 Auribus explorant chordas, tenduntq; remittuntq;  
 Ad numeros calami certos. Cunctisq; paratis,  
 Dum quisq; officijs certat, primusq; recusat  
 Rumpere præ reliquis nocturna silentia voce;  
 Ipse canam, finem positurus, Didymus inquit:  
 Nam, vereor, si fortè puer vos candidus ille  
 Audiat, haud unquam vigilantes claudet ocellos;  
 vsq;



## LIBER II. 35

Usq; adeò vestras dulce est audire camœnas.  
 Insidiatricem, venatricemq; soporis  
 Fabellam meditor, qua tædia, languoremque  
 Paulatim insinuet. Simul ergo per æra somnos  
 Videritis calo delapsos, illico nobis  
 Cessandum; inq; humiles, nullo clamore, fenestras  
 Cogendi bellè. Facile est agnoscere: plume  
 Sunt humeris variæ, sunt alba papauera circum  
 Tempora, populeosq; agitant sine murmure ramos.  
 His ita compositis, per opaca silentia pastor,  
 Concordes inter citharas, sic ora resoluit.

Humanus peragrabat Amor, sine viribus, æger  
 Iamdudum: furtim namq; ille comederat horto  
 Aurea poma, latens quæ fortè infecerat anguis:  
 Optabatq; miser quiddam, nec quid sibi vellet  
 Infelix norat; sed erant medicamina quadam,  
 Quæ tamen haud ullis poterat conquirere terris.  
 Venit ad auriferum Gangem, sed acerbior inde  
 Facta sitis; rursusq; Tago sitis altera creuit.  
 Sedit Erythræum ad pelagus, sed littore conchas  
 Dum teneris aperit digitis, digitum vna momordit,  
 Quem læsum intorto religabat tania filo.  
 Venit & in Cypron læsus. Quid singula narro?  
 Nullum erat in terris agro solamen Amori.  
 O miser, ignarus quæ pars tibi cognita nondum  
 Terrarum profugo restet! Tibi restat Idume:  
 Hac regio, hoc calum, hæc certam feret aura  
 salutem.

Amor hu-  
 manus  
 æger

nusquam  
 inuenit re-  
 media.

E 2

Venit



Venit ad  
Iordanem:

à Maria  
hospitio  
excipitur:

conuale-  
scit:

Venit Idumæas tandem.... (subsistite paulum;  
Nam quiddam, instar avis, visum est considerare opacos  
Hos inter ramos: sopor est pulcherrimus: & mox,  
Spero, alios pariter deducam in retia cantu)  
Venit Idumæas tandem, inquam, fessus in oras,  
Iordanemq; bibit: dumq; agris deuius errat,  
Lamentisq; vias, atq; auras questibus implet;  
Illum merentem vidit pulcherrima mater,  
Cœlestis pueri mater, tenuitq; fugacem,  
Plorantiq; dedit bellaria: verbaq; dixit  
Blanda adeò, dulcesq; minas adiecit, ut ille  
Captiuum dederit sese; subiitq; penates,  
Assucuitq; puer lacti, mellique; nec auro  
Sortem hanc, nec gemma quauis, pretiose dedisset.  
Hic ager passus curam est, hic iungere utraq;  
Edidicit palmas, ad solem versus eum,  
Curuatis genibus supplex; hic deniq; lenta  
Sensim conualuit febris... (subsistite rursus;  
Nam tecto insedit, nisi fallor, penniger alter  
Somnus; at exiguus latet, & vix prominet alis  
Vndiq; stellatis: superest nunc tertius; at mox  
In viscum veniet) febris, inquam, deniq; lenta  
Sensim conualuit: sed quàm brevis, ah! fuit ista  
Parta salus, miserande puer, mox, heu! moriturus  
(Aspera nam sic fata volunt) moriturus acerbo  
Funere. Namq; aderat sub eodem paupere tecto  
Alius Amor, sed cœlestis, sed natus olympo;  
Terrestremq; illum dedignabatur eodem

Sub



## LIBER II.

37

Sub lare, quippe leuem, cui vox, cui mellea tantum  
Vis inerat verbis, sed nulla in corpore vires.

Ergo aliquando miser, fando dum plurima iactat,  
Ut solet, atq; alium vocat in certamina demens,  
Seu lusus, seu lucta fuit, (quidquid fuit) ictu  
Stratus humi cecidit; nec profuit illico vitam  
Poscere, nec cubito, manibusq; auertere vulnus;  
Vulnus atrox, lethale imo sub pectore fixum est,  
Nec lacryma, gemitusue ulli valere precantis.

Saucius ergo, agrèq; trahens vestigia, tecto  
Successit, iacuitq; thoro; sed amabilis illa  
Plaga erat, atq; adeò dulcis, ut ferre medelam  
Nollet, nec riuos calidi retinere cruoris,

Nec fomenta pati: donec cum sanguine vires  
Paulatim exanimis abiere, exhaustaq; vita est.

Ah puer! ah! iaculis quis te concurrere, demens,  
Talibus incautum traxit non viribus aquis?

Accipe nunc, qua non sentis, solatia mortis.

Nam pulchram ut vidit faciem, & fera vulnera  
victor,

Effudit lacrymas, impleuitq; astra querelis,

Incubuitq; super, dixitq; tenerrima verba.

Dumq; sinu toto fouet, & dum brachia collo

Inijcit, atq; artus, tenerisq; amplexibus haret;

Tam validè exanimem pressit, sic membra lacertis

Frigida strinxit, ut è geminis amor unus & idem

Exiitit pueris. Sic terris irrequietum,

Humanis rebus lassum, miserèq; vagantem,

Dina,

Sed ausus  
prouocare  
Diuinum  
amorem,  
ab eodem  
vulneratur:

exiitit  
sensibus:

in Amorem  
Diuinum  
vertitur.



*Dina, trabis nostrum mira dulcedine amorem,  
 Aegrum quem reficis blandè; mox viribus auctus,  
 Paulatim exiit terrenis sensibus: inde  
 Euadit cœlestis amor. Iam ponite plectra:  
 Fabellam cecini, nec fas producere carmen.  
 Nam, bene si video in tenebris, tandem ultimus axe  
 Labitur ecce sopor nitidis argenteus alis.  
 Iamq; omnes gradiuntur humo; iam tecta volatu  
 Sacra petunt: iamq; ille Senis frontem insilit; alter  
 Lucentes digitis tibi, Pupe, resignat ocellos:  
 Ille utraq; manu furtim ninea ora Parenti  
 Obteggit à tergo. Tranquilla silentia, labris  
 Admoto digito, subeunt: Genij nocturnas  
 Lampadas extinxere omnes: tuq; humida velum  
 Nox super extendis, procul & discedere mandas:  
 Namq; hora sex nigricomæ, quæ somnia portant,  
 Somnia bella, ebena textis inclusa canistris,  
 Haud inferre pedem, nobis præsentibus, audent.  
 Pergimus: at vobis, vates, pro munere tanto,  
 Hic Puer, & Pueri custos, formosaq; Mater,  
 Supremus somnus cum serò aduenerit, adsint.*







## LIBER TERTIVS.

## ARGVMENTVM.

Dæmon liuore concitus bellum aduersus Ie-  
sum molitur. Speculatores lemures mentito  
habitu Nazareth præmittuntur. Armilu-  
strium instituitur in Perside. In conuentu  
matrum, præsentē Virgine, Dæmon ex-  
plorator detegitur. Deipara ab Angelo mo-  
netur, vt secedat cum Puerō in desertum  
D. Ioannis Baptistæ. Castra inferna in  
montes Abarim descendunt, atq; ibi rixâ  
exortâ, mox classe aerea dæmonum de-  
lapsa, bacchanal celebratur.

**Q**Valis formosum niuea ceruice catellum,  
Virgineo in gremio manibus quem comit eburnis  
Famina, sic meritum cernens dolet inuidus, ore  
Allatratq; rudi turpis quandoq; molossus,  
Dilectus domine ille etiam, cū candidus olim;  
Et tener, & blandus fuerat; nunc vincula collo  
Gestantem absterrent mensis, & postibus arcant:  
Haud aliter Puerum caelestem dum videt hostis  
Luridus, ipse etiam quondam, cū degeret astris,  
Delicium cæli; ringit, totusq; veneno

*Liuc-*



*Lineſcit miſer, & partes ſe verſat in omnes;  
Ledere ſi tenerum queat, atq; abſumere leitho.  
Quin etiam infelix iubet arma capeſſere vulgus  
Tanarium, atq; iterum ſuperis indicere bella:  
Demens, qui ruruſum tentare pericula Martis  
Auſit, &, vnde miſer cecidit, ſe credere cælo;  
Tartareum quamuis ſceptrum, ſoliumue tremiſcat,  
Indicioq; Puer non vno extrema minetur.  
Vnde adeò incenſus furijs huc turbidus uſq;  
Pralia diſtulerit, cauſas euoluere ab alto  
Longa foret ſeries. Pharij namq; arua Canopi  
Vi primùm tetigit Deus infans, illius omnis  
Horruit aduentum iam tum Marcotica tellus,  
Oraq; torſerunt ſigna ærea, templaq; paſſim  
Traxere ingentes rimas; ſimulacraq; mutis,  
Aduentante Deo, preſſere oracula linguis.  
Hinc rabies collecta ingens, ſemperq; recenti  
Clade auſtus dolor, & virus: centum acta ſub Orco  
Concilia: innumera fraudes textæ atq; retextæ:  
Conſcripti, expunctiq; duces. Mens omnibus anceps,  
An vates, an fortè aliquis de gente ſupremi  
Ordinis; an demum (quod non eſt credere) Numen  
Humana lateat ſub imagine. Nec minùs acti  
In diuerſa animi, quid agant, quibus artibus obſtent;  
Num ſimulent, num Marte palàm concurrere certent.  
Ac veluti, priùs abruptis quàm nubibus imber  
Precipitet, longè clauſum inter nubila raucum  
It murmur, ventiq; fremunt, noxq; ingruit atra  
Paula*



## LIBER III.

41

Paulatim calum eripiens; & iam tonat axis,  
 Iamq; cadunt guttae ingentes: tum deniq; fractus  
 Horrifono bombo ruit inter fulgura nimbus:  
 Haud aliter cacus furor, atq; odia aspera tandem  
 Euasere modum; belliq; obstacula rupit  
 Ille explorator quondam teterrimus ausus  
 Os inferre epulis, reduci quas cœlica turba  
 Virgini adornarat. Probro ignauissimus impar  
 Per deserta vagus Samareia, tempore longo  
 Abditus in syluis latuit: Stygiosq; reuersus  
 Postremò ad manes inhonorum in vertice vulnus,  
 Quod nemore in sacro citharista inflixerat Ales,  
 Ostendit coram; quaq; illic viderat, & quæ  
 Audierat retulit. Tunc imis atra medullis  
 Exarsit rabies, penitusq; ignauia tristis  
 In flammæ abiit: tum fracta repagula Ditis,  
 Tum socijs data libertas, patefactaq; claustra,  
 Emissæ furæ ex adytis, decretaq; bella.

Principiò lemures præmissi Nazareth, ore  
 Mentito, atq; habitu agresti, qui tempora nacti  
 Insidias struerent, atq; explorata referrent.  
 Illi autem, ne quid male comptum turpia Auerni  
 Proderet, his dictis menda erroresq; monebant.  
 Hanc tu cornigeram frontem melius nisi celes,  
 Dignoscere statim; atq; aliquis fortasse choraules,  
 Capripedi ut socio, citharâ tibi rursus ad aures  
 Carmen idem recinet. \* Tibi verò hæc bubula c alceo  
 Ungula se nimium prodit. \* Tu pellibus uncus

F

Hos



*Hos digitos: \* Tuq; auriculas has obtege: \* Tuq; hanc,  
Qua malè serpit humi sinuosa, recollige caudam.  
\* Nescio quid fiet hoc: quoties mentirier ora,  
Incessumue hominum libuit, quid semper iniquum  
Proflit, atq; Orci frustum, aut mala lingula pendet.  
Nunc, Stygij, huc animum, fratres. Nos Belphegor  
istoc*

*Exploratores mittit, qui nunc Babylone  
Eductos Erebo pedites, equitesue recenset  
Aduersus Puerum, cui centum millia fama est  
Aligerum lateri aduigilare. Puërne, Deusne  
Incertum: remq; hanc scabere, & sibi cuncta referri  
Continuò mandat. Vos ergo aduortite mentem.  
Quid mediter, qua se primùm sors optima pandat.  
Casorum est hodie infantum lux annua. Rite  
Conuenient matres in syluam, ubi cespitem ficti  
Sunt tumuli septem lactentum: atq; huc quoq; mater  
Adueniet pueri le.. (vau! ferme excidit ore  
Flamminum nomen, quod sulphure peius adurit)  
Hic ego plorantes inter lacrumabor, anilem  
In speciem, curas acuens, mixtoq; dolorem  
Felle ciens, spargamq; ignes, & nigra venena.  
Vos, simul in vulgus paulatim serpere virus:  
Cæperit, extemplo facies assumite matrum,  
Qua peregrè Ægypti veniunt ex urbibus, atros  
Appensos pueros zonis ad colla gerentes.  
Atq; ibi clade pari (cùm Memphi degeret infans  
Ieffeus) casos pariter sine more puellios*

*Dicite;*



## LIBER III.

43

Dicite; vosq; agrè elapsas, mediosq; per enses  
 Terq; neces, vestros rapuisse è funere gnatos.  
 Sic fraus egregiè mihi nodo intexta; nec impar  
 (Spero equidem) merces operi promissa sequetur.  
 Talia iactantes, densa caligine septi  
 Ibant, & muros pagi portasq; subibant,  
 Atq; locum, insidijsq; modum, tempusq; parabant.  
 Atq; ea dum lemures obscuræ noctis in umbra  
 Consilia, & fraudes agitant, iam Persidos aruis  
 Constiterat legio Ditis; tanto illa paratu  
 Flammarum, atq; aris, quanto si funditus orbis  
 Vastandus terra, aut repetendum ultricibus armis  
 Sydus hyperboreum, soliumue Aquilone locandum.  
 Non tot ad Euphratem vastis tentoria campis  
 Victor Amurrathes quondam Babylonia circum  
 Mœnia distendit; nec tot Mustaphus eoīs  
 Viribus excitis, totoq; Oriente coacto,  
 Austriacam impleuit nuper terrore Viennam,  
 Quot Stygias turmas sub signa Beelphegor Orci  
 Egerat ad ripas Chaldaei fluminis; ipsam  
 Atq; urbem flammis & fumo, atq; æthera, & omnes  
 Afflarat campos. Calloiti quisquis eremum,  
 Infernasq; acies pictas, portentaq; vidit,  
 Totq; illic Erebi formas, Antonius olim  
 Numine confusus quæ dispulit omnia in auras;  
 Ille satis nondum sibi spectra hæc horrida fingat.  
 Quid primum, quid deinde canam? Namq; aere toto  
 Plena anium stygijs rostris, plena omnia gryphis,  
 F 2 Atq;



Atq; ipso emergunt orca, atq; acherusia cete,  
 Attolluntq; caput fluuius, & vada turbida verrunt.  
 Tercentum in leucas latis exercitus horrens  
 Porrigitur campis; quantumue interiacet arui  
 Harpyia, Scyllaeq; tenent, nigriq; elephantii,  
 Phantua, Onoscelides, Phoniq; leuesq; Paredri;  
 Vexillumq; Erebi ferrata è cuspide pendet  
 Daemonis hirsuti pellis, quam ventilat Auster,  
 Ipse etiam ex Erebo perflans. Quid murmura circum,  
 Quid raucos fremitus, castrorumq; otia cantem?  
 Pars piceos infranat equos, pars area stipat  
 Tormenta, ingestis lemorum in caua viscera turmis,  
 Atq; alius bombo horrissono displodit in auras.  
 Hic Centaurorum submisso poplite calces,  
 Atro praecinctus corio, conuicta iactans,  
 Aëris soleis ferruminat: ille retusos  
 Exacuit mercede ungues, & cornua passim,  
 Cum stridore rota circum acta, quam pede versat,  
 Doliolo è nigro in silicem stillante cremore.  
 Tum dira facies, quales è marmore summis  
 Delubris Gothicis prostant, caeloue cadentes  
 Excipiunt pluuios imbres; vel qualia in hortis  
 Romuleis Tiburtino spirantia saxo  
 Ora labris bifidis, magnosq; patentia rictu  
 Albunæ iaculantur aquas. Hæc omnis apertis,  
 (Assyria postquam latè confederat ora,  
 Iamq; aderat toto miles collectus Averno)  
 Ibat ouans legio campis. Præit horrida cantu

Buccina



## LIBER III.

45

Buccina Tanario Phlegethonte audita, cauernisq;  
 Æmula respondet stygijs. Prima agmina Alastor  
 Millia centum agitat lemurum, quibus omnibus ora  
 Effuso varioq; sonant distorta cachinno;  
 Omnibus aquorea summa pro casside concha,  
 Ac frustillatim scissæ per corpora abolle.  
 Hi campos habitant imi aeris: æthere magno  
 Namq; ferunt olim discrimina neutra secutos,  
 Nec styge, nec cælo admissos, volitare per auras.  
 Post hos implicitus nimbo, nigraq; procella  
 Arbiter Oceani Typhon sese arduus infert:  
 Quem sequitur Rummus, Rummus qui denia saxa,  
 Quiq; sinus habitat Locarni, & vertice ab alto  
 Margutij veniens Verbani exasperat undam.  
 Centum illi lamia comites, anus Orchia, & Afra  
 Euganea; Nannæaq; Fæaq; iunior, amba  
 Vindelica; & Rhætia innumera, Marsaq; Sabellaque;  
 Atq; aris fabri, fumosoq; ore caminis  
 Assueti furuis pannosa in veste banausi.  
 Hinc stridor varius, veluti cùm summa domorum  
 Riuales glaucis oculis se torua tuentes  
 Noctibus hybernis percurrunt culmina feles.  
 Vnà omnes spissa pluuiæ in nocte feruntur,  
 Terrificosq; cient nimbos. Heu vindicis ira  
 Numinis! heu quantum pulcherrima sydera Olympi  
 Deformare scelus quondam; quantum impia regni  
 Ambitio potuit, solijq; insana cupido!  
 Postremò insignis maculosi pellibus hydri

Qua-



Quadrijugo it curru Dramelech, qui praelia primus,  
 Quiq; arcus Scythicos docuit, volucresq; sagittas.  
 Mille repertoies secum trahit ille nocentes,  
 Qui ferri infandos usus, qui dira venena,  
 Qui pestes, morbosq; novos, & Thessala philtia,  
 Atq; alia in populos miseros inuenta tulere  
 Noxia: Quos claudit sequiturq; nigerrimus vnus,  
 Vertice demisso, qui seris inuehet annis  
 Flammiferas bolides; iam nunc secum ille volutat  
 Triste magisterium flammæ, pandasq; carinas,  
 Arcanig; ignis non euitabile fulmen.  
 Singula quid memorem? quid formidabile murmur?  
 Quid rictus varios, quos haud fas dicere; namq;  
 Ipsæ etiam balistæ, ollæ, tentoria, carri,  
 Tympana erant stygij Cacodæmones; oraq; & igneos  
 Abstrusos oculos hac illa in parte gerebant.  
 Ad stagnum obscuris piceis, atraq; cupresso,  
 Illicibus septum nigris postquam undiq; turba  
 Littore constiterat (dictu mirabile!) signum  
 Tanariæ cecinere tubæ: Tum protinus omnes  
 Quadrigæ, pedites, equites, carpenta, cameli,  
 Emissis alis ingentibus aere sparsis,  
 Tartareo in nimbo pennis subuecta volabant,  
 Talibus horrendus spectris eruperat Orcus  
 Multa timens: nec enim mortali pugna gerenda  
 Cum stirpe, aut simplex aliquis fallendus eremo  
 Syluicola; at dura in superos, atq; ardua in ipsum,  
 Pro templis, arisq; Deum, spolijsq; repostis,

Bella



## LIBER III. 47

Bella fore armatum gens prouidet impia Numen.

Nazaria interea matres, ut rite quotannis  
 Mos erat, Infantes, quorum annua fata redibant,  
 Unanimi in cœtu flebant. Nam myrtea sylua,  
 Et sylua in media pratum, circumq; frequentes  
 Colliculi exigui, monumentaq; tristia passim  
 Extra urbis muros fuerant. Fueratq; ibi, gnato  
 Dina ubi mæsta suo, atq; suo mæstissima Rachel,  
 Atq; alia aggesta terra, tenerisq; cupressis  
 Ornabant tumulos; tumulos tamen intus inanes  
 Quippe ignotus habet procul hinc corpuscula agellus.  
 Nil miserabilius visum unquam. Namq; ut acerbis  
 Ærumnis aderat quæ dictis blanda mederi,  
 Solariq; agras Virgo mitissima voce  
 Et vultu poterat; iuuat omnem euoluere coram  
 Flebilis historiae seriem, quam dicere sæpe  
 Consuerat Rachel: sed nunquam sic lacrymata est,  
 Nec lauit velum vberius, quo lumina tergit  
 Interdum narrans calido manantia fletu.  
 Heu natum illa suum casum crudeliter ipso  
 In gremio, paruasq; manus, atq; viraq; collo  
 Brachia tendentem lacrymis reminiscitur agra.  
 Quo gemitu concussa alia, luctusq; secutus  
 Ingens; fœmineis resonat nemus omne querelis.  
 At medios inter ploratus cuncta scelestus  
 Ille explorator stygius terrore repente  
 Ridiculusq; metu impleuit. Nam sederat herbã  
 Ipse etiam in viridi lugens, spissoq; nigroq;

Se



Se abdiderat panno, vidua ore, habituq; Phenennæ;  
 Ereptosq; sibi geminos ululare nepotes  
 Conabatur: eratq; adeò sine more modog;  
 Expreso in luctu deformis, ut ipsa modestum,  
 Quamquàm dissimulet vultu, vix, credo, teneres  
 (Conscia quippe doli) Virgo pulcherrima risum.  
 Namq; utraq; manu complectens tempora, labris,  
 Barbula queis inerat, miserè hinc atq; inde reductis,  
 Singultusq; trahens crebros, velut antlia sicca;  
 Hos, frontem caperans, vultu lugentis amarum,  
 Perfida turpis anus questus dabat: Ah miseram me!  
 Ah meus ereptus fato Nehemillus acerbo,  
 Cui furui crines, vultusq; oculiq; nigelli,  
 Nec dum etiam exerti unguicul! Nunc viueret ille;  
 Et, lassæ etatis fulcrum, quoq; viueret Abner,  
 Eheu, quem pariter lictor mihi sustulit ense!  
 Eheu me miseram geminis lactentibus orbam!  
 Heu non posse mori, meq; his exsoluere curis!  
 Causa mali tanti Puer ille. Hic indice Iesum  
 Lurida signabat; sed clauso gutture vocem  
 Edere non poterat. Nequicquam tempora quassans  
 Eluctatur iter, veluti qui faucibus arctis  
 Iusto maiorem transmittere nititur escam  
 Transuersam iugulo. Dumq; improba fingit acerbo  
 Se fletu nimio oppressam, nec posse loquelam  
 Exerere, & velo interea sese arctius abdit  
 Intentos oculos metuens, (res fœda relatu!)  
 Paulatim rupto prodibant utraq; lino

Cor ni-



Cornicula exacta ad torum turpissima visæ;  
Emicuere ignes oculis, & tempore eodem  
Pes lubrica è solea fugit, vitulinaq; coram  
Ungula subducta in solem fœdissima venit.  
Diriguere metu cunctæ; simul agmine facto  
Terga dabant: tenuit Virgo, excussaq; pauore,  
Obscenam vetulam certatim murmure magno  
Sandalijs iactu alterno, saxisq; petitam  
Turba puellarum insequitur. Fugit illa, cauernamq;  
Occupat: inde efflat graue olentem in limine fumum.  
Quo socij haud longè tremefacti, in veste latentes  
Fœminea, falsos pueros, luctumq; parati  
Inferre in medium; condicta ubi fraudis inanem  
Successum videre, nemus subiere, nec ausi  
Prodire in scenam: densis in nubibus errant  
Nazareos colles circum, vicinaq; rura,  
Ancipites quid agant, quò res, meditataq; vergant.

Ecce autem, postquam iam dudum Virgo penates  
Intrarat, purasq; manus tendebat Olympo,  
Fundens rite preces, stygij haud ignara pericli;  
Ecce, inquam, foribus patefactis, nuncius Ales  
Adstitit ante oculos, roseaq; hac ore locutus:  
Diuæ poli, his Puerum, teq; ocyùs eripe teclis;  
Iordanisq; sacri pete ripas. Est ibi vallis,  
Vmbriferumq; in valle nemus, cui proxima rupes,  
Atq; in rupe domus. Tuus hac syluestria paruus  
Antra nepos habitat, Præcursor Numinis. Illuc  
Protinus ire iubet superum Pater, atq; hominum Rex;

G

Atq;



Atq; hac ferre dedit celeres mandata per auras.  
 Surge age, clara prius quàm solem proferat Eos.  
 Nam qualis quantusq; cauo se carcere fudit  
 Turbo niger cælum, terras, & tartara miscens!  
 Dicere plura vetor. Sic fatus, multa volentem  
 Poscere deseruit, tennesq; recessit in auras.  
 Ocyus illa sequi caelestia iussa parabat,  
 Auroram expectans. Rutilis nitidissima stellis  
 Cernit adhuc conuexa poli: procul ignibus ardent  
 Aeris immensi tractus; atq; arua, lacusq;  
 Et nemora, & montes nox obtegit alta tenebris.  
 At metuenda acies Erebi vecta aere caco  
 Ibat more gruum, totamq; immanibus alis  
 Assyriam latè, atq; Arabum deserta tegebat;  
 Nulli visa tamen, nisi felibus, armentisq;  
 Et canibus noctu sine fine latrantibus, ore  
 Sublato aëria ad spectra, horribilesq; phalanges.  
 Ter lapsa ad terram nubes Cocytia, turmas  
 Exceptura nouas: nam passim è rupibus illis,  
 E nemorum latebris, è quercubus, atq; cauernis  
 Cornigeri egressi socij bella armaq; poscunt.  
 Noctes atq; dies it flammeus æthere turbo  
 Horrendus, terrisq; minans; lateq; per omnes  
 Iudææ fines sparsis se turbinat alis.  
 Donec ter circum gyris ingentibus actus,  
 Ter rauco accitis socijs agrestibus ore,  
 In montana Abarim præceps cadit; atq; ibi quotquot  
 Vallibus, & sterili in sabulo loca vasta tenebant,  
 Accolæ



## LIBER III. 51

*Accola Auernales occurrunt undiq; Mormi,  
Obsceni Triptes, Aquili, Lamia, Eurynomiq;  
Lucifugiq; alij innumeri, & socia agmina iungunt.*

*Musa, mihi infernas curas, miserosq; labores,  
Rixas, atq; lues memora, erroresq; viarum,  
Et studia, & mores, insaniq; orgia Ditis;  
Quæq; procul ratibus miris delata per auras  
Extremis Asia turba aduentarit ab oris:  
Vtq; ingens castris lis orta, vtq; arma vicissim  
Conuersa in socios; ac demum fœdere diro  
Omnia compositis turbis sedata quierint.*

*Mos est, igniferas quoties in bella cateruas  
Tartarei eduxere duces, seu littore turma  
Constiterint, seu desertis in montibus aspris,  
Noctes atq; dies exercere agmina campo,  
Nec minimam lassis unquam indulgere quietem.  
Ni faciant, aut hæc illac sparsa æthere aberrent  
Continuò, aut inter se ineant asperrima bella;  
Tanta animos rabies, furor, atq; insania versat.  
Ergo locustarum deserta per auiæ summam  
Principiò exigere, & ruta, atq; hypericonis, erui,  
Absinthiq; omnis, censumq; indicere arena:  
Durum opus, infestum, stygioq; molestius igne.  
Hinc aded memores visa execrantur olentis  
Nunc etiam ruta folia, atq; hypericonis umbram.  
Inde huc atq; illuc transferre horrentia castra,  
Per loca inaccesa, abruptis asperrima saxis;  
Cætera diuersis legio dum sparsa per orbem*



*Paulatim coeat terris, præmissaq; turba  
Exploratorum redeat. Pulsus ossibus albis  
Tympanum equo præit horrifonum, sonat ungula  
equorum*

*Plurima ponè sequens, flammisq; horrentia lucent  
Ad lunam Mathana deserta, atq; ardua Moab  
Regna, Edomitarum pendentiaq; oppida saxis.  
Ventum est semirutis pagi in magalia noctu.  
Hic Satyrus Behemoth dum quædam rudera versat,  
Legiferi Mosis cineres ubi fortè quierant,  
Gramineo è saxo flamma improuisa reluxit,  
Hircinamq; illi barbam, & crura hispida adussit;  
Capripedesq; inter socios dum saltitat, ignem  
Corripuere alij villis. Hinc excita rursum  
Iniectis stimulis rabies; hinc triste per agmen  
Augurium, fractæ vires, penitusq; medullis  
Infixus dolor impatiens: tum sulphuris atri  
Addita prolunies alui, stranguria, cancri;  
Vnde grauis labor atq; exosa tædia lucis,  
Inq; duces varium murmur, dira omina belli.*

*Ergo, ubi prima polo surgens aurora refulsit,  
(Ne mora iam captas intenderet acrius iras)  
Rursum castra mouent petrosa per auia Mææ,  
Mosis ubi iussu cortex demersus in undam  
Terfit amaritiem stagni; nunc omnis Auernus  
Ore bibit salsos latices, & flumina turbat.  
Atq; hic, intento rictu dum singula lustrant,  
Calcens in ripa niger & vetus Ismaelita*

In



## LIBER III.

53

Inuentus, soleis longo iam tempore adefis;  
Quem circumfusus rostris dum Damones atri  
Naribus olfaciunt, & morsum dentibus inter-  
Se rapiuntq; trahuntq; Bauum Phegor ore momordit:  
Grunniit ille, nigroq; armo Babuelis inhaest,  
Atq; is restituit morsum Zabulo, iste Molochus.  
Hinc iterum furor, & rabies, & stridor ad astra  
Excitus horribilis, veluti cum exorta canum lis  
In trinitio, aut stridens nexu pede protrahitur sus.  
Cornibus infestis concurritur undiq; fumum  
In faciem, piceosq; ignes sibi mutuo inhalant:  
Hic ruit ex alto praeceps, hunc ille veruto  
Traiectum, impositumq; humeris rapit: ille reluctans  
Infoditur penitus sabulo: atq; hinc Euphius, inde  
Per medias turbas Belial, nec non Melusina  
Strix anus, & procures alij compescere diis,  
Fustibus, & quernis palis certamina saeva  
Conantur medijs. Furijs exercitus amens,  
Horrendum stridens, montes secessit in altos;  
Diffidiumq; ingens oritur. Pars plurima bellum  
Detrectare palam, nisi dux regat arbiter agmen  
Humana de gente satus: nil viribus Orcum  
Posse suis, atq; acceptis id cladibus olim  
Compertum toties: quidquid feliciter actum  
Flagitijs hominum referunt. Pars altera contra  
Abnuere inuisum genus, euentusq; sinistros  
Mortali pariter toties sub principe fædos  
Obijcere: Hac testis rupes, hac conscia saxa  
Perfi-



*Perfidia : hoc ipso nos quondam in monte fefellit  
Sacrificus Balaam . Castra execrari olim  
Isacidum iussus , vates nequissimus ante  
Consuluit cali Numen ; dehinc proditor ore  
Fatidico cecinit Sydus fatale oriturum  
Abramidum populo . Sydus fatale refulsit ;  
Splendoremq ; nouum Solymæa in regna sequuntur  
Memnonij Reges . Confestim hos perdere letho  
Herodi sumus auctores : ille vrbe , domoq ;  
Excipit : Infantis quin & cunabula demens  
Indicat . Elusis votis , ferro ocys ire  
In puerum hortamur ; sit strages , undiq ; terror ,  
Ira , pauor , luctus : medijs è millibus vnus  
Interea impunè elapsus subterfugit hostis .  
Heu probrum ! heu serò quæsitum turpe timori  
Præsidium ! Et quisquam tantarum credere rerum  
Periuro generi , infido , totiesq ; rebeli  
Nunc summam velit ? Hæc illi . Tantò acrius ira  
Æstuat . Hinc atq ; hinc mens , & sententia constans  
Obnixiq ; animi studijs discordibus . Et iam  
Indomiti , infranes , nec passi excedere castris ,  
Nec tolerare moras , in mutua fata ruebant ,  
Tartaream aggressi litem decernere campo .  
Ecce autem (horrendum visu , & mirabile monstrum ! )  
Ecce , inquam , obscuro in nimbo procul æthere visi  
Veliferi ingentes gauli , centumq ; trivemes  
Aeria , innumeræq ; rates , cymbæq ; minores ,  
Informes catta , lintres , piceiq ; phaseli ;*

*Classis*



## LIBER III.

55

*Classis ab eoīs quæ formidabilis Indis  
 Soluerat. Huc Sina, & Baſtra, & Malabarica regna  
 Tranſtulerant rictus varios, & ſpectra Deorum  
 Innumera. Illa rotis ſe circinat aere magnis,  
 Paulatim ad terras ſpiris ingentibus acta.  
 Vela alij antennis religant, carcheſia ſumma  
 Aſcendunt alij; fragor undiq; nauticus, atq; hæc,  
 Atq; illac per tranſtra ultro citroq; celeuſtæ  
 Nuda in terga ſonant ſcuticis. In puppibus altis  
 Regina apparent, fuluo quibus omnibus ora  
 Sparsa vitro, caliendra argentea, vinctaq; taxo  
 Tempora inauratis folijs, ſpartoq; ligati  
 Horrendum in morem ſumma ceruice capilli.  
 Mox, ubi demiſſæ terras tetigere carinæ,  
 Continuo immanes volucres, animalia, cephi  
 Exiluerunt canis ratibus, Fauni, Satyrifci,  
 Dorceades, omnigenumq; Deum ſine nomine turba.  
 Haſ inter facies varias regina <sup>(b)</sup> Amilida  
 (Iapones appellant contracto nomine Amidam)  
 Sparsa comas, nigro vehitur pulcherrima capro  
 Per medias turbas: quæq; infert ardua grefſum,  
 Armigero obſequio vexilla haſtasq; phalanges  
 Subijciunt. Stygij procereſ ſtant undiq; circum;  
 Quæq; atrox nuper liſ orta, utq; agmina ſciſſa  
 Turbatiſ caſtris, geminoq; in monte catervas  
 Oſtendunt. Stetit illa graui imperterrita vultu,  
 Nunc hoſ, nunc illoſ auerſo lumine luſtrans:  
 Et quæ voſ, inquit, mentis veſania cæcas*

In

(b) Dæmon  
 repræſen-  
 tans Idolo-  
 latræ.



*In furias agit, o miseri? Hoc erat, hoccine bellum?  
 Huc socias tulimus vires? hæc fœdera nuper?  
 Hæc iurata fides? in nos condiximus arma?  
 Plagiferi, ambusti torres, per numina Ditis  
 Horrendi, infernumq; Chaos, discordibus ultro  
 Exitium commune fero. Concurrite utrinque,  
 Pergite, io, sedeo spectatrix, tertia Erynnis  
 Ex aquo ambobus cladem allatura, scelesti,  
 Viribus una meis par bello. His territa dictis  
 Lucifugum mens versa: animis subsidere sensim  
 Irarum fluctus: summis è rupibus acti,  
 Visendi studio, Babel, & Mabo bicornis,  
 Et Faunus Simiel, Onocentaurusq; Molocchus,  
 Atq; alij innumeri in mediam descendere vallem.  
 Mollius illa animos verbis lenire feroces,  
 Hortariq; omnes, dum tempus, dum vacat, & res  
 Integra adhuc, numerusq; auctus, spem ponere in armis:  
 Arbitriumq; sibi poscit, quo fœdera certis  
 Legibus instituat, dirimatq; obstacula belli.  
 Hic epule instructæ, atq; inter carchesia magna,  
 Obscœnasq; dapes, & ferrea pocula, tandem,  
 Consilio ducis, & procerum, iussuq; Amilida,  
 Lis ita composita: Vt primum discrimina Martis,  
 Principe sub Stygio, collectis viribus, omnes  
 Concordes ineant: sin verò prospera pugna  
 Sors minus acciderit, nec soli obsistere possint;  
 Tunc aliquis demum mortali è sanguine cretus,  
 Fœdere coniuncto, belli moderetur habenas,*

*Susc.*



## LIBER III.

57

*Succedatq; oneri. Clamorem ad sydera tollunt  
Assensu vnanimis cuncti. Ter flumine salso,  
Et pice liquenti, ter plumbo & sulphure regi  
Inferno libant, ter nigri felle veneni.  
Tum choreæ enormes. Quatuor cacodæmones, orbi  
Lumine viroq; , hirsuto pectine, pegmate ab alto  
Sambucas chordis grauioribus, & monochorda  
Vnanimis feriunt. Pedibus tremis icta bisulcis,  
Saltibus & magnis tellus: ululatibus antra,  
Atq; caua resonant valles. Væ, turba Acherontis!  
Væ tibi, vulgus iners! væ, nigra examina Ditis!  
Tot strepitus, tot spectra Erebi quò denique vergant  
Expecto. Iuuat hanc animis modò tergere nubem,  
Atq; meum sydus, nitidumq; renifere solem,  
Quem dudum haud video nebulis inclusus opacis,  
Vixq; adèd intueor, fuligine plenus & umbris.*



H

LI-





## LIBER QVARTVS. ARGVMENTVM.

Deipara cum Puerō in vallem Ænonis ad  
Diuum Ioannem Baptistam proficiscitur.  
In itinere leoni sitienti aquam è puteo hau-  
rit. Puella montana amore Iesu capta, ei-  
dem ferre osculum à Virgine Matre impe-  
trat; eiusq; iussu in fonte se intuens, muta-  
tam sibi faciem, eamq; pulcherrimam stu-  
pet. Angelus in sinum Abrahæ nuncius ad  
Patres mittitur.

**E**Rgo in valle atrà dum talia præparat Orcus,  
Parthenis interea exierat sub luminis ortum  
Nazareo è pago, paruum visura nepotem  
Elisabe natum; cui summam, arcanaq; rerum  
Secretis Puer alloquijs committere, nondum  
Nota genitrici, decreuerat. Hæc tamen olim,  
Post casus, variosq; metus, duosq; labores,  
Euenient. Nunc unà ambo, per iniqua locorum  
Et steriles salus, (ut nuper iusserat Ales)  
Quà via per scopulos, gressum in deserta ferebant.  
Est prope Iordanem nemorosa & inhospita vallis,  
Zacharidæ statio pueri, quem cernere nulli,

Scrui-



## LIBER IV.

59

Scrutariq; datum: quodq; admirabile dictu,  
 Illius in tota resonabat vocula eremo,  
 Exigui in morem litui, argentiq; canori.  
 Sape viatores mirus sonus ille fefellit,  
 Implexosq; diu tenuit; noctesq; diesq;  
 Errauere iugis alij, quos antra vocabant,  
 Speluncæq; caua nemorum, & vocalia saxa.  
 Ille habitat rupem non vestigabilis ulli,  
 Et modò venatur syluestria sicubi mella,  
 Nunc scabra filice immissa, digitisq; pusillis  
 Sollicitat rimis, sua pabula nempe, locustas.  
 Huc igitur peregrini ambo, per opaca viarum  
 Delati, obscuris lucis & vallibus ibant.

Ventum erat in montana Endor syluestria: summus  
 Æstus erat: puteus sub collibus unicus, unde  
 Hauribat gelidas omnis vicinia lymphas.  
 Heu fuge, Diua poli; toruus leo circuit undam  
 Egressus sylua, atq; oculis loca saeuus oberrat.  
 At non illa fera ingentis deterrita rictu.  
 Continuo vi vidit: Misera hæc fuit, inquit, anhelæ  
 Bellua: tanta illi pietas, maternaq; cura,  
 Et teneri sensus; abiegnæ protinus urna,  
 Compede ferrata inserta, lapsuq; sonora  
 In præceps missa, teretis vertigine torni.  
 Hausit aquam. Impatiens quadrupes pede rectus  
 utroque,  
 Ut stillanseducta vdo stetit hydria saxo,  
 Æger hians gelida incubuit; cui mater amoris;

H 2

At



*At tu, inquit, gregibus posthac ne noxius ullis,  
 Neu pueros lade insontes, tenerisq; iuuentis  
 Parce ferox; catulisq; tuis hos præcipe mores.  
 Dumq; bibit largè, mersa cervice, comantes  
 Illa toros, manibusq; iubas mulcebat eburnis.  
 Ut satur eduxit toruum caput undiq; rorans,  
 Rugitum dedit ingentem, quo lucus, & omnis  
 Insonuit latè, tremuitq; exterrita vallis,  
 Hermonisq; procul montes, piscoaq; Salim;  
 Ceteraq; acta metu subiere animalia sylvas.  
 Nulla magis memor officij fera, nulla salute  
 Grator accepta; Usq; aded benefacta feroces  
 Submittunt animos. Iam salum euaserat omnem  
 Parthenis: ecce autem retro conuersa iubatam  
 Miratur comitem vestigia ponè sequentem.  
 Perge, ait, in syluam, perge, inquam; iterumque  
 morantem*

*Supposito increpuit pede terrens, bisq; niuales  
 Percussit palmas. Ille agrè in tecta redibat,  
 Instar onis gradiens placida, timidiq; catelli;  
 Mœrenti similis, quod non, pro munere tali,  
 Par quidquam obsequio, meritoq; reponere posset.*

*Hinc via per lucum umbriferum, quæ ducit ad  
 amnem,*

*Castaneis nemorosa solo fruticantibus, arctos  
 Concisa in calles: folia arida deflua ramis  
 Terram augent intermixtis passim aspera echinis.  
 Hæc iter implexum per opaca umbracula agebant  
 Meant*



*Maandris tortis, varijsq; ambagibus acti.  
Et prior extricans dumos, ramosq; coercens  
Sedula, per callem exiguum bona Virgo præbat:  
Cum densos inter vepres pulcherrimus Infans,  
Cui Matris dolor, atq; exercita cura parumper,  
Et tenera anxietas, fletusq; placebat amantis;  
Populea furtim sese occultavit in umbra.  
Illa tamen cæptos sermones nescia fraudis  
Usq; sequebatur, ventis verba irrita iactans.  
Ah misera! ut vertit sese, nec vidit; ut omnis  
Extemplo fugit præcordia in intima sanguis!  
Iamq; adeò lacrymans implebat cuncta querelis,  
Pallidior buxo, vestigans omnia circum:  
Cum media erumpens inter lamenta Puellus  
Ex improviso coram stetit. Ah! meus infans,  
Quàm penè exanimis rigui! Amisisse putaram.  
Sic ait, arripuitq; manu niue frigidiorē:  
Pectora adhuc gelido saliunt concussa timore.*

*Multa hìc prætereo, quæ si memorare canendo  
Cuncta velim, diuersa nimis mihi carmina aberrent.  
Rem tamen obscuram famà inuolat ordine totam  
Eruiere in lucem, & seris committere seclis,  
Si quis honos musis post longum acceperit æuum:  
Unde queant olim sylvestres discere Nymphæ,  
Simplicitas quàm cara Deo, quàm grataq; Diuis  
A teneris exacta annis sine labe iuuenta,  
Iam medium ferme sol conscensurus Olympum  
Hortabatur equos, & frana resolverat aurea;*

*Cum*



Cùm Maria, & pulcher Iesus deserta per arua,  
Thaboris ad laeuam frondoso colle relicto,  
Transierant vitreum, quàm glarea sicca, Cifonem.  
Iamq; propinquabant Sina, quæ vertice in alto  
Eminet aerij collis, cui pascua circum,  
Tractibus & nemorum longis, iuga consita oliuis.  
Hic capreas inter tondentes gramina vallis  
Inuenere bonam succincta in veste puellam,  
Vecte duas tereti ac lento quæ fortè gerebat  
Fagineas humeris stulas, & vertice plenam  
Lacte urnam tepido, cui laeuam admoerat; ore  
Illa quidem fusco, nam dudum exercita campis  
Sole sub aestivo; at simplex, & candida, nec dum  
Saucia amore ullo, quamquam tres circiter annos  
Iam tribus addiderat lustris. Hæc, numine viso,  
Quo non in terris puer unquam pulchrior ullis  
Ore fuit, qualem nequicquam fingere ceris  
Cinnabari ad viuum Lucensis cura laboret,  
Cælesti exarsit flamma correpta repente,  
Atq; sui, atq; oblita gregis, sic ore locuta:  
O mater, quod pulchrum aded per iniqua viarum  
Delicium trabis, heu, Titan dum flammeus axe  
Saxa coquit, flagratq; dies feruentibus horis?  
Haud procul hinc mihi parua domus: secedito ad  
    umbram  
Paulisper, donec cali desuiat ardor,  
Adspiretq; breui quæ temperat aura calorem.  
O quam te memorem? Dic ò quibus aduena ab oris?  
    Quid



*Quid tantum potuit vallis deserta mereri?  
Nam puto te Solymis natam, quam fors mala nostris  
Errantem impulerit terris; non ista puellas  
Fert siquidem regio tales, nec paruulus iste  
Agresti de rure venit. Tum regia Virgo  
More suo arridens, risu quo cuncta serenat,  
Quoue genis accedit honos, visq; aurea dictis;  
O gnata, ò nostros, inquit, miserata labores,  
Quæ tibi pro meritis, paupercula & ipsa, referre  
Dona queam? Siquidem nobis quoq; parua supellex,  
Assuetæq; manus calathis; atq; hic bonus infans,  
Qui mecum graditur, sortem fert æquus eandem.  
Nazarides sumus: Enonis nisi dissita vallis,  
Quam petimus, celerare gradum, solemq; præire  
Cogeret, haud equidem, tanta est tibi gratia fandi,  
Hospitium abnuerem. Hic studio queribunda puella  
Extenuare viam, digitoq; ostendere colles,  
Vicinumq; amnem, & multum superesse diei.  
Quamquam etiam noctem si fas traducere nostris  
Montanis laribus, non pauperis, inquit, agelli  
Munera, quintiles vna, melimelaq; deerunt,  
Atq; olera, & poma, & folijs suffultus acernis  
Lectulus; & quidquid locus asper, & inuida votis  
Pauperies tulerit. Dein subdidit, ut prope syluam  
Iordanis, nulli deprensa huc usq; , per auras  
Vox incerta sonet, scopulisq; , & montibus erret.  
Multi illam studio nequicquam, atq; auræ secuti  
Sæpius amnicolæ; multos per denia traxit,*

*Impli-*



*Implicuitq; error . Sed non his Diua moueri,  
Nec comitem velle; & manibus retinere sequacem,  
Ac vultu officiosa bono lenire dolentem,  
Seq; breui reducem multis promittere . At illa  
Obsequio precibusq; moras innectere : Saltem  
Vicinum liceat tecum mihi scandere montem,  
Vnde, ait, angustum callem, flexusq; viarum  
Ostendam, paucis compendia nota: meisq;  
Interea, supplex oro te quaeso, parumper  
Filiolum committe vlnis, qui iam nequit ultra  
Exiguos passus trahere inter saxa . Nec istud  
Diua tulit, varijsq; modis fallebat amantem,  
Quam nullis poterat procul inde auellere dictis .  
At saltem, aiebat, saltem hoc ne despice lactis  
Lassa via exiguum, quod fas mihi porgere, donum:  
Ipsa manu expressi nuper . Simul haec, simul urnam,  
Et situlas posuit, mersitq; in lacte salignam,  
Eduxitq; grauem pateram, quam Virgo prebendit,  
Admouitq; labris Pueri; tum nectaris hausit  
Quod reliquum fuerat: nec, rursus ut sumeret, vlla  
Obtinere preces . Rursus instaurare querelas,  
Rursus inopes offerre lares . Sed deniq; victa  
Haud tenuit lacrymas; atq; utraq; brachia tendens,  
Exigui pretium potus ( ah quale ! ) poposcit .  
Mater, ait, quando famulam comitemq; recusas,  
Nec te aliàs reducem fortè unquam lasa reuisam;  
Per te, per superos, perq; hac gemina vbera, pulcher  
Quae Puer hic quondam pressit; permitte puello*

*Sua-*



*Suauiolum libare tuo : nil poscimus ultra.  
Quid non ingenuus candor, moresq; pudici,  
Caraq; pastorum simplex audacia possint?  
Nam meruit felix (quod non permiserat ulli  
Calica sors) unum labris, duo ferre tenellis  
Oscula pura genis. Tum candida Parthenis : I nunc,  
Sisq; memor nostri. Procul hinc scatet exiguus fons :  
Quamprimum inuenies, pecora illuc cogito : postquam  
Grex omnis biberit, vitrea te respice in unda.  
Dixit, & in viridem collem vestigia torfit ;  
In collem, unde amnis longas, nemus inter opacum,  
Cernitur ire vias, & amœna serpere valle.*

*Multa mouens animis ibat quoq; rustica virgo,  
Fragrantemq; viâ redolentis lychnidis auram  
Attonita hauribat ; qualem violaria nulla,  
Nec rosa, nec saluunca recens, nec amaracus halant.  
Vnde odor hic mirus ? quæ vis ? quæ copia florum ?  
Vnde aura è celo adspirans tam suauiter ori ?  
Constitit explorans vestes, & singula mirans  
Ter circumspexit ; patulis ter naribus ambas  
Admouitq; manus : sed quis deprenderet unquam ?  
Quippe labris fragrans ille hauserat halitus ; illis,  
Quæis tria Nazario nuper dedit oscula Flori.*

*Venit ad umbrosam platanum, quam subter opacus  
Alluerat riuus : riuum obsedere capelle  
Continuò, saturiq; hedi : atq;, ubi pura quieuit  
Lympha vitro similis, super adstans vertice prono  
Se liquido in speculo vidit ; deceptaq; visu*

I

Re



Restitit extemplo. Vix primum credidit unda :  
 Lumina bis vertit retro, si forte puella  
 A tergo peregrina foret, quæ cerneret amnem:  
 Bis misit furtiva manum, si forte sub undis  
 Altera virgo foret, stagno quæ pulchra lateret.  
 Non erat illa prior. Dictu res mira ! capillos,  
 Ora, genas, vultus speciem mutaverat omnem.  
 Nympha videbatur, quales finxere poetæ  
 Corycias Nymphas, venatricemq; Dianam.  
 Quæ nova mi facies ! quò nuper fusca recessi ?  
 Atq; ubi memè ipsam demens oblita reliqui ?  
 Me rapuit certè latrunculus ille Puellus,  
 Atq; aliam mihi substituit. Sic illa furebat ;  
 Miraturq; anceps cur fons crystallinus illi  
 Non aliter vestem pariter, crateraq; pingat.  
 Ter frontem rugis contraxit, terq; serena  
 Explicuit, formam experiens ; ter candida risit :  
 Mille modis varijs finxitq; corallina labra,  
 Composuitq; comas, humerisq; aptavit utrisq;  
 Intenditq; oculos, & movit eburnea colla :  
 Quasq; magis decuit formas se flexit in omnes,  
 Nec potis est amens viridi discedere ripa.  
 Discessit tandem notis incognita sylvis.  
 Utq; domum redijt, matremq; patremq; fefellit,  
 Cuncta renarravit ; dubium quibus abstulit omne  
 Vox prior, & novus faciei in parte relictus,  
 Natusq; genis pice. Miracula fontis  
 Continuo pagos vulgavit fama per omnes ;

Atq;



## LIBER IV.

67

Atq; illuc multa indigena venere puella,  
 Quae miserae elusis votis in tecta redibant.  
 Multi etiam thalamo pulchram sibi iungere nympham  
 Optauere proci, quos illa exosa maritos  
 Auersata fugit, nemora inter frondea vitam  
 Exactura breuem; namq; illam funere acerbo  
 Mors tulit impatiens, septem post inuida lunas.

Historiae haec series. Nomen longinqua vetustas  
 Improba surripuit, quae saxa atq; aera maligno  
 Dente terit. Verum ne, virgo, ignota vageris,  
 Dictaq; ad arbitrium vulgi, ut solet, ora pererres;  
 Non ego de plebe obscura, nec perbreuis aui  
 Cognomenta feram. Magnum & memorabile nomen  
 Ipsa suum, agresti quamuis, tibi commodat Anna  
 Auria, Pamphyliae gentis decus; ipsa vocari  
 Pamphyliam sinit, & patrio cognomine donat.  
 Tuq; genus claro Heroum de sanguine ducens,  
 Syluestris meritum ne dedignare puella:  
 Namq; hic antiquus mos cunctis vatibus, aenum  
 Aduersus ferrugineum immortalibus uti  
 Nominibus, quoties Musis gentilia desunt.  
 Nec mihi fas modò (nam properant iam proxima metae  
 Carmina) longaeui causas euoluere iuris.  
 Est tibi Romuleo in Pindo <sup>(c)</sup> germanus Apollo,  
 Cui cithara, & Tyrrio fulgentes murice vitta;  
 Illius ergo soror, pariterq; Ligustica Phoebe  
 Magna Quirinali scitare oracula colle:  
 Vatibus ille praest sacris, teq; ista docebit.

(c) Bened.  
 Pamphy-  
 lius S.R.E.  
 Card.

I 2

Ta



*Talibus illecebris blandissima Virgo solebat  
 Iam tunc illa suos felices reddere amantes ;  
 Quò nos extimulet pariter tam pulchra cupido,  
 Exilijq; moram fallat spes alma fruendi.  
 Nam, si quando domos superas det adire beatas  
 (Spero equidem) Puer ille Deus, quem reddere cantu  
 Præsentem, ut possum, cæca in regione laboro ;  
 Quanta erit illa animis exundans dia voluptas  
 Cum Genitrice tua, & tecum, pulcherrime rerum,  
 Per magni stellata poli conuexa vagari,  
 Et reputare annos, & lata perennia lustra,  
 Æternùmq; illic obeunda expendere secla !  
 Quàm vobis, superi, inuideo ! vobisq; , tenelli  
 Lactentes, Libitina manu quos vellit acerbos,  
 Ut ferrugineas violas, ut persica nata  
 Primitias ruris, veniens quæ sedula agrestis  
 Urbanis dominis consuevit ferre canistris,  
 Latitiam exactæ brumæ, spemq; uberis anni.  
 Quantum restat adhuc lasso maris æquor arandum !  
 Septem adeò vitæ supereffe miserrima lustra  
 (Quantùm fila trahens in longum extendere possum)  
 Fingo mihi; atq; his exactis, cùm spiritus istis  
 Se primùm exuerit membris, erit alea iacta  
 Alterutra, heu ! seclis iam non reuocabilis ullis.  
 Tu mihi Diuinum Puerum, sanctissima Mater,  
 Redde oro facilem; fac, oris anhelitus ille  
 Supremus, sit Virgo tuus; Te nomine saltem  
 Ter vocet, & toties repetat vox ultima IESVM.  
 Me*



## LIBER IV. 69

Me rapuit subitus sublimem in sydera feruor:  
 Nunc Mariam, & Puerum sacra in deserta sequamur;  
 Et celeremus iter; nam lux iam sera propinquat,  
 Iordanesq; procul nebulis surgentibus alber.  
 Huc peregrina Parens iam lassæ ad fluminis undam  
 Venerat, & tenera paulum requierat in herba,  
 Culmina suspiciens sacri procul ardua montis.  
 Cum pueri vox clamantis audita per omnes  
 Anfractus virides nemorum, auditumq; canorum  
 Per iuga, per valles carmen, Sit semita recta,  
 Aequalisq; vias Hominiq; Deoq; parate.  
 Hæc erat illa sonans per celsa cacumina eremi  
 Vocula, quæ plures sæpe errabunda fefellit.  
 Atq; hæc vox eadem perplexum deniq; nodum,  
 Exacto bello postquam bis fractus Avernus,  
 Nuncia diuini Solis postrema resoluet.  
 Et iam vesper erat, cliuo cum visus ab alto  
 Paruus eremicola ad fluuium decurrere anhelus,  
 Latitiâ exultans; cui villis hirta cameli  
 Tergum pellis obit, sunt cruscula nuda, lacertiq;  
 Et parua in manibus crux lignea nexa papyro.  
 Iamq; aderat cursu exhaustus, gressusq; tenere  
 Per decliua vix poterat, tenuitq; ruentem  
 Parthenis ipsa vlnis, gremio complexaq; toto.  
 Unâ omnes pariter viridem conscendere collem.  
 Hinc Iesum, hinc tenerum Virgo trabis alma nepotem,  
 Speluncamq; subis. Inius scabra pumice tecta,  
 Exiguusq; sonat riuis: circum humida tophis

Saxa



*Saxa madent vitreis guttis : cras ire secundo  
 Vnanimes Iordane parant, dehinc vespere colles  
 Circùm ire umbriferos, perq; herbida prata vagari  
 Conducunt. Nunc somnus adest, quem confraga vallis  
 Conciliat, passimq; altis de rupibus acti  
 In praeceptis rui. Tacitis it Cynthia bigis  
 Picta vadis latè stagnantibus : illius altis  
 Clara interlucent argentea lumina ramis.*

*Atq; his delicijs placida dum nocte fruuntur,  
 Abrami interea sub terris abdita regna  
 Nuncius aetherius calo delapsus adibat,  
 Captiuis Patribus summi mandata Parentis  
 Lata ferens. Vrbs antiquis circumdata muris*

(d) Abel. *Ima in valle iacet; quam primus dicitur (d) hospes  
 Abeliā dixisse suo de nomine, casus  
 Inuidiā fratris. Turres, & tecta domorum  
 Prætexunt edera & myrti, semperq; virentes  
 Intonsæ pinus, oleæq; æternaq; laurus.  
 Aere sed tristi lux intermortua fulget,  
 Albentesq; lacus circùm ardua mœnia lucent :  
 Atq; , oculis quantum pacatus subiacet amnis,  
 Aeriæ in ripis platani, atq; aurantia mala,  
 Egrediæq; altis stirpes arbutaq; muris  
 Incumbunt stagnis, & opaco tegmine inumbrant.  
 Ipse sui in foribus lethi calauerat Abel  
 Casum infelicem. Genitor super, orbaq; mater  
 E campo rediens, spicis & sesamo onusta,  
 Flere videbatur iuuenis miserabile corpus*

San-



## LIBER IV. 71

*Sanguine turpatum. Mors primum egressa sub auras  
Miratur terras, sua regna: insigne cruentum,  
Posse agro stat sæua securis.*

*Multa in vestibulo dextra lauaq; vetustis  
Extuderat pariter saxi, & sculpserrat ære.*

*Protinus impulsis valuis bipatentibus Ales  
Coram introgressus, matrum, iuuenumq; piorum  
Concursu in magno medius stetit; atq; ita densum  
Vmbrarum affatur vulgus. Latissimus adsum  
Nuncius, Abramida. Quamprimum innupta puella,  
Omina lata ferens, lorica insignis & hasta,  
Huc aderit, primo sublata in flore iuuenta.*

*Illa triumphato victrix memorabit Auerno  
Illatam cladem, & vestris se Manibus addet.  
Vos tamen interea, quorum de stirpe puellus  
Prognatus Deus, hinc mecum decedere, Patres,  
Paulisper superi indulgent. Datur ora nepotis  
Cernere, colloquijsq; frui. Vos inter amænos  
Perpetuo autumnos colles, secretaq; rura  
Abscondam, & coram opportuno tempore sistam.  
His dictis festus sublatus clamor ad auras,  
Et simul exortus fletus: nam turba relicta  
Multa gemens, supplexq; manus tendebat virasq;  
Diuini Pueri, atq; auras celestis amore.*

*Præcipue Infantum, quos primo in limine vitæ,  
Regis Idumæi iussu, ferus hauserat ensis,  
Flebant exigui manes, umbræq; pusillæ,  
Vulnera adhuc nuceis humeris defixa gerentes:*

*Quos*



*Quos circumfufos diuellere dulcibus Ales  
 Promiffis, diſtisq; bonis retinere laborat.  
 Parcite lacrymulis nunc ò, mea cura, puelli:  
 Vos ego, deliciae, & miſera Rachelis amores,  
 (Haud mora longa) iterum regna hac antiqua reuiſens  
 In lucem referam, & ſocios, comitesq; beatis  
 Calicolis addam, cùm ſe pulcherrimus Infans  
 Nazareis tandem manifeſto Numine reddet.  
 Sic ait. At lati proani, ſanctiq; parentes  
 Virginis, ingreſſi latebroſa viscera terra,  
 Multa patrum, & turba inſontis mandata Puello,  
 Votaq; commiſſa, & gemitus lacrymasq; ferentes,  
 Exuijs vincti & manicis ſqualentibus ibant.*

*Ventum eſt poſt flexus varios in luminis auram,  
 Quà diues campis vaſto lentiffimus alueo  
 Ii Phifon, ſylueq; lacum, montesq; coronant.  
 Hinc iter ingreſſos, aduerſo flumine, eoum  
 Ad ſolem ductor veſtigia tendere iuſſit.  
 Ipſe pios manes vario ſermone tenebat,  
 Multa arcana docens; nimirum vt prodere ſeſe,  
 Diuino fulgore, Puer decreuerit almus  
 Mœrenti patriæ; vt frendens nequiſſimus, atris  
 Carceribus ruptis, totoq; Acheronte reſuſo,  
 Preſagus magni excidij proruperit Orcus;  
 Vtq; olim ventura dies, quæ cuncta tenebris  
 Obſita paulatim demum caligine ſoluet.  
 Quàm latè, aiebat, populis atq; urbibus ingens  
 Vndiq; telluris nunc circumfunditur orbis,*

*Occa*



## LIBER IV.

73

Oceanum super, & noti confinia mundi,  
 Caca superstitio terris, noxq; incubat atra.  
 Pars calo errantem lunam, fulgentiaq; astra,  
 Pars pecus undosi pelagi, volucresq; ferasq;  
 Semiferos homines, stirpes, arbutaq; adorant.  
 Exoptata diu tandem lux alma propinquat,  
 Qua nova Religio penetralibus inferat ignes  
 Sacrilegis, & fana Deum, delubraq; vertat.  
 Iamq; procul lauris umbratum tempora cerno  
 Insignem pietate (e) Ducem, quem Batis in amplum  
 Terrarum imperium mittet, casq; tyranno,  
 Victor aget quondam Tiberina ad flumina currus.  
 Hic Dijs excidium reliquis, arisq; ruinam  
 Supremam indicet: Cerealia sacra, Hecatombas,  
 Orgiaq; & priscis eradet Adonia fastis,  
 Solemnes ritus. Tum libera cuiq; potestas  
 Fatidicas quercus, sacros exscindere lucos,  
 Vim templis inferre, aurum asportare profanum.  
 Turba Deum deiecta aris, pars, are recuso,  
 Romanas aquilas, & Caesaris induet ora,  
 Pars thermis accedet honos: late undiq; victrix,  
 Cuncta solo exaquare pietas, inuecta per vrbes,  
 Per medios Graios, Aegyptum, atq; Arcadas ibit,  
 Ruderibus super aggestis, tumulisq; Deorum.  
 Ante tamen quanto pinguescent sanguine campi  
 Europæ, atq; Asiæ! quantus cruor ibit in omnes  
 Hesperia fluuios! Circis, medijsq; theatris  
 Obiecti paradisi alij, candentibus igni

K

Vsti

(e) Theodotus magnus.



*Vsti alij lamnis , rapti in diuersa quadrigis  
 Per fora , conscissi loris , data pabula flammis .  
 Heu pietas ! Circùm tēdas , uncosq; , rotasq;  
 Stabunt orantes matres , teneraq; puella  
 Carnifices lassos certatim , sole cadente ,  
 ( Dum finit vsq; dies ) supponere colla securi ,  
 Adiungiq; alijs . O mors , ubi terror ? ubi illa  
 Formidata acies ferri , veteresq; triumphī ?  
 At veluti niuib; tectus , gelidisq; pruinis  
 Vere nouo pubescit ager , seq; exerit annus  
 Latior; haud aliter saua inter funera vultus  
 Alma fides tollet . Scythicis florescere eremis ,  
 Thebanisq; iugis deserta horrentia cerno .  
 Ille feras , posito ingenio , mansuescere coget :  
 Hic mare fluctisonum sibi remex , atq; carina  
 Sulcabit medium : hic nimbos , hic flumina sistet .  
 Illyrium , Eurotas , Portus Luna , ardua Lygdos ,  
 Et Phrygi , & Parij montes vix marmora templis  
 Sufficiant . Venient annis quoq; tempora seris  
 Cū super oceanum , quò nondum acceſſerit auri ,  
 Regnandiq; furor , felicia carbasa tendet  
 Relligio . Iacet extra orbem sine nomine ① tellus ,  
 Exul adhuc ponto , vnde auro super illita primo  
 Augustæ niteant Romana ② Sacraſaria Diuæ .  
 Quin etiam extremos superabit puppibus Afros ,  
 Littora curua legens , iubar allatura remotis  
 Gentibus , inq; omnes sonus ibit calicus oras .  
 Talia narrantem dextrà , laeuàq; frequentum  
 Cir-*

(f) Peru-  
nium .

(g) Tem-  
p. um S.  
Mariae ma-  
ioris .



LIBER IV. 75


*Circumstat populus Patrum, comitesq; sequuntur;  
Ignari, alatus ductor quas tendat in oras,  
Quodue ferat; pariterq; viam cursumq; tenebant.*



K 2

LI-





## LIBER QVINTVS,

## A R G V M E N T V M.

Aues tartareæ Virginem in valle cum D. Ioanne Baptista obseruant, idq; in castris nuntiant, & bellum sollicitant. Deus Pater Angelo mandat, vt cælestem Puerum cum Genitrice in Paradisum terrestrem transuchat. Iuditha in somnis ab Angelis armatur aduersus hostes. Describitur iter aereum in terrestre Elysium, & clades Dæmonum in valle Æronis.

**R** Em prope cælestem si cui spectare voluptas,  
 Huc celer approperet, Reginamq; ætheris illà  
 Floriferà in valle aspiciat quæ colligit herbas.  
 En, niueos succincta sinus intenta labori,  
 Vt sese inclinat passim, quæ primula visa,  
 Aut visus crocus, aut apium; tenerumq; nepotem,  
 Qui comes ingreditur, propius dignoscere anethum,  
 Fragrantemq; docet thymbram, montanaq; fraga.  
 Ocyus accelerate gradum, nil pulchrius unquam  
 In terris visum: viridem hunc ascendite collem:  
 Huc oculos, donec pulcherrima durat imago.  
 Heu cur tam subito species tam diu recessit!

Heu



*Heu gremio redit in penetralia diues onusto !  
Nam vespertinis iam rorant gramina gemmis,  
Atq; humiles circum nebula prata humida opacant.  
Sit malè precipiti nocti, quæ sole remoto  
Talia, nil curans, mihi surripit inuida velo.*

*Ecce autem excelsa in ramo Cocytia cornix  
Constiterat, fœdusq; corax, quas undiq; senus  
Sparserat excubias ductor, vigilesq; locarat.  
Ut verò incolumem Diuam agnouere volucres  
Tartarea è pratis reducem, intrantemq; penates;  
Protinus insonnere alis : Acherusia castra  
Desertis adiere locis, raucumq; locuta  
Nubiuagum in vulgus quæ nuper visa tulere.  
Nec minùs interea demisso vertice tristes  
Exploratores lemures, quorum improbus unus  
Obscena in speciem vetula iam liquerat auras,  
Nazario è pago delusi in castra redibant :  
Et malè rem gestam, atq; ades, patriamq; relictam,  
Sublatumq; fugà Puerum cum Matre ferebant.  
Diditur extemplo rumor, fragor undiq;, & ingens  
Concursus stygius picea ad tentoria regum :  
Bella volunt, poscuntq; feri : Nunc tempus inermes  
Prædari inclusos latebris ; nunc, siquid Olympus  
Contra ausit, tentare iuuat. Pars nubila densat,  
Horrificumq; serit nimbum, pars nititur hastis,  
Pars ferrugineis contis. Vox omnibus una  
In vallem Ænonis transferre horrentia castra,  
Et celerare viam nimbis : nemore abditi opaco*

*Con-*



*Concilium inter se proceres de rebus agebant.*

*Hæc Pater omnipotens cernens de vertice Olympi,  
Impia bella manu statuit confundere inermi;  
Sed Puerum interea, diua cum Matre, per auras  
Trans Orbem profugum Paradisi abscondere in hortis,  
Inter amœna iubet prata, æternosq; recessus.  
Ergo ad se Genium Maria vocat, atq; ita fatur.  
Vade age, sydereo in terras delabere curru,  
Progeniemq; meam cum Virgine, præpete nimbo,  
Transfer in Elysij terrestres protinus agros,  
Quod Patrum Abramidum nuper præmisimus agmen:  
Atq; illic lateant, donec desueiat atri  
Tempestas belli. Socios quoq; valle receptos,  
Quisque sua ut maneat vigil in statione, moneto.  
Atq; ubi concordēs hostes temeraria bella  
Excierint, vos hanc terris auertite pestem,  
Ne solem ulterius, puramq; obnubilet auram.  
Dux vobis imbellis erit virguncula: tali  
Fas duce percussos probro exturbare superbos.*

*Sic ait Omnipotens; nec fas mortalibus alta  
Scrutari arbitria, & causas tentare repostas.  
Credibile est tamen humani voluisse timoris  
Indicio Numen fugitiuum abscondere Diti,  
Ne Pueri vires, diuina arcanaq; nosset:  
Credibile est etiam veteris voluisse parentis  
Regna aperire nouo, nulli visa hætenus, Adæ;  
Quæ prior ille miser specie delusus inani  
(Causa mali coniux) æterno clauserat æno.*

*Nun-*



Nuncius ergo Ales per opaca silentia rerum,  
 Eiberijs bigis cali per inania vectus,  
 Ante ortum solis, Libano superadstitit; atq; hinc  
 Alipedes flexit vitrei Iordanis ad undam,  
 Zacharida sub tecta, hilari insonuitq; flagello:  
 Primaq; Virgo Parens, dudum vigil, ora fenestris  
 Exeruit; sed adhuc Pueros sopor altus habebat,  
 Fagineas inter frondes, muscosaq; saxa.  
 At tibi, fortunate Ales, penetrare subire  
 Arcanum licuit, placidosq; abrumpere somnos:  
 Surge, age, sancte Puer; Genitor supremus ab alto  
 Me tibi demittit solio: procul ocyus ire  
 Teq;, tuamq; iubet Genitricem: dux ego curru  
 Sublimes ducam liquido aere. Sic ait; exin  
 Protinus accelerare fugam: pulcherrima Virgo  
 Induere inuestem Iesum, haud mora, comere raptim  
 Casariem; tenerosq; pedes vincire cothurnis,  
 Nescia adhuc quò iussa ferant. Dux penniger instat,  
 Itq; reditq;, instar succincti ad munus ephebi:  
 Ipse etiam impatiens sonipes fodit ungula arenam  
 Ante fores, phaleraq; sonant, atq; aurea frana.  
 Et iam purpureo lux prima rubebat eoo,  
 Agricolis solem reuehens, opera, atq; labores.  
 Iamq; instaurati somno, stratisq; relictis,  
 Nazarij agrestes, pars pingua in arua iuuenos,  
 Pars ad aratra boues, stridentia plaustraq; agebant.  
 Hos inter Iuditha oculos, nondum excita prorsus,  
 Tergit adhuc niueis digitis; simul aurea vittis

Tem-



Tempora cingebat, simul hæc insomnia pulchra  
Narrabat Matri: Mater, quæ mira per umbram  
Hæc mihi nox tulit in somnis spectacula rerum!  
Quam se cælesti Maria obtulit obuia veste!  
Qui capitis decor, & cultus! qui gressus eunti!  
Illa mihi in prato, tercentum visa puellas  
Inter, virginæ moderatrix agminis, album  
Vexillum præferre manu: meq; illa sequacem  
Vltro inuitabat dictis. Vin' tu quoq; nostro  
Adiungi, Iuditha, choro? pariterq; referri  
Hæc inter comites Diæ, quas undique campis  
Concordes errare vides? Sic illa serenis  
Dicere visa modis: cui, miro concita amore,  
Assensu ardebam tacito dare nomen, & ipso  
Vox erat in vultu: at conanti reddere voces  
Verba pudor tenuit. Castis tunc oscula labris,  
Amplexusq; dedit; primamq; recensuit inter  
Belligeras socias. Dextra lævaq; volucres  
Protinus armigeri, hic chlamydem, cui candida lino  
Crux medio inserta; hic torquem, galeamq; comantem  
Ferre videbatur. Visus quoq; Iesus ore  
Sic fari roseo: Nostros hinc strenua in hostes  
Bellatrix hæc arma geres. Nec plura locutus:  
Nam subito (visu mirabile!) currus ab alto  
Adstitit ante oculos, radijs, atq; axe rotarum  
Ex auro, gemmisq; hyali, stellisq; coruscans.  
(Me miseram!) somnus media inter talia fugit:  
Nec sibi quid possint hæc arma, aut prælia noui.  
Talia



Talia flauicomo religans sibi vertice crines  
Intortos spiris referebat somnia Iudith.

Interea super Euphratem, Tigrimq; sonantem  
Penniger auriga, ad solis cunabula verso  
Temone, auratos currus per inania agebat.  
Non ita caruleam Libycus rapit aethere nubem;  
Aut mare veliuolum tanto secat impete pinus,  
Cui Notus incubuit; nec Belgica rustica ferreis  
Ocyor it soleis glaciato missilis amne,  
Horrifera Scaldim cum vis gelat aspera bruma:  
Quantus agit profugos caeli per inane volantes  
Impetus, aerij trans ardua nubila Olympi.  
Perpetuo flexu syluas, & flumina magna  
Abscondunt. Turres, atq; altae moenia Susae,  
Nembrotiq; arces, frondosaq; culmina Zagri  
Longè à tergo ierant: ad lenam Caspia tellus,  
Atq; pharetrati Medi, Hircanq; recedunt.  
Iamq; peragrarant Persas, iamq; ultima regna  
Memnonis eoj; cum primum lenior aura  
Sentiri procul è cedris gratissima cepit;  
Qualem è longinquo nautis venientibus afflant  
Ad mare odoratis Ligurum nemora aurea citris.  
Mox paradisiace volucres per caerulea visa,  
Nuncia ab Elysij hortis. Non India tales,  
Nec varijs pennis tot diues America vestis  
Purpureis rostris, minioq; rubentibus alis.  
Miratur, capiturq; locis tener incola eremi,  
Quem flentem Virgo miserata receperat alma:

L

Hac-



*Hæccine Nazaridum regio, inquit, amitaq; tellus?  
O Mater, quàm latus ager! quæ copia rerum!  
Quæ nemora & vitrei fontes! Cui candida Virgo  
Dissimulans: Equidem longè ista beator ora  
Quàm tua rura, inquit; nebula queis semper opaca,  
Putribus & circum stagnis grauis incubat aer.  
Ille autem gestire animis, ut gestijt aluo  
Quondam maternà, atq; oculis per cuncta vagari,  
Et digitis nunc hæc, nunc illa ostendere paruis.  
Interea magis atq; magis subsidere currus:  
Præcípites calo bjugos sed parcius Ales  
Accelerabat agens stimulis, quò tota videri  
Iam regio ex alto posset ditissima pomis  
Arboribusq; sacris, liquidisq; vberima venis.  
Non vlla Italiae facies, non amne quieto  
Quam placidus secat Eridanus; nec latior illa  
Ante alias Laudensis agri, cui pinguis lactat  
Pascua tot mammis quot plenis Abdua riuus:  
Abdua Lemene sacris celeberrima Musis,  
Qui cecinit magnum Numen, felicibus ausis  
Arcana ingressus Diuùm; dehinc ternarosarum  
Nexuit ætheriæserta immortalia Diuæ;  
Quiq; animos nobis audendi talia vates  
Adiecit, suasitq; ratim deducere in altum,  
Quà via Pierijs nondum sulcata carinis.  
Perpetui in gyrum montes felicia rura  
Verticibus vallant, quorum vix summa viator  
In iuga bisseptem perreptet solibus; inde*

*Vm.*



## LIBER V.

83

*Umbrifera atq; ingens vallis, rursusq; minaces  
 In gyrum ductæ cautes; atq; inter utrumq;  
 It vallum medius lacus ingens. Plurima pinus,  
 Æsculus, & nunquam caua robor a passa securim,  
 Se viridi è ripa vitreo speculantur in amne:  
 Perpetuisq; sonant aurum garritibus undæ;  
 Quas fulicæ assuetæ syluis, mergiq; loquaces,  
 Assiduq; anates tranant hinc inde volatu.  
 Ad Boream pons marmoreus, cui molibus altis  
 Quinquaginta arcus subterlabentia stagna  
 Excipiunt; versq; sinu longissimus undâ  
 Excurrit piflus sub opaco gurgite fornix.  
 Nulli fas hominum vetitos contingere fines:  
 Stat Custos ferro armatus noctesq; diesq;  
 Excubias ducens, commissaq; limina seruat.  
 Atq; hæc transibat prono iam vespere currus,  
 Per magni conuexa sonans saxa ardua pontis;  
 Excisosq; aditus aduersa in rupe subibat.  
 Apparent immensi agri, largissimus æther,  
 Herbosa hæc illac valles, animantia mira,  
 Capreoli, pardi cicures, ceruiq; fugaces.  
 Quæ loca! quas olim sedes! quæ regna pararat  
 Omnipotens! ut bellè, ut suauius omnia rident!  
 O miserum mortale genus, quæ dira cupido  
 Hinc procul exegit? Iuuat omnem abstergere curam;  
 Respirare auram inuat, & dare lumina circum.  
 Zacharides visu attonitus, toto ore sequaci  
 Versicoloratas seruabat in axe volucres,*

L 2

Phæ-



*Phœnicum, atq; apodum turmas, & candida olorum*  
*Agmina, sturnorumq; acies: cui regia Mater*  
*Annue, ait, digito, porrectaq; allice dextrâ;*  
*Dic propius volitent. Risu vix ille sereno*  
*Annuit; inq; manum sublatam & brachia nuda*  
*Ardeole, virides pici, cyncliq; loquaces*  
*Ad nutum veniunt: mirantiq; addidit Ales,*  
*Ipsi etiam accedent mites, si iusseris, vrsi,*  
*Nec reuient tigres: nulla bis fera noxia syluis.*  
*Ventum est Elysij in pomaria, diues ubi illa*  
*Cladibus heu nostræ gentis memorabilis arbor:*  
*Pomaq; cernere erat summis fatalia ramis*  
*Pendula adhuc, veteris monimenta perennia noxæ.*  
*His, ait auriga, infaustis sub frondibus actum*  
*De rerum summa, iacta alea, perditq; omnia.*  
*Ipsa locum immunis culpæ circumspice, Diua.*  
*His furtim repens emerfit sepibus anguis:*  
*Hic sedit miseranda parens: hic ore locutus,*  
*Multaq; promisit veterator callidus: huic se*  
*Implicuit trunco, porrexitq; improbus escam.*  
*Heu dolor! heu pietas! Delirauere parentes;*  
*Plectetur Puer iste tuus. Sancte Aliger, istud*  
*(Da veniam) poteras reticere, aut dicere saltem*  
*Vocibus ambiguus; nunc irreuocabile telum est,*  
*Atq; hæc verba diu tacitè secum illa reuoluet.*  
*Occidit interea Titan: (mirabile visu!)*  
*Suspiciunt lunam ingentem se tollere contra,*  
*Cui macula insueta, & solito turgentior orbis;*

Per



## LIBER V.

85

Per vitreas qualis sese ingerit aurea lentes.  
 Vsq; adeò illa polo, sublimi vertice, in auras  
 Accedit tellus, propioraq; suspicit astra.  
 Deniq; marmoreum tectum sublime refulsit,  
 Tot pictis aulis diues, quot solibus annus:  
 Ingrediturq; sonans currus quàm porticu in ampla  
 Mille aderant iuuenes tedis vtrinq; coruscis,  
 Ordine dispositi. Centum atria mira columnis  
 Suffulta apparent. Ales pulcherrimus vlnis  
 Diuinum accepit Puerum; Reginaq; bigis  
 Vltima descendens, Geniorum innititur altè  
 Porrectis cubitis. Ibant conclavia in alta  
 Marmoreis gradibus, sequitur quos undiq; fusa  
 Caestum pubes. Lituis domus intima, plectris,  
 Carminibusq; sonat, facibusq; incensa coruscat.  
 Omnia iuta videt Genitrix, fruiturq; beatis  
 Delicijs. Nox stellifero tegit omnia velo,  
 Projiciens latè campis felicibus umbram.

Nunc ruat vicunq;, & sauis ferus intonet armis  
 Orcus in absentes; nunc terras turbine, & axem  
 Misceat, irarumq; omnes effundat habenas.

Huc animos, Auguste puer, cui Turcico opima  
 Sanguine Pannonicis iam sexta adolescit in aruis  
 Leta ceres; raucùmq; sonans promissa quotannis  
 Corpora caesa virum, vestes, pacta armaq; patri  
 Euxino impatiens Ister iam ferre laborat.  
 Huc ades, inuicti cura & spes magna parentis,  
 (Spero equidem, nec vana fides) Oriente subactò,

Im-



Imperij quondam gemini rectoribus habenas,  
 Flos alme Austriadum, Ioseph. En deniq; bella,  
 En tibi promissas acies. Hinc armiger axis,  
 Hinc Erebus iam signa mouent, Martemq; laceffunt.

Ergo omnis cæco misceri murmure vallis  
 Cæperat Ænonis. Prægnans Acherontia nubes  
 Lucifugos manes aluo profuderat, instar  
 Grandinis æstiuæ, horrissona displosa tonitru,  
 Atra Gomorrhæi trans usq; bitumina stagni.  
 Quantus Hebrus, quantusq; Hypanis, vel magnus  
 Orontes,

Aut pater Eridanus latè imbris auctus inundat,  
 Egrediturq; Athesis ripis, vel maximus Indus;  
 Tale frenut, tantoq; ruit per saxa sonore,  
 Piniferas inter syluas, camposq; volutum,  
 Exuperatq; iuga, obscurisq; it vallibus agmen.

Noctis erat medium, cum Belphegor arduus alto  
 Stans scopulo, stimules animis incussit amaros,  
 Infigans iam trita iugo subducere colla,  
 Franaq; morsa diu percurrere, bellaq; demens  
 Agminibus Stygis innumeris indicere Olympo.  
 O socij, ò quondam calti gens incola summi,  
 Quos odium superum vetus implacabile torquet;  
 Nunc vetera ulcisci tempus, nunc iura tueri,  
 Nunc fas antiquam per vim decernere litem.  
 Sunt nobis immensa acies, extremaq; passæ;  
 Quodq; caput, nostris diuina exhausta potestas  
 Supplicijs, nec habet quid desperantibus addat.

Quæ



*Quæ fuerit sors cunq; in Numen vertere magnum  
Lucifer arma iubet, patriasq; reposcere sedes,  
Sydus hyperboreum supra, gelidosq; triones.  
Exscindenda hominum ferro stirps funditus omnis,  
Repulium, & volucrum, & pecudum genus: insuper*

*ipsa*

*Denaſtanda igni tellus: hinc aere cæco,  
Per medios ignes, per denſa volumina fum  
Ibimus in ſuperos. Memores tamen iſta tenete:  
Si fors calicola trepidi venientibus ultro  
Annuerint, & regna velint antiqua paciſci,  
Parturiq; polos, haud conditionibus æquis;  
Ne quiſquam indecori obſequio, velut indigus hoſpes,  
Ætheris in partem veniat: rigido omnia iure,  
Nil precibus, poſitoq; genu, veniaq; petendum.  
Condicta, ò ſocij, res eſto: iungite dextras:  
Nunc locus, & res ipſa vocat, nunc facta poteſtas.  
Hunc, agite, abſtruſum latebris exquirite paruum,  
Ambiguumq; Deum, quem Numinis eſſe veremur  
Progeniem magni; nobis, ſi creuerit, olim  
Venturum exitio. Captiuus ad infima quæq;  
Calicolas trahet: haud paruo redimendaq; mater  
Obſes erit pretio. Ite alacres, his abditus antris,  
Hic latet; ad prædam diſcurrite, cingite ſylvas,  
Veſtigate aditus omnes, det buccina ſignum.*

*His dictis elati animi, & nouus additus ardor,  
Vanaq; ſpes miſeris, caliq; arrecta cupido.  
Iamq; atris facibus lati, incenſiſq; cupreſſis,*

*Per*



*Per iuga odorisequi, per saltus undiq; fusi,  
Latrantum velut audito turba excita cornu,  
Exertis linguis canecas, & lustra subibant.*

*Cum procul aetherei pugiles, mille axe quadrigæ,  
Loricæ ex auro, scuta ærea, telaq; visa,  
Et chlamydes variæ, plumæ, & vexilla per auras;  
Alatumq; triplex descendere nubibus agmen.  
Arrexere atros stupefacti ad sydera rictus  
Luce repentina obstricti: haud mora, murmure rauco  
Tartaræa insonuere tubæ, tremuere cauerna;  
Et coniurata, momento temporis omnes  
Instructæ horribiles turmæ, sub signaq; raptæ  
Agmina. Laeva acies tibi, corniger Asmodæ,  
Tessera cui belli piceus caper: huic Ephialtes  
Signifer, & Mormo comes additus: in medio dux  
Belphegor, & Gorgo, & Belial: extrema coerces  
Squamigerà Dramelech insignis pelle draconis.  
Parte alia classem, specie fugientis, Amidæ  
Laxabat ventis; à tergo scilicet hostem  
Circuitu interior largo aggressura repente.  
Quisq; suas lustrare acies, spemq; addere dictis,  
Et monstrare manu natalia sydera: Nunc vi,  
Nunc animis opus, ò socij, nunc reddere cladem  
Hostibus antiquis, nunc nunc cui cedat Olympus,  
Cui summa imperij, vestris decernitur armis.*

*Iamq; propinquabat legio omnis calica terris  
Iam propior stadio. Nil pulchrius æthere fingi  
Ante oculos poterat; tot scuta, & tela per auras,*

*Tanta*



Tanta acies Diuum, galeaq; ensesq; micantes  
Vndiq; inardebant, quantum nec Cynthia pleno  
Orbe micat, medioq; nitet sol purus Olympo.  
Illa autem pennis caelo librata pependit,  
In turmas digesta suas Orientis ad oram,  
Opperiens hostem. E signis borealibus Orcus  
Circuit occiduam partem, volucresq; maniplos  
In gyrum flexit: nec segnior inde volatum  
Erexit contra. Improvisi turbinis instar,  
Turbinis ex Apennino venientis, aquosam  
Obscuramq; hyemem, tempestatemq; ferentis,  
Ala sinistra Erebi, magno procedere iussa  
Cum sonitu, in dextrum cornu ruit impete toto;  
Alphitus, & Dagon, atq; Ornicus, & ferus Acco,  
Ante alios primi. Non sic tonat Aetna caminis  
Sulphureum eructans amnem, liquefactaq; saxa  
Mixta atris nebulis. Telorum ut nimbus ad auras,  
Flammarumque globi. Tortas umbonibus hastas  
Scuta retorserunt adamantina protinus, actis  
Hostibus in praecip; iterumq; in bella feroces  
Conuersis rediere animis; iterumq; repulsos  
Fulguris instar agit, tergoq; fugacibus instat  
Prima acies Diuum. Sed & ipse sequentibus haeret  
Belphegor increpitans dictis: Non Appula tellus,  
Non hic Gargani montes, quibus haesimus olim  
Vi pulsus caelo; nec primum fulmina visa,  
Aut tonitru auditum. Sed & ipsum torua frementem  
Cum focus premit Aligerum turma altera: turmam

M

Hanc



Hanc sequitur Dramelech; hunc tertia cominus urget  
 Diva phalanx: hastas hastis, tela ignea telis  
 Implicuere, oriturq; atrox asperrima pugna.  
 Pastores strepitu exciti, de montibus atram  
 Suspiciunt nubem: mirantur noctis in umbra  
 Tot strepere obsœnas volucres, tanta agmina celo  
 Misceri turmis internigrantibus alba:  
 Fit clamor, sævitq; canum latratus ad auras.  
 Ast Erebi insana vacuum per inane phalanges  
 Alterna, ad laevam dextramq;, infraq; supraq;  
 Hæc illac varijs susleq; erroribus ibant.  
 Ter frustra in nubes validis conatibus actæ;  
 Ter lapsæ ad terram; ter rursus concitæ ad auras.  
 Mille vias ineunt, spirasq; orbesq; retexunt;  
 Ut vespertini per sera crepuscula mures  
 Pinnigeri volitant. Stat longis fallere gyris  
 Instantes à tergo hostes: non si ruat ipse  
 Desuper Omnipotens iurati cedere campo.  
 Iamq; ad eam in longam noctem fera bella trahebant.  
 Iam procul audiri clamor, stygiumq; celestima  
 Cœperat inferna classis; longeq; videri  
 Tartareæ antenna, distentaq; carbasa vento.  
 Cùm subito tonitru Diuûm Pater, atq; hominum Rex  
 Sydereo è solio totum tremefecit Olympum.  
 Ecce autem (res mira!) aderat sublimis Amazon  
 Albo in equo, aëria veniens altissima nube  
 Bellatrix, cui tanarias confundere turmas  
 Armipotens dederat. Non huic armata securi  
 Hip-



*Hippolyte, aut ripis Amaseni educta Camilla  
 Digna foret lateri pedes ire, atq; aurea tula,  
 Atq; arcum, & pharetram comes in certamina ferre.  
 Hanc prona labentem hasta, inter mille sequaces,  
 Non tulit ille animis nuper, vultuq; tremendus  
 Palantum ductor lemorum Asmodeus; in omnem  
 Incurritq; aciem trepidus, classemq; petiuit,  
 Post puppes & transra latens, formidine turpi.  
 Haud aliter quandoq; canis pecuarius ingens  
 Rure cubans, si quem venientem senserit, ore  
 Continuo exululat magno, insequiturq; pauentem;  
 Quem si audens quisquam petat obuius, ocior Euro  
 Tecta subit; stabuliq; alto de culmine vecors  
 Latratu in seram noctem se iactat inani.  
 Tum fragor auditus, veluti si corruat axis  
 In praeceps fractus: colluxere omnia flammis;  
 Fœtaq; tartareis turmis tonuere metalla  
 Explosa è piceis ratibus: ruit aere grando  
 Vndiq; serpentum lemorum; simul impete toto  
 Restituere aciem Belial, Amidenus, Alastor  
 Effusi contra. Mille Orci immania monstra  
 Gorgones, atq; ulula, & gryphi, alatiq; dracones  
 Circumstant equitem. Clypeum tunc aspera vingo  
 Obiecit rabidis, medioq; umbone refulgens  
 Numinis ostendit non ulli effabile signum,  
 Notum Erebo signum: simul axe apparuit ingens,  
 Terribilis, vindex ensis; simul aethere ab alto,  
 Quattuor à ventis, vox magna audita per auras:*



Ad Chaos, ad puteum, genus exitiale rebelle.  
 Horrendum visu! rima ingens aere aperta est,  
 Astraq; visa polo, & comitatus Numinis, & mors  
 Ossea pracedens in equo, innumeræq; cohortes.  
 Quo visu turbata acies, pavor excitus ingens;  
 Ceu trepidis anibus cum desuper ingruit alis  
 Miluius, aut vultur rostro impronissus obunco.  
 Prima fugam remis velisq; capeffere Amida,  
 Trans Casium, & Seras, nimbofaq; culmina Tauri:  
 Parte alia Egypti turba omnis fæda Deorum  
 In diuersa trahi longis inuicta colubris.  
 Ad terras reliqui, condense grandinis instar,  
 Præcipitare metu: Laxis fugiamus habenis  
 Quæ inga prona ferunt: totus ruit axis: ab alto  
 Millia myriadum princeps trahit armiger; ipse  
 Bellipotens curru insequitur, fugite ocyus, arma  
 Exuite. Hinc pavor, & clades vastissima; nec fas  
 Præcípites retinere minis; fanaticus error  
 Usq; adeò exagitat miseros. Fugit auis ipse  
 Euphius, & Babel, & Belzebub: ater euntes  
 Nimbus aqua insequitur: caligine, puluere, fumo,  
 Hastarum syluis, telis obnubitur aer:  
 Pars obscænarum volucrum fusco aere pennis  
 Fidere, pars condi miserorum in corpora agrestum;  
 Hos Sodoma mersere lacus, hos terra debiscens,  
 Aut putei exceperere caui, pelagusq; profundum.  
 Est regio Italia in gremio, sub sydere tristi,  
 Quam Dauni, & Vestinus ager, Marsiq; coercent,  
 Nu-



Nabiferumq; super caput exerit Apenninus;  
 Unde iugis acti in praeceps horrentibus amnes  
 In mare se exonerant, Vulturini nomine. Tellus  
 Omnis subitus hiat, cecis perfossa latebris,  
 Fornicibus suspensa cauis, & sulphure fæta.  
 Huc legio princeps sese per aperta Veseui  
 Ora dedit, penitus vacuas ingressa cavernas  
 Quantum<sup>(h)</sup> Hirpinorum vrbs sedes, & regia distat  
 Parthenope. Hic profugos superum Pater ære reuinxit;  
 Adiecitq; annos, <sup>(i)</sup> quot cælo impendet arista  
 Isidis, octonis ter ferme ut vergat eoam  
 Signiferi in partem gradibus. Quo tempore demum  
 Exacto, rursus valido luctamine ad auras  
 Erumpent scissa tellure; & murmure vasto  
 Impositas quatient ruptis compagibus vrbes.

Nec verò euentum primi inter cætera mittam  
 Ductoris stygij. Ille amens ad flumina cursu  
 Dum fugit, in viridi pascentem gramina campo  
 Nactus equum, huic sese totum indidit. At quadrupes se  
 Prætinus immani coniecit in æra saltu;  
 Concussisq; iubis, & toto spumeus ore,  
 Indomitus praeceps per deuia fugit Idumes.  
 Donec Ithuræi comprehensum montibus aspris  
 Obstrictum hinc atq; hinc per vim traxere lupatis  
 Herodi, Herodes Agrippa, Agrippaq; habendum  
 Augusto dedit. Hoc verò mirabile narrant;  
 Illius in sobolem, & sobolis genus omne secutum,  
 Tartareum possessorem migrasse, frementem

Casa-

(h) Bene-  
uentum.

(i) Tempus  
astronomi-  
cum vsq; ad  
annū 1688.  
quo terræ-  
motus per  
Campaniā;



*Casareis stabulis: donec sacro effera frano  
 Iniecto Constantinus compescuit ora,  
 Hospite Auernali eiecto: qua ferrea frana,  
 Augusta Crucis è clauo confecta trabali,  
 Insubrum ante aras nunc Vrbs regina veretur.*

*At ripa ex alta liquidi Iordanis Amazon  
 Insignem niueo candore, auroq; nitentem  
 Egit equum, & fluuio victrix se condidit alto;  
 Vnde pios iter ad manes per concava terra.  
 Quò simul aduenit, patrijs fusa undiq; sistris  
 Occurrere anima, lateq; patentibus vlnis  
 Antiqui Patres. Quis verò hanc crederet illam,  
 Parthenij quondam meruit qua premia veli,  
 Dilectam IESV, & Pueri caelestis amantem  
 Iuditham? huc talem armigeram quis tempore tali  
 Improvisam adeò supera expectasset ab aura  
 Venturam? Illa erat, illa tamen iam corporis experts,  
 Præda recens mortis, fato sublata repente.  
 Namq; agris nuper sero dum vespere anethum,  
 Equales inter legeret pulcherrima nymphas;  
 Seu rigua latitans malus anguis læserit herbà,  
 Siue aliud (longo nam fama obscurior ævo)  
 Heu lassà, heu morior, dixit; collapsaq; sedit  
 Floribus in niveis, albo magis alba ligustro.  
 Mox, ubi deseruit mortales spiritus artus,  
 (Quæ fuerant nuper sacri præsagia somni)  
 Olli castus amor meruit, seruataq; voto  
 Virginitas Erebi obscenas dispergere turmas,*

*Et*



LIBER V.


95

*Et letum Elysij in sedes inferre triumphum.  
Exitus hic primus belli ; sic Tartara probo  
Affecta, elusi manes, dux femina facti.*



LI





## LIBER SEXTVS,

## ARGVMENTVM.

Elias Thesbites in Paradiso terrestri Virginem colloquijs tenet. Diuinus Puer superueniens Matrem rosis coronat. Sera nocte, in palatium reuertentibus occurrunt animæ sanctorum Patrum. Aulam maximam subeunt, vbi sacra bella in parietibus descripta cernuntur. Illic drama ab Angelis exhibetur; atque iterum sancti hospites curru sublati Nazareth reuehuntur.

**H**etruscos inter flores quâ labitur Arnus,  
Hesperia sacris statio gratissima cymis,

(k) Præto-  
rium, ma-  
gni Ducis  
Petr. villa,  
cur simile  
Paradiso  
terrestri.

(k) Est locus in prato, vnde etiam data nomina ruri.

Quamquam sorte sua felix locus ille vocari

Elysium meruit; regni nam siqua beati

Illius in terris foret vlla simillima imago,

Unius ista foret Mediceæ gloria villa.

Vnde adeo gemina facies, & prorsus eandem

Exactæ ad normam sedes, rem promere ab alto

Fert animus, paulumq; viâ deflectere cantu.

(l) Dantes.

Namq; ferunt, postquam vates<sup>(l)</sup> Aligherius Orci

Ambages tortas, animarum februa, & altas

Celi.



*Calicolum sedes stellato ascenderat axe;  
 Non illum in patrias (si fama credere fas est)  
 Continuo rediisse domos. Nam dia Beatrix,  
 Qua duce tot vulgo ignotos penetraverat orbes,  
 Nequa forent diuinarum mira abdita rerum,  
 Terrestris Paradisi iterum traduxit in hortos.  
 Hos duce Mathelda iam viderat; ast, ibi poth  
 Amne sacro, memori abstulerant obliuia mentem.  
 Ergo iterum peragrarè datum loca, tectaq; mira  
 Infanti fabricata Deo, quò reddita menti  
 Visa semel rursusq; forent: Postq; otia longa  
 Dicitur asportasse illinc descripta papyro  
 (Seu verum, ut perhibent, seu vulgi fabula) sacra  
 Intima quaq; domus, tenera sarmenta; vitis,  
 Delicium Musæ, seraq; alimenta senectæ.  
 Hinc gemino diues spolio patria arua reuifit,  
 Precinctus nigris lauris, quas fumus, & aer  
 Obscurus tetra fuligine tinxerat Orco.  
 Olli sacra genis macies, vox anea, tristis  
 Obtutus, veteriq; scabrum rubigine plectrum:  
 Perq; vrbes medias ibat, perq; oppida Tusca  
 Ponè trahens densum, stupefactum ad carmina vulgus.  
 Tum latè Ausoniæ gentes discordia demens  
 Hinc atq; hinc odijs in mutua fata ciebat.  
 Causa mali, gemina perplexa ab origine<sup>(m)</sup> partes,  
 Quis bicolor nomen fatalis tessera belli;  
 Vnde bipertiti ciues, atq; asperi agrestes,  
 Et populi infensi populis, atq; vrbibus vrbes.*

N

Quid

(m) Albi, &  
nigri.



*Quid repetam, saevas quot passa Hetruria clades?  
 Quot procul extorres vis egerit impia ciues?  
 Ipse miser vates nequicquam dira minatus  
 Exitia, & pœnas, quas imis nuper auernis  
 Viderat; infelix patrijs è finibus exul,  
 Dicitur excoluisse agrum, curisq; leuamen  
 Vinetum instituisse domi: vitemq; beati  
 Elysij furtum, mira propagine adultam,  
 Paulatim Hetrusci campos seuerè per omnes;  
 Tyrrhenaq; vrbes sacrum expressere liquorem  
 Pistorium, Sena, Alpheaq; ab origine Pise.  
 Prima propinauit laticem Florentia purum,  
 Os liquido perfusa mero, mirabile donum  
 Finitimos inter populos partita Lyæi.*

(n) Vulgo  
 Verdea.

*Olli (n) subuirdis color, atq; abscondita vena  
 Nectaris atherij, longè super Attica mella;  
 Qua sensim agrestes hominum mollescere lingue  
 Eloquentumq; modis cœpit dulcescere miris,  
 Et lepor, & charites paulatim accedere dictis.  
 Inde tot egregij vates, cultusq; per artem  
 Italiae sermo, Latij iam secula pristini,  
 Et Graias Veneres fandi dulcedine vincit.  
 Eloquentij hinc inter Patres subsellia Danes  
 Prima tenet, primus genialis confitor vna;  
 Vnde illum in Tuscos, mentito nomine Bacchi,  
 Vexit agros (o) Redus, prætecta q; fabula vero est.  
 At folio excerptum, vt dixi, mirabile tectum  
 Hetruscis Ducibus longo post tempore cessit,*

(o) Francis-  
 cus Redus  
 in Dithy-  
 rambo.

Cui



## LIBER VI. 99

Cui formà, atq; suu substructa simillima ( quantum  
 Fas opere industri fabris mortalibus ) ades.  
 Namq; hæc in viridi prato; in viridi quoq; prato  
 Illa domus; domui contermina eremus utriq;  
 Et sacrum nemus & fontes, & plurima, quæ nunc  
 Haud memorare vacat. Paradisi sed tamen hortus,  
 Diuinas ades gyro qui plurimus ambit,  
 Paulò aliter positus. Verbana haud discolor illi  
 Insula, ad eoum quà formosissima solem  
 Vergit opaca cedris, Borromeosq; penates  
 Desuper aspectat. Multum illi & Montia villa,  
 Pinifero quà subterlabitur Addua Vapro;  
 Meltiaq; aspirat. Quamquam hæc mortalia longo  
 Post se intervallo species illa aurea linquit  
 Antiqui Elysij; quò me, post horrida bella  
 Iam fessum, series rursus vocat ordine rerum;  
 Inuitatq; chorus Diuùm, peregrinaq; Virgo,  
 Quam calo inuectam paulò ante his liquimus aruis.  
 Hic illa, hic gemini prono iam sole puelli  
 Tunc aderant; pariterq; aderat venerabilis æuo  
 Feruidus ille senex, raptus qui curribus igneis  
 Sederat his quondam Thesbites aduena campis.  
 Olli canities mento diffusa, pruinis  
 Candidior, niuibusq; perennior Apennini;  
 Alba super fuluà quoq; lanea pallia veste,  
 Sandalia in pedibus, viridiq; intortus oliua  
 Nectebat ramus raros ad tempora crines.  
 Et tum frondifero sub tegmine fortè sedebant

N 2

Iunipe



*Iuniperi; gemini verò per florea prata  
Interea errabant pueri. Bonus incola Matri  
Hospita amœna loca, atq; cui celeberrima quaq;  
Monstrabat digitis longè monimenta vetusti:  
Illa procul iuga celsa vides, syluamq; comantem,  
Quæ solem tegit, ingentemq; huc projicit umbram?  
Illis in latebris miser Adam, & noxia coniux  
Delituere ambo velati frondibus; hæstum  
Lethalis pomi simul ac sensere venenum.  
En ubi deterfis oculis somno excitus Euam  
Egressam latere obstupuit: sub collibus illis  
Infelix famulantum inter genus omne ferarum  
Iura dabat brutis, & nomine quaq; vocabat.  
Talia narrabat: Cui Parthenis alma, beatis  
Delicijs capta agrorum, nemorisq; propinqui  
Respirans auram, roseo sic ore locuta.  
Multa mihi porrò peregrina edissere, vates,  
Iamdudum his assuete locis, quæ scire laboro.  
Ac prius hesternò lethalia vespere vidi  
Poma, venenatis vulgò celeberrima succis;  
Vnde lues genus infelix diffusa per omne:  
Ast ea credideram, fateor, pulcherrima longè;  
Longè aliam speciem rebar, quæ cogeret ultro  
Inuitas ad furta manus: nil tale, nec vllas  
Illecebras, quas fama refert, sub pectore sensi.  
Olli subridens senior: Mirabile narras:  
At non illa impune alius spectauerit, inquit,  
Adami de stirpe nepos. Sed fortè Parenium*

( Quod



## LIBER VI.

101

(Quod reor, & decuit Genitricem Numinis) illa  
Dira cupido tuos nil se transfudit in ortus.  
Certè ego, cum primum blanda illa pericula vidi,  
Ingenitum virus per venas serpere sensi,  
Præsentiq; malo sanguis sufferbuit imis  
Vsq; fibris; quamquam mihi iam vis nulla timenda,  
Inq; hoc tranquillo iam tuta sit anchora portu.  
Hic aliò eloquium diuina Puerpera bellè  
Detorsit, sortem egregiam sibi conscia celans,  
Multa loci, veterumq; rogans, atq; ipsa vicissim  
Multa Palæstina, rerumq; , hominumq; reponens.

At senior, cui nondum animis excesserat ardor  
Ille vetus, patrij cum culmina degeret inter  
Carmeli, pluuios unde ignes sæpe vocarat;  
Ingenij memor usq; sui, memor atq; scelesto  
Quæ quondam illo æuo passus, quot adire labores  
Extorrem impulerint; antiquæ semina flammæ  
Elicuitq; animis, rigidog; hæc ore locutus.  
O ego quàm reliquos inter nunc degere vellem  
Mortales, scelerumq; ultrices cernere flammæ,  
Quas Puer iste tuas, patrio pro Numine læso,  
Axe feret! Num sæua adeò vos sæcla tulere,  
Qualia vixi olim? Quantas mihi perfida lites  
Fœmina, quotq; tulit! quot sanctos illa peremit,  
Haud impune tamen, vates! quot sparsa per omnes  
Monstra Deum terras, quot fœda altaria vidi!  
Impia gens, toties nequicquam exterrita nostræ  
Fulminibus linguæ; nunc denique magnus ab alto  
Ultor



Vltior adest, meritis qui subruat ignibus vrbes  
 Sacrilegas. Quantus regum cruor effluet atris  
 Lingendus canibus! quot corpora sparsa per agros  
 Aliis prædam video, quantoq; tumentem  
 Sanguine Iordanem! Quamquam pro talibus, alma  
 Virgo Parens, nimium, vereor, frons ista Puelli  
 Blanda tui, placidusq; animus. Quò pristinus ille  
 Dux exercituum cessit? cur grande sub istis  
 Dissimulat Numen spolijs? ubi fulmen? ubi vox?  
 Et nomen vetus, & facies, habitusue Tonantis?  
 Talibus austerus dictis toto igneus ore  
 Instabat vates: Quem mitibus alma querelis  
 Mollibat Virgo; desuetaq; fulmina dextra,  
 Alternasq; vices, & sat data funera terris;  
 Nunc aliam seriem, conuersaq; secla docebat.

Interea verò gemini per prata puelli  
 Immixti genijs, calathi quibus omnibus auro  
 Illusi, atq; ebene texti argentoq; quasilli,  
 Carpebant flores. Ter quinquaginta seorsum  
 Collegere rosas; quarum pars tertia puris  
 Purior alpinis niuib; pars altera tincta  
 Murice sanguineo, pars vltima concolor auro.  
 Vt numerum explerere sacrum, Tria nectite filo  
 Seta, ait atherius Puer, unicoloribus vnum  
 Quodq; rosis; decimam medio sed quamq; niuali  
 Bellè interposito distinguite lilio, odoros  
 Inter utring; crocos. Sic ille, & sedulus vltro  
 Ipse manus operi quoq; contulit; inde per agrum

Lati-



*Latitia ingenti Reginam adiere sedentem  
Graminea in ripa: cui formosissimus Infans  
Mollibus imposuit nexum diadema capillis.  
Quis tibi sensus erat, Virgo? quàm concolor ipsi  
Sanguineo serito! quæ purpura sparsa per omnes  
Ore genas toto! Ter summo è vertice munus  
Detraxit roseum, Pueri impositura; ter ille  
Restituit rursum; bis garrijt almus ad aurem  
Matris; bis pariter Virgo respondit in aurem  
Celestis Nati. Tandem pulcherrima Numen  
Ceruleo accepit gremio, tenera oraq; toto  
Ore superposito, strinxit, tenuitq; lacertis  
Complexa; & lacrymans, & inharens talia dixit,  
Quæ poterant ipsum, credo, retinere cadentem  
In mare iam solem. Hic lusus gratissimus inter  
Mille alios fuit. Hinc adeò tibi grata rosarum  
Munera Parthenijs altaribus; hinc tibi magnis  
Intermixta etiam titulis rosa. Deniq; serita  
(Nazareas postquam rursum remeauit in ædes)  
Elpino dedit; ille autem sua carmina cuiq;  
Adiecit flori. Verùm mihi noxia semper  
Vesperis umbra. Inter medias iam ter mihi, Phæbe,  
Delicias fugis: ipse autem quæ cernere velles,  
Hesperè, cuncta fugas. En sydera sparsa repente,  
Precipitemq; fugam solis, noctemq; ruentem  
Parthenis ipsa dolet. Iam tempora cyclade velat,  
Discessumq; parat: Procul, inquit, in ardua tecta  
Sera dies, Pueri, renocat, superandaq; vallis;  
Perq;*



*Perq; sacram relegenda iterum vestigia Syluam.*  
*Sic illa; at senior vates suspexit eremum,*  
*Carmeli ad normam veteris tecta ardua colle*  
*Palmifero, atq; illuc bis sustulit ad iuga dextram,*  
*Clamoremq; dedit notum; tenuitq; parumper*  
*Solicitam Matrem dictis; atq; altius ore*  
*Signa dedit rursus. Ecce autem (mirabile visu!)*  
*Quattuor è monte alipedes, en currus ab alto*  
*Flammeus; alatusq; Cherub auriga iugales,*  
*Lora tenens, summo de vertice collis agebat.*  
*Qualis, ubi in noctem, vulgo media vrbe coacto,*  
*Machina flagratura ingens iam tempore longo*  
*Spectantes tenuit; cum primum culmine ab alto*  
*Per funem aut aquila, aut alato tergo serpens*  
*Sibilat ore ferens incendia; plebis hiantis*  
*Ora oculosq; rapit flamma improuisa per auras:*  
*Haud aliter miri veniebant tramite recto*  
*Quadrijugi ardentis, flagrantesq; axe quadrigæ.*  
*Uq; solum tetigere rota, propiusue quierunt,*  
*His ego vectus, ait Thesbites, æthere quondam;*  
*Hisq; feror toties trans nubila, transq; rubentem*  
*Supremi regionem ignis; maculosaq; lune*  
*Bis propior conuexa oculis immania vidi.*  
*Hæc memorans armos manibus palpabat equorum,*  
*Nomine quemq; vocans; atq; ora sonantia frans*  
*Prensabat dextrâ, atq; humeris aptabat habenas.*  
*Inde Parens, Pueriq; ambo, Seniorq; coruscis*  
*Consedere iugis; obscuroq; aere septi,*

*Qua*



*Quà procul ad stadium miranda palatia surgunt,  
Æthere stellato liquidum per inane redibant.*

*Fas mihi nunc rerum felici abscondita nocte  
Efferre in lucem memoranda arcana sub auras;  
Fas audita loqui, tantisq; obliuia rebus  
Demere, siqua latent, memoriq; adiungere fama.*

*Iam claras ades, iam limina celsa subibant.  
Ecce autem extremis medijsq; penatibus omnis  
Plena nouis strepit hospitibus domus: ecce per aulas  
Obuia, perq; fores passim, perq; atria magna  
Turba ingens matrumq; virumq; effusa ruebat.  
Nempe aderant veterum Abramidum de sede piorum  
Selecti manes, proau, sanctiq; parentes  
Virginis: (his nuper supera ad conuexa parumper  
Ire datum, & Puer, & magna deferre Parenti  
Obsequia) Ante alias complexu ecce obuia inani  
Anna Parens in colla ruit, notaq; per auras,  
Vt quondam, resonant voces: Ne subtrahere vultus,  
Ne metue, ò gnata: en genitrix tua, corporis expers;  
Illius at simulacra vides; non veraq; imago est,  
Quam cernis: sed presentem te, Filia, miris  
Amplector, videoq; modis. Nec lumina possum,  
Nec vestes, nec mortalem discernere vultum  
Spiritus exutus membris. Sed pulchrior ingens  
Longè alia apparet species, animamq; nitentem  
Perspicio insolitis radijs, cui corpus inhaeret,  
(Cernere quod nequeo) nebula circum instar opacæ.  
Oscula redde mihi, mea lux, qua sentio; quamquam*

O  
Sparsa



Sparsa tibi hac eadem volucres videantur in auras.  
 Parte aliâ Elisabe pauidum complexa puellum  
 Alloquitur longæua suum; similisq; tenenti,  
 Cæca velut, rogat an tergo circumdata zona  
 Ut quondam, presumq; manu contrectat inani,  
 Hortaturq; loqui; propiusq; adnixa laborat  
 Ingerere antiquos vultus, & nomina nota.  
 Me ne, puer, nosti, tenerum quem montibus olim  
 Infantem texti, pueris cùm bella moueret  
 Impius ille, cauq; specu iam lassâ biennem  
 Te moriens liqui? Tales dabat illa querelas;  
 Quas strepius Patrum tegit ingens undiq; circum  
 Infantem Diuum. Hic citharis insignis eburnis  
 Regis Idumæi, Ioachimi, atq; Manassis,  
 Pantheris, & Iesse, atq; ingens senis Abrahæ imago;  
 Isaciq; p̄j sera de stirpe nepotes:  
 Vestibus in niueis omnes, oleaq; virenti,  
 Et semperuino redimiti tempora flore.

Unâ omnes subiere aulam, quæ maxima tecto  
 Sese aperit medio. Crystallina pensilis ingens  
 Tergemina effulget lampas, centumq; minores  
 Aere dependent; aurataq; brachia longo  
 Ordine sustentant ardentes undiq; ceras.

Hic acies pictæ innumera, & seges aspera Martis;  
 Ære graues equites, hasta, galeaq; comantes,  
 Et clypei, atq; omnem sacer horror circuit aulam.  
 Scilicet in diuum Puerum Styx effera quotquot  
 Educlura olim furias, horrentiaq; arma

Cerne-



Cernere erat, pictosq; duces, & fortia facta  
 Magnanimùm Heroum, pugnataq; in ordine bella.  
 Hinc Constantini labara exundantia ventis,  
 Romuleisq; aquilis Crux addita visa per auras:  
 Inde Godefridi vexilla, & Maurica caesa  
 Agmina, Arianaq; acies, & Thracia bella.

Nec tantùm veteris, sed & aui Mars quoq; nostri,  
 Effigies, atq; arma virum, spirantiaq; ora  
 Parietibus pictis, varijsq; tapetibus errant.  
 Namq; hic aratas classes, Venetosq; leones  
 Littora spectabant, Mauroceniq; triumphum,  
 Ionio è ponto in patriam noua scepra ferentis.  
 Parte alia heroes magni Lotharingus in armis,  
 Et gener Augusti Bauarus, duo fulmina belli;  
 Ductoresq; alij medijs in millibus ibant.  
 Tuq; etiam palmis superesses, Iule, Sabaudæ  
 Gentis honos, primis cui mors florentibus annis  
 Inuidit, ne latam urbem, conuersaq; fata  
 Aspiceres belli, quorum pars magna fuisses.

At latè in medio Geticus reuolutus in omnem  
 Pannoniam torrens, cui vix satis ampla camelis,  
 Armentis, & equis poteribus, atq; trecentis  
 Europæ atq; Asiæ collectis gentibus urna  
 Danubij; Austriacis successu turgidus horrens  
 Ire superfluous rupto aggere cernitur aruis.  
 Hinc misera matres profuga per tela per enses,  
 Crinibus effusis, lamentisq; astra cientes,  
 Quæis media è flamma gremio asportata supellex,



Aut casus coniux, aut rapti in vincula nati;  
 Inter equos, currusq; latent, confusaq; castra.  
 Migrantum plena arua fugâ, plena omnia luctu,  
 Horror ubiq; metus, faciesq; miserrima belli.  
 Nec procul Austriadum obsessam discrimine in arcto  
 Cernere erat sedem; tercentum millia circum  
 Quam Thracum immensa valli obsidione coercent.  
 Omnibus it tortus circum cava tempora turbo  
 Lineus implexus spiris, latera ardua cingit  
 Fascia versicolor; vario Babylonica textu  
 Arua tegunt pictis tentoria serica velis.  
 Heu, quæ tum misera facies, quæ vota pauentis  
 Italia! heu, propior flammæ quibus anxia curis  
 Littoris Adriaci regina, vrbsq; alma Quirini,  
 Ignara quid fata parent, quò pondere vergant!  
 Qui gemitus, quæ fama omnes malefida per vrbes!  
 Posteritas; (si non sera illa extremaq; mundi es,  
 Visura excidium rerum) ne talia speres  
 Posse tuis memoranda adedò contingere seclis  
 Ecce autem picta in summis laquearibus aula  
 Numinis apparet, puraq; in veste (P) Sacerdos  
 Maximus, effusis lacrymis auertere cladem  
 Si queat; & Caesar supplex, Augusta; coniux,  
 Et nati gemini; atq; omnis Germania mœrens,  
 Hungaricusq; aderat Diuum chorus, ipsaq; sceptri  
 Pannonici custos Virgo, veniamq; rogabant.  
 Namq; hos è celo armipotens obiecerat agris  
 Terrores populis Diuum Pater, atq; hominum Rex,  
 Vota

(p) Innoc.  
 XI. Pont.  
 Max.



*Vota auditurus miserorum, & iacta sub auras  
 Lamenta & gemitus: Quis deniq; motus, ab alto  
 Æthere prospiciens, oculos ad mœnia torfit  
 Iam centum perfossa locis: simul armiger Ales  
 Ære cauo insonuit; sonitu quem Vistala longè  
 Audijt, atq; Hypanis, gelidiq; Borysthenis vnda;  
 Audijt & longè niuib; glacialibus horrens  
 Carpathus, extremusq; Albis, Rhenusq; bicornis.  
 Vndiq; conuenere duces, tremit exulta tellus  
 Ferratis plaustris: hic sors, hic alea rerum  
 Suprema, hic spes Europæ, collectaq; virtus.  
 Nec mora: per densos cuneos, per fulmina valli,  
 Per segetes ferri horrentes, hinc turbinis instar  
 Sauromata, hinc Lotharus Mauros, & Noricus; inde  
 Flos almæ Hesperia, atq; omnis gens accola Rheni,  
 Quicq; Amisim, Traunumq; bibunt, gelidumq; Visurgim,  
 Hercyniosq; colunt saltus; ceu montibus acti  
 Torrentes, profugos de mœnibus urbis agebant.*

*Famaq; iam toto signum dabat aere cladis,  
 Ære cauo ingenti. Centum vrbes, oppida centum  
 Casareas acies, victriciaq; arma caneant.  
 Omnibus in pagis ludi, combusta superbi  
 Mustaphi simulacra vijs, profusaq; dona  
 Larga meri, in medijs passim conuiuia pratis.  
 Ipse autem niueo alius equo, pulcherrime, cultu,  
 Hungaricoq; insignis acinace, rite vetustis  
 Cerneris, Austriade Ioseph, succedere regnis.  
 Stant circum Illyrici, atq; Dacæ, extremiq; Triballi,*

*Et*



*Et Mæsi, & vincti Thraces: ipse arduus ense;  
Quattuor ad ventos conuersus, patria regna  
Designas. Bello populi mirantur acerbo  
Plena ora, impubesq; genas, auroq; comantem  
Cæsariem, & pulchram spirantia lumina Martem.*

*Talia per muros venturi præscius aui  
Aulæ ingentis pictor digesserat Ales.  
At maiora oculis velo seruata latebant:  
Nam procul ante ora augustum se tollit ad auras  
Pegma, pauimenti extrema de parte, corusco  
Sipario obductum. Post velum scena, chorique,  
Actoresq; latent Genij, pulcherrima pubes,  
Ære renidentes fuluo, nitidisq; cothurnis;  
In seram noctem spectacula mira daturi  
Hospitibus Diuis. Titulus de fornice pendet  
Oscula Iustitiæ & Pacis. Iamq; aurea rite  
Cymbala proludunt chordis: iam pompa latentis  
Se reteggit scena: iamq; alta silentia poscit  
Sibilus. En sensim subducitur aere velum.  
Proh! quæ immortalis species! quæ Regia! quæ lux!  
Quæ domus ætheria! Hæc qualis sedet ardua gemmis  
In solio Regina nitens! quot fulgurat astris  
Intextum syrma ærium! quas iam dabit illa  
Fronte graui voces! quàm plena silentia sancto  
Terrore! ò Patria! ò Solymæ celestis imago!  
O superum regio, species stellantis Olympi!  
Argumentum operis, Maiestas læsa Tonantis:  
Iustitia hinc acuens iras; Pax flebilis illinc  
Exorans*



# LIBER VI.

III


*Exorans veniam. Nodum Sapia soluit;  
Proponitq; inter Numenq; Hominemq; , sequestrum  
Unigenam , humano velatum corpore Numen.  
Discutitur , placet inuentum: suprema Potestas  
Commissum sibi spondet opus. Sic lite dirempta,  
Acceptis hinc atq; hinc conditionibus æquis,  
Oscula Iustitia & Pacis spectacula claudunt.*

*Talia supremus fortunata oia magnis  
Hospitibus Pater indulsit; queis rite peractis,  
Subuectos iterum curru Iessidas, opaco  
Aere, Nazareis bonus Ales reddidit oris.*



LI-





## LIBER SEPTIMVS.

## ARGVMENTVM.

Nazareni cælestem Puerum magis in dies admirantur, eiusq; subobscuram Diuinitatem curiosè vestigant. Ionas camelarius, iterum ex Ægypto veniens imminentis infortunij metu oppidanos terret. Agar peregrina historiam de Engaddi vinetis narrat; qua audita, Alcindus senior, afflatu numinis, vaticinatur. Vox interim è cælo delabitur, quæ prosperum æumnis, ac votis exitum pollicetur.

**A***T tot mira diu penitus subducta latere  
Haud poterant. Deus ipse Pater lucescere  
quiddam*

*Iam propius, fusca veluti de nube, sinebat.  
Nam, postquam latis Paradisi è collibus Eden  
Nazareos iterum Virgo remearat in agros,  
Illa domus, rura illa, amnes, vallesq; beata  
Elysij inuidiam poterant, caliq; mereri.  
Illius augusti species, habitusq; Puelli,  
Undecimus cui iam gyrum prope clauserat annus,  
Et nitor, & sancti mores, & amabilis illa*

*Maie.*



*Maieſtas iam tum pauidos terrebat agreſtes,  
Numinis ignaros; eademq; trahebat amantes,  
Mulcebatq; feros. Mirantur plena decoris  
Lumina, mirantur voces, atq; indole in illa  
Nescio quid pluſquam mortale; animiq; tuendo  
Expleri attoniti nequeunt. Quod ſydus in iſtas  
Delapſum terras! quæ lux oblata per umbram!  
Quis Deus his noſtris ſucceſſit ſedibus hoſpes!  
O Pater, an ſeculis ille expectatus Olympo  
Venturus, qui colla iugo feſſa eximat agris  
Iſacidis? Quæ nos terrent inſomnia? quidue  
Omina tanta parant? Tales dant pectore voces,  
Percuſſiq; ſtupent. Pueri nutritius ipſe,  
Delicijs impar, vix cuſtodita tenere  
Clauſa ſinu ingenuus poterat ſua gaudia Ioseph.  
Atq; illum curas inter quandoq; fabriles  
Æquani urgebant patres, varijsq; premebant  
Ancipitem dictis: partes ſe verſat in omnes  
Ieſſeus ſenior, longeq; exordia ſumit;  
Quæq; licet, varijs reſponſa ambagibus exit,  
Secreta inuoluens, quæ non licet ire ſub auras.  
At matrum longè tibi lucta moleſtior, alma  
Partheni, Nazaridum; quibus importuna ſciendi  
Fexuſa cura nimis, ſuetumq; imperitia quæq;  
Rimari ingenium. Contermina Virgo paternis  
Debbora erat tectis, quæ ſæpe domeſtica, eodem  
Sub lare coniunctis curis muliebribus, unâ,  
Inter acus & fila, diem ſtudioſa trahebat.*

P

Alter a



*Altera arundineum nam stamine versat alabrum;  
Inq; glomos transfert; discriminat altera telas,  
Alternisq; trabunt amba sermonibus horas.  
Hæc semel haud tenuit sese, quin sedula multis  
Rem peteret precibus, quam pertentauerat ante  
Lusibus obscuris; nunc verò exorsa precando  
Sic fatur dictis. Maria, inquit, per vetus istud  
Commune hospitium, primaq; crepundia nostræ  
Ætatis simul exacta, quando omnia (sanctè  
Spondeo) secreto sub pectore dicta reponam,  
Nec meus ipse sciet coniux, nec resciet aura,  
Quin mihi met studio properare obliuia nitar;  
Per si quid mervi, per quidquid poscere fas est,  
Cara mihi ante alias, cui vox, cui gratia nata  
Solamen curis, semel exorabilis esto.  
Fare age, quis tandem genius tuus iste? puerne,  
An diuinum aliquid tibi lapsus ex æthere, ut ipsa  
Suspikor, in gremium? Tibi namq; simillimus ille  
Ore refert adèò toto, teq; exprimit omnem,  
Teq; unam; ut certè, in terris, quasi credula iurem  
Non habuisse patrem. Tibi verò tanta venustas,  
Atq; adèò à partu nil gratia decolor oris,  
Nil species læsa; ut possis quodammodo credi  
Mater, adhuc virgo. Veniam precor ista loquenti,  
Nam tuus ista facit misera deliria natus,  
Crine adèò, gestu, vultuq; oculisq; decorus;  
Vt, si mortales Deus ipse assumere vellet  
Omnipotens artus, (ausim hoc quoq; dicere) tales;  
Nec*



Nec credo unquam alios vellet sibi fingere vultus.  
 Nonne vides, quæ forma illi, quæ gratia fandi,  
 Qui decor, alme Parens rerum, quæ lumina fronte  
 Bina micant? ut dicta stupent, pauidiq; recedunt  
 Externi agricolæ, monstribq; simillima narrant?  
 Vera ne quæ perhibent? venisse Orientis ab ora  
 Illius ad cunas reges; humiliq; coruscant  
 Infedisse lari stellam? vinetaq; eodem  
 Tempore, bruma licet foret aspera, colle propinquo  
 Vernasse? Auditum hoc memorant à Beride quadam,  
 Quæ modo Sunam habitat nupta illic; ipsaq; flores  
 Testatur quondam, atq; vnas vidisse recentes.  
 Sed quid ego hæc longè reuoco, atq; antiqua reuoluo?  
 An non hæc pariter nobis memoranda canebat,  
 Hisq; etiam maiora hospes narrabat Ionas?  
 Quin etiam, nostros cum lis foret inter amantes,  
 (Quamquam alio te sub calo tunc Memphis haberet)  
 Sub noctem pueris manifesta in luce repente  
 Dona ferens aderas; eademq; inuicta per auras  
 Arboribus super, atq; inter caua nubila visa,  
 Ictu oculi præsens; dum te nemo inter opacum  
 Querimus, & nati miramur munera fontis.  
 Ex illo attoniti quæ Diuum ostenta tuemur!  
 Quot vates horrenda monent! quæ visa reportant!  
 Ipsi etiam nostri cum matutina bubulci  
 Armenta educunt stabulis per gramina sparsos  
 Inueniunt flores, peregrinaq; lilia passim.  
 Mirantur loca, quæ possint ea candida ferre



*Germina, quæsitumq; diu: extremòq; repertum,  
Quà tibi, quàm puero interdum mora facta per agros,  
Alba ligustra illic, violasq; erumpere ad auras,  
Et rorem interdum, aut liquidi vestigia riui.  
Nunc autem, hæc animo relegens simul omnia, mecum  
Quid statuam, fateor, cecà vector obsita nocte:  
Somnia cerno vigil; miris feror anxia monstis.  
Quod te per superos, per magni Numen Olympi,  
Perq; tuum hunc Solem, semel hæc perplexa resolue,  
Atq; arcana doce. Tibi fida silentia iuro:  
Hic citiùs paries commissa arcana loquetur,  
Quàm retegam quidquam. His dictis pulcherrima Virgo  
(Nam quo rem teget? quò se conuerteret anceps?  
Quidue aliud poterat?) velo sese illa ruboris  
Virginei totam deprensa in luce tegebat,  
Purpureo similis panno, similisq; Damasci  
Coccinea rubicunda rosa. Tibi finge retentum  
Imbris iter fluidi, puerum quem turba coercet  
Post pluuiam ingentem; sic illa exire laborat,  
Sic, quascunq; potest, partes se torquet in omnes,  
Sic aditus omnes querit. Perpauca roganti,  
Ut decuit, responsa dabat; cùm pulcher IESVS  
Adfuit extemplo coram, nec Debbora fando  
Explorare ausa ulterius, nec sanguinis ultra  
Elicere in vultus flammam: sacer ingruit horror,  
Suspensisq; animis, sera iam nocte, recessit.*

*Talis Nazaridum cura ingens pectora agebat,  
Ignoscenda tamen. Quis enim, tot mira tuendo*

*Abdi.*



*Abdita mortali specie, non sedulus omnes  
Rimari arderet latebras? non cuncta susurro  
Misceret tecta ambiguo? Nam corpore in illo  
Exiguo, tenerisq; annis quis crederet unquam  
Esse Deum? Hinc stupor, & velut ægra somnia mentis;  
Hinc animi implexi, diuersaq; murmura vulgi.*

*Ecce autem Pharijs rursus mercator ab oris  
Ille bonus Ionas aderat; mercesq; Canopi,  
Donaq; caelesti Puer, Matrique ferebat.  
Isq; palàm patrio in cœtu miranda Puelli  
Alius inferuit suspecta anigmata genti,  
Terroremq; tulit trepido sic ore locutus.  
Nazarei ciues, genus alto à sanguine Iudæ,  
Dicite, quis vestrum concurrere cominus ausus  
Cum Styge? quæ vobis bellatrix fœmina? quisue  
Ille Puer, cui tantum odijs infensus Avernus?  
Namq; (ut longæus retulit Pellaus aruspex)  
Ex adytis templi post longa silentia tandem  
Hæc vati responsa dedit latrator Anubis:  
Væ miseris, duro quos bello asperrima virgo  
Nazareà de gente (nefas) sub tartara mittit!  
Væ dijs noctuagis ausis ferre arma sub axem!  
Causa mali tanti demissus ab æthere magno  
In terras Puer. At contra pro talibus ultor  
Mox aderit iuuenis Samarita. Ille æqua superbis  
(Spero equidem) superis referet; noua bellaq; vindex  
Exciet, & pœnas, cæsa sibi virgine, poscet.  
Talìa vulgabat populis oracula Ionas;*

*Pende.*



Pendebantq; animis, Ecquis Samariticus iste  
Laturus triste exitium, quæ victima virgo  
Danda neci, quæ dira lues impendat aruis.  
Præterea fuit in Libani conuallibus imis  
Armenti custos. Huic improvisus ab alto  
Fatidicus menti furor incidit; ipse per omnem  
Mira Palestinam ventura horrenda canebat.  
Et Samarim digito ostendens, væ, perfida pellex!  
Væ tibi, væ Babylon, scelerati numinis hospes!  
Væ Galaaditis sponsis! Nec plura: sed omnes  
Ipse etiam indigenas terrebat & oppida vates.  
Nec satis. In somnis alij quoq; nocte silenti  
Hæc eadem moniti passim ventura ferebant,  
Inq; Deo Puero spemq; effugiumq; locabant.  
Ille dabit vobis magicas eludere fraudes,  
Isacida, ille Deum mentitum arcebit Idume.  
His igitur dictis horrebant undiq; agrestes.  
Hinc Samaraæ excisa omnis commercia gentis,  
Inq; dies magis atq; magis plebs territa monstros,  
Nazareoq; super Puero mens omnibus anceps.  
Omnibus in votis aliquam exalbescere lucem  
E celo, atq; altè iniectam rarefcere noctem.  
Da, Pater, augurium, qui præuius igne columna  
Isacidas quondam deserta per auia duxti:  
Quiq; olim precibus victus sitientibus undam  
Cantibus è duris, dona insperata, dedisti:  
Da finem curis, atq; atram disijce nubem.  
Talibus orantes onerabant sydera votis.

Cum



Cum tandem tenuis resplenduit aethere fulgor,  
Inq; atris fulsit spes improuisa tenebris;  
Spes, inquam, quam fortè tulit peregrina puella,  
Historiam veterem narrans. Rem fusiùs omnem  
Altiùs ordiri, seriemq; ab origine præstat,  
Et varia, ut possum, intertexere stamina tela.

Nam semel hybernis circumfusa ignibus Esther  
Atq; uxor Ionatha, & Damaris, longæuq; Charmis,  
Nazariæq; alia, streperà ingentiq; corona,  
Ad risum faciles, pars vellera, crudaq; lina  
Carpebant; alijs labor hirtis soluere echinis  
Castaneas; alia torquebant stamina fuis.  
Fortè autem reliquas aderat spectabilis inter  
Nupta recens Agar, Engaddi è rure puella,  
Cui patrijs profugus tectis formosus Heberus  
Nupserat; inq; suas nunc primum vexerat ades.  
Hanc croceis vittis, aurumq; imitante orichalco  
Insignem, faciesq; novas, noua rura timentem  
Turba peregrinam paulatim assuescere blandis  
Cogebant refugam dictis, trepidamq; ciebant.  
Primaq; Charmis anus de more interrogat, utra  
Rura magis placeant, Engaddi, an Nazareth? Illa,  
Cui pudor ingenuus, natiaq; gratia lingue,  
Haud meditata diu responsum; Nazareth, inquit.  
Vestigare instat, Quæ verò his dignior oris  
Causa mora? Illa autem; Maria pulcherrimus alma  
Natus. Et huic puero iam tu intima, (Dammariis insti)  
Vix quinq; exactis hinc solibus, hospita? At illa,  
Infan-



Infantem in cunis vidi, cum poma rigenti  
 Nata hyeme, atq; vnas, & texto in vimine flores  
 Attulimus. Flores? (ait Ammon) poma rigenti  
 Nata hyeme, atq; vnas? Hic ingens orta cupido,  
 Engaddi ut quondam vernarint rura decembri,  
 Cuius inaudierant aliquid, sed nubila erat res.  
 Attamen & senior Iesse, & longaeuus Obedon  
 Nescio quid memori confusum mente volutant;  
 Ipsaq; vineti procul hinc mirabile quiddam  
 Dictum olim repetit Charmis memor; ipsaq; flores  
 Nescio quos semel auditos reminiscitur Esther.  
 O age, dic, oro, seriemq; ab origine miram  
 Incipe: femineo simul illam murmure magno  
 Constituunt coetu in medio, interruptaq; pensa  
 Paulisper ponunt, remq; omnem audire laborant.  
 Quae simul ac vidit conuersa in se ora, rubore,  
 Ut decuit, suffusa genas, formidine tandem  
 Deposita, sic orsa loqui. Iam talia dudum  
 Credideram, fateor, vestris quoq; didita terris,  
 Nec latuisse sonum. Sed quando ingentis ad aures  
 Prodigij tenuis vix ramor, seraq; fama  
 Accidit; ipsa, oculis quae praesens testibus hausi,  
 Expediam paucis: nec enim sine numine diuum  
 His ego nupta oris vestris, nec inuulis hospes  
 Munera parua olim referam. Bethlehem in arua  
 Visendi studio, (vndecimus iam vertitur annus)  
 Ad Iesum infantem, pastorum credula dictis,  
 Fortè ierat mater. Serà dein nocte reuerſa  
 Engad-



## LIBER VII.

121

Engaddum, pluuio imbre fluens lutulentaq; cæno,  
Vt nunc, hybernum circa ignem & fumida ligna,  
Dum chlamydem ponit, madidos dum siccatur amictus,  
Narrabat nobis quæ viderat. Heu, quibus illa  
Ebria delicijs miris! quæ visa canebat!  
Nec finis fandi quàm dia puerpera; quot se  
Vinctam illi, obstrictamq; modis; quàm candidus illic;  
Quàm roseus puer inuentus, quàm frigore penè  
Exanimis miser! O qualis! qui fulgor ocellis!  
Mille modis varijs secum dulcedinis haustæ  
It voluens animo sensus, atq; exprimit ore.  
Ire iterum inuat; atq; illi se Beris eunti,  
Atq; ego multa gemens, & Zelphe, ac deniq; cunctæ  
Adiungi oramus comites. Lux crastina tandem  
Ore vno decreta via; modò cesserit imber,  
Candidiorq; dies madidum deterferit Austrum.  
Ergo parens, veteri ex arcà dum sedula tostam  
Depromit Cererem, rugosasq; eligit vnas,  
Quas Maria, & puero designat munera; flebat  
Importunam hyemem, flebat sine floribus hortos,  
Culpabatq; niues, mutataq; balsama oliuo  
Nuper Ithureo. Quàm vellet melle liquentes  
Nunc misera octobris ficus, & nectare plenos  
Nequidquam botros! O nostra vbi cerea pruna?  
O nostri, aiebat, nunc mala rubentia ruris!  
Heu glacie, heu canis horrentia cuncta pruinis!  
Audijs hæc Pater omnipotens de vertice Olympi,  
Cui Zephyri parent, cui ver, cui pomifer annus,

Q

Arri-



Arrisitq; bonus, spemq; omnem, & munera vicit,  
 Improvisa repente ferens, mirandaq; dona.  
 Namq; ubi prima polo rubuere crepuscula lucis,  
 E specula caput impexum caprarius Alcon  
 Protulit, observans ventos, & nubila cali:  
 Sublatisq; tuens oculis sine nubibus axem,  
 Bella dies, inquit, nostris accommoda votis!  
 Oh! quis odor veluti florum! vitisq; tenella!  
 Hem! flores! flores & poma! Alphae, Manasses,  
 Zambris, io! Simeon; vna & narcissus in horto.  
 Hei mihi! nocte diu vigili (nam tempore longo  
 Latitia insomnem tenuit) tum roscida primum  
 Attulerat lassis membris aurora quietem.  
 Iamq; orto sole, & diffuso lumine, nostri  
 Immemores alia per florea rura puellae  
 Errabant laeis clamoribus. Excita somno  
 Audio garritus, confusaq; murmura vocum,  
 Hem, Rachel Rachel, quot in vno persica ramo!  
 O bella! Hic viola, hic viola & fraga, hic quoq; fraga;  
 En cerasa, en cedri: pueri, ne carpite: Zambris,  
 I properè ad matrem, calathos ferat: Aspice, Ebere,  
 Aspice, per superos, haec arbute: suspice, Ruben,  
 Quae mala insistant tibi pendula: Perge, puella,  
 Quae mora? perge citò: Fugit illa simillima vento.  
 Mater, io! improvisa aetas, miracula rerum,  
 Turgentes vnae, pyra, pomaq; nata! Relicto  
 Ocyus è strato miris feror excita monstris:  
 Nec mora longa, adsum cum matre & corbis: una  
 Confe-



Consequitur Zambris soror, atq; incompta Nohemis.  
Vix possum hæc memorans lacrymas retinere cadentes.  
Tollimus ad cælum palmas, stupefactaq; circum  
Lumina versamus. Sunt hæc caelestia dona,  
Quæ tetigisse nefas, ait Abra; intacta feramus  
Bethlæo Infanti: Folijs insperne quasillam,  
Sephora; vos violas, vos porcite fraga, puella;  
Vos, iuvenes, truncis insistite, citraq; nobis  
Deijcite ex alto. Insistunt ramalibus ambo  
Protinus exertis Ionathas, & Beno lacertis:  
Cerea pruna cadunt, melimelaq; perlita rore:  
Grandinis in morem succusso persica trunco  
In viridem labuntur humum: Supponite, Matres,  
Huc gremium, huc corbes; tibi pomum hoc, Sara, bilibre;  
Hoc tibi, tende sinum, Zelphe. Quid singula narro,  
Quæ vidi his oculis præsens, hisq; auribus hausi?  
Iamq; omnis veris pompa, autumniq; sub alta  
Illice erat, folijs cooperta, & odoro adianto.  
At quinam ferrent Pueri redolentia dona  
Lis erat, & magnum certamen; nam sibi quisq;  
Id cupiebat onus, sibi certatimq; quasillos  
E manibus rapiunt; instant pueri, atq; puella,  
Contenduntq; super. Res tandem ad iurgia venit;  
Cedere nec Zelphe vult Dina, atq; utraq; certat,  
Fæmineisq; utring; sonat garrutibus æther.  
Ergo pater Ruben, litem componere adorsus,  
Dispositos omnes in gyrum promere iussit  
Quemq; manum; digitos, quot quisq; emiserat, unam  
Colligit



Colligit in summam; tum quemq; ex ordine lustrans  
 Non uno numerat gyro. Sors prima Barucchi,  
 Cui trifidum guttur, fatuus cui risus in ore  
 Idem semper erat, risuq; exceptit eodem  
 Id quoque: Rubeni sors altera: tertia Zelphe:  
 Aduolat illa statim, capitiq; celerrima plenum  
 Aptat utraq; manu calathum, quo ditior alter  
 Non erat, atq; illum celarat callida in herbis,  
 Ne quis surriperet: sequitur dein Sephora nutrix;  
 Inde ego, tum mater: sors ultima Bethsabæ.  
 Heu! miseram Dinam fortuna inimica fefellit;  
 Dissimulare nequit, lacrymasq; abscondere vultus  
 Nuitur auerso, & lites clamoribus altis  
 Suscitât, atq; alium rursus vult inuida gyrum  
 Omnino institui. At Ruben maturior annis  
 Ploranti bonus atq; æquus sua munera cessit.  
 Pergite iam, matres, inquit, nam semita longa est.  
 Hic ego, Bethleas dum vos properatis in agros,  
 Servabo interea fidus pomaria custos.

Ergo alacres, summo gestantes vertice textas  
 Viminibus corbes, dextra lauaq; prehensas,  
 Imus per nemora & saltus; sonat undiq; vallis  
 Pastorum calamis; thymbræq; cedriq; recentis  
 Latè odor efflatur. Mirantur munera veris,  
 Extantesq; rosas calathis, & frondeaserta  
 Attonitæ passim matres, pueriq; nurusq;  
 Effusaq; ruunt pagis, atq; agmina iungunt.  
 Venimus ad Pueri cunas, iam sole cadente:

Pri-



## LIBER VII.

125

*Primaq; Daphra parens, postquam de more salutem  
Obtulit; Hæc, inquit, Mater, tibi paucula nostri  
Munera vineti tulimus: folijsq; reductis  
Explicuit dona; & salices, & iunca rupit  
Vincla manu. Genitrix, ut fraga rubentia vidit,  
Et matutinis rorantia perfica gemmis,  
Sustulit ad calum palmas, paulumq; morata  
Ore super stetit admirans: Vnde ista repente  
Copia? queis, inquit, decerpta in collibus vna?  
Versabatq; manu ridens, nunc Punica mala,  
Nunc hos nunc illos flores: mox, sedula prono  
Vertice cuncta legens, texto de vimine botrum  
Sustulit ingentem, pueriq; admonit ocellis,  
Blandè agitans teneras frondes, ramumq; virentem.  
Nec minus hinc Zelphe, hinc Rachel, formosaq; Beris  
Blandiri, autumnumq; manu pratendere ocellis.  
Ille è fasciolis exertam porgere dextram,  
Nudaq; brachiola ad visos proferre racemos.  
Ast ego ludentis pueri prensare lacertos,  
Indo ebore, admixto Tyrio ostro, candidiores.  
Quin etiam, memini, propior scitarier ausa  
Infantis nomen; cui formosissima, letos  
Aduertens oculos, IESVM inquit Mater; & isto  
Nomine Nazareis de finibus (addidit) olim  
Monstrum horrendum, immane, ingens arcebis Idume,  
Vndecies postquam sol signa recurrerit anni.  
Sic genitrix pueri: testis mihi turba sororum,  
Quæ præsens aderat dictis: iamq; incipit annus*

*Fata-*



Fatalis, quem terrifico tunc ore canebat.

His ergo augurijs læta (nam sydera toto

Iam scintillabant sparsim nitidissima cælo)

Ultima cum lacrymis libauimus oscula cunis.

Inde per obscuram noctem, per cæca viarum,

Sublatis paleis ardentibus atq; manipulis,

In patrios hilari cantu remeauimus agros.

Talia narrabat, cunctis mirantibus, Agar

Engaddea, olim præsens quæ viderat ipsa.

Atq; hinc Nazarij statio gratissima pagi,

Incole ubi Maria & Iesus, dulcissima iam tum

Nomina, delicia, atq; humilis solatia ruris.

Tum verò attonitis lux tandem calica oborta est

Prodigio ingenti, spesq; improvisa refulsit.

Nam senior Pueri & Mariæ dilectus, utriq;

Iam dudum assuetus laribus, cui sænore largo

Mentem animumq; Pater cælesti affiauerat æstro,

Alcindus vates geminas ad sydera palmas

Sustulit, & plusquam mortali voce locutus:

Nazarida, Alcindi suprema hæc dicta tenete,

Quæ, Raguele, tuo sub tecto, è sedibus istis,

Testibus hisq; focus, prædico. Videbitis olim

Hunc regum antiqua venientem è stirpe Puellum,

Sublimem Isacidis dare iura, in spemq; vocare

Hæredes Regni ingentis; vosq; illius inter

Sceptra manus, velataq; membra stupebitis ostro,

Et stabili nexam fixo diademate frontem.

Abrami hæc veniet manes mihi fama sub imos.

At



At precibus nobis placandum Numen Olympi,  
 Hac si fortè pijs lacrymis arcana reuelet.  
 Spero equidem, mors atra priùs quàm luminis auram  
 Auferat, & veniens mortales exigat artus,  
 Dandum aliquid nostræ, calo miserante, senectæ.  
 Sic reor haud dubijs signis; mihi præscia namq;  
 Vox sonat interior longo iam tempore, nostris  
 Esse Deum in terris. Sic ille: extremaq; dicta  
 Terra ingens fragor, ac motus, tonitruq; secutum;  
 Quo domus, & muri, & muris disposta supellex  
 Stannea, & insertæ lauri, mensæq; moueri.  
 Continuo pauida matres in genua volutæ  
 Iessei vatis trepido ore euoluere carmen:  
 (q) Cui Deus è cælo adiutor, sub præside tanto (q) Psal. 90.  
 Nil timeat: dicet Domino, tu, rebus in arctis  
 Spes & perfugium. Nec secius aere grandio  
 Interea ruit, & venti transuersa frementes  
 Incurrunt portis. Postquam verò ultima ventum  
 Ad promissa: Olli longæuo namq; salutis  
 Auctorem ostendam, (dictu mirabile!) longè  
 Vox celsa veniens de nube audita per auras.  
 Ne trepidate, viri Isacida: Solymeia templa  
 Vere nouo petite, & sacra ante altaria proni  
 Fundite rite preces. Magnum & memorabile tandem  
 Arcanum vobis referabit Numen Olympi.

Hac euenerè hyberne inter rustica brumæ  
 Otia; spes vnde agricolis magis aucta sciendi  
 Quid tandem Puer ille ferat. Vox omnibus vna  
 Magnum



*Magnum aliquid terris portendi, animisq; recurrunt  
 Multa audita olim; primi; exordia veris  
 Cuncti expectabant; velut ager, tadia longæ  
 Perpeſſus noctis, venientem ſuſpicit almam  
 Auroram, queriturq; diem ſolem; morantem.*







## LIBER OCTAVVS.

## ARGVMENTVM.

Simon magus, adhuc adolescens, puellam virginem Samariæ sacrificat Dæmoni; & magicis præstigijs se Dei filium, uxoremq; Selenen Deam iactans vulgo imponit. Deipara virgo, & Ioseph cælestem Puerum orant vt se manifestet. Sed, vere ineunte, dum templum de more adeunt, in reditu IESVM amittunt. Magus impostor Samaritanos in syluam cogit, quos Selene amore sui, & prauis erroribus imbuit.

**A** Tq; hæc Nazareos dum spes tenet, almaq; calo  
 Lux veniens animis paulatim discutit umbram;  
 Ecce repentinus rursus permiscuit vrbes  
 Iudææ, atq; omnem turbo peragravit Idumen,  
 Nubila cæca ferens, & seram in secula noctem.  
 Quæ nuper Libani vates, quæq; hospes Ionas  
 Paulò ante, atq; alij ventura horrenda caneant,  
 Euenere, metu & diro terrore, sub ipsa  
 Anni supremæ funesta exordia luna:  
 Exemplum memorandum ingens, quid fœda libido,  
 Quid scelerata hominum vesania, quidue malignus  
 R Huma-



*Humanis possit coniunctis viribus Orcus.*

*Est, Silonem inter Samaræaq; mœnia, vicus*

*Nominis obscuri Gitton; nunc diruta saxa*

*Reliquias pagi, lentoq; iacentia circum*

*Stagna immota lacu longè execrata viator*

*Præterit, & diris sceleratum deuouet agrum.*

*Namq; hæc (r) Semonis Sanghi natalibus olim*

*Infamis tellus; magicas hic perfidus ollas,*

*Fatiferas ceras, infandaq; plurima tristi*

*Valle exercebat: nunc illius & quoq; flammis*

*Apparet semiusta domus, defossaq; luco*

*Spelunca ingenti, & puteus penitissimus, unde*

*Carminibus manes supera ad conuexa ciebat.*

*Hic quondam, ut perhibent, extrema è Persidis ora,*

*Patria in arua redux, Phœnicum constitit aruis;*

*Nondum excantandi ritus, penitusq; nefandas*

*Edoctas leges, nondum penetræ sub imum*

*Carmina ferre potens, nec dum aliè imbutus Auerno.*

*Ast illic miro succensus amore puellæ,*

*Quà non Sidonijs fuit altera pulchrior oris,*

*Nec telas depingere acu solertior inter*

*Phœnissas, famâ ante alias celeberrima cantrix;*

*Nil intentatum demens, nil liquit inausum,*

*Siqua via insano succederet improba voto.*

*(Quid non cæcus amor cogit?) nequissimus hospes,*

*Quò demum Tyria queat vrbe abducere, sese,*

*Atq; ipsam, & sobolem venturam vouit Auerno,*

*Inq; vicem magicas accepit perfidus artes:*

*Quæis*

(r) Simon  
magus, sic  
appellatus  
à Romanis.



## LIBER VIII. 131

*Quaeis fretus tandem intempesta nocte<sup>(s)</sup> Selenen  
 (Pellicis id nomen fuerat) tulit aere prado.  
 Hic erat ille Erebi vindex, quem Belphegor olim  
 Successorem oneri, & stygijs promiserat armis,  
 Si fors euentu cessissent bella sinistro.  
 Huic spes innixa, huic rerum nunc credita summa.  
 Ergo vrbes passim spectris, atq; oppida Idumes  
 Implebat miris; tum primo in flore iuuenta  
 Mentitus senium, mentitus vertice canos,  
 Rugosamq; cutim; visus saepe aethere ferri  
 Obscuro inuectus nimbo, nigriq; caballi  
 Terga premens; visus Iordanem vertere retro,  
 Omnigenasq; dapēs accire, & pocula nutu;  
 Seq; Deum, uxoremq; Deam magno ore ferebat.  
 Hic demum, stygijs monitu instinctuq; paredri,  
 Qui comes harebat lateri, canis instar agrestis,  
 Collectas syluis, & sparsas undiq; villis  
 Finitimas gentes Samari media vrbe coegit;  
 Impleuitq; forum, spectacula mira sequaci  
 Pollicitus vulgo: heu, quales habitura subinde  
 Euentus, superi! quantam allatura superbo  
 Laetitiam, fastumq; Erebo! Documenta puellis  
 Virginibus, procul à turba, rerumq; nouarum  
 Insano strepitu, patrios seruare penates,  
 Atq; cui inclusum penetralibus abdere florem.  
 Fortè Palaestinas inter pulcherrima virgo,  
 Pastori dilecta Helymo, Thamar Galaditis,  
 Excantatoris ludos visura frequentes,*

R 2

Huc

(s) Alij vo-  
cant Hele-  
nen.



Huc socijs comitata suis, redimitaq; primis  
Narcissis, violisq; comas, & tempora fertis,  
Venerat equales inter latissima nymphas:  
Hasq; inter medias viridi consederat herba,  
Successu gaudens, & voti deniq; compos.  
Scilicet hanc genitrix paulò ante inuita precantem,  
Et miserè flentem, rerumq; cupidine tactam  
Ire diu vetuit, dictisq; auersa tenebat.  
Nam quem concursu in tanto iuuenumq; virumq;  
Accessum tentes? quò te immiscere procaci,  
Innuba virgo, inquit, vulgo; aut quam deniq; sedem,  
Quemue locum speres? Aluearia non ita dense  
Intus apes stipant, tot confluit agminibus gens,  
Cuncta illuc properans; inq; atram ludicra noctem  
Fortè ibunt, reditumq; vetat via longa per agros.  
Haud equidem pretio tanto placet empti voluptas.  
Adde quod ille senex ciet ignes, aera turbat,  
Atq; polo trepidam deducit murmure lunam;  
Quasq; videt prado raptas vehit axe puellas  
Egregias forma, & cecis abscondit in antris.  
Addidit euentum Dinae, vetitosq; hymenaeos,  
Quos similis traxit muliebris vana cupido.  
Ne me, inquit, precibus victam, ne talibus, oro;  
Olyce, nata, malis, quæ mens prasaga minatur.  
Talibus ardentem lacrymis moritura tenebat.  
Iamq; animos dictis paulatim, incensaq; corda  
Mollierat blandis, melioraq; suaserat agræ;  
Ni supplex iuuenis sponsus, comitesq; puella

Vota



## LIBER VIII. 133

Vota inflammassent iterum, curamq; lenassent  
 Circumfusa omnes. Lateri se fida iuuentus  
 Custodem spondet: Quid vana pericula terrent?  
 Quae te cunq; aduersa manent, & nos quoq; poscunt.  
 Sors eadem cunctis. His mater deniq; victa,  
 Ægrè vicunq; ferens, mediam penetrauit in urbem  
 Undantem populo, gnatamq; ante ora locauit  
 Multa timens; propiorq; Helymus trabe sedit acerna  
 Armatus ferro, discrimen in omne paratus,  
 Euentum opperiens. Iamq; atria, summaq; tecta,  
 Iam speculas infra supraq;, aditusq; viarum,  
 Atq; altas turres plebs undiq; densa tenebat;  
 Attonitis inhians animis quid cogitet ingens  
 Promissor, quæ mira ferat; platanisq; vetustis  
 Institerant, magnosq; grauarent pondere ramos.  
 Cum subito effusa horribiles toto axe tenebra,  
 Obscuraq; omnes, densaq; in nocte relict;  
 Non aliter, quàm si Pharia caligine rursus,  
 Velleribusq; ater piceis niger ingruat aer,  
 Inq; diem referent graue olentes Tartara fauces.  
 Ecce autem procul aspiciunt, quæ perfidus alto  
 Suggestu, atq; vnâ meretrix confederat, illic  
 Paulatim tenuem nubem exalbescere, qualis  
 Cernitur ex ima interdum se tollere valle,  
 Aut humili vapor è stagno, sub vesperis ortum.  
 Hæc lentè augeri, & magico splendere sensim  
 Lumine multicolor, spectro intus turgida miro.  
 Intonuerè repentiè poli, simul aethere opaco

Dissa



*Diffissa est nebula; & turba paulo ore iuenti  
 (Res incredibilis) cum pellice terribilis rex  
 Nube caua septus miranda in luce refulsit,  
 Arduus acria in magna spectabilis aula,  
 Numinis os, habitumq; ferens, & ferrea sceptrā,  
 Nubifero in solio. Postquam alta silentia pleno  
 Facta foro, utq; acies toruo circumtulit ore  
 Dicta parans, ut genua solo flexa undiq; vidit  
 Perfidus; hæc tandem fæda execranda locutus.*

(t) Simonis  
 commentū  
 de Selene,  
 & Angelis.  
 Ex Irenæo  
 l. 1, c. 20.

(t) *En, fortunata gentes, en deniq; vindex  
 Antiqui sceleris, promissus vatibus ille  
 Numine progenitus, votis precibusq; petitus,  
 Quem venturum olim sacræ cecinere Sibyllæ.  
 Quæ causa in terras è summis egerit astris,  
 Quidue ferat lateri mulier comes addita nostro  
 Accipite, & memores animos aduertite dictis.  
 Ante chaos, primosq; ortus, & semina rerum  
 Hæc mihi nupta Dea; innumeriq; hinc ubere partu  
 Egressi in lucem, nostrum genus, Angeli ab aluo.  
 Illi autem artifices rerum terramq; polumq;  
 Stellerum, atq; hominum, pecudumq; , atque omne  
 natantum*

*Eduxere genus. Sed fastu opibusq; tumentes  
 Se dominos tali puduit genitrice creatos.  
 Deiecere polo, cum sydereo comitatu  
 Natorum fido; & miseram, per secula centum  
 Lustra; bis septem, mortali compede vinctam,  
 Inq; alia ex alijs transfusam corpora, sæuis*

Exer-



Exercent panis. Hinc illa Ennoia primum,  
 Post Beli coniux, Heleneq; Argiua: Selenen  
 Nunc vulgus vocat. Heu pudor, atq; infamia nostri  
 Numinis! Hanc tandem Tyrio de fornice, probris  
 Turpibus affectam, subduximus. En Dea qualis!  
 Quæ facies olli! qui spiritus! Illius ergò  
 Venimus ex alio in terras, genus omne rebelle  
 Calituum vlturi, quorum discordia motu  
 Cuncta agitat vario. Illi hyemes, fera praelia, morbos  
 Immittunt terris; quamprimum hæc omnia flammis  
 Haussuri, dum quisq; sibi moderamina rerum  
 Præsumit, cælumq; manu in contraria raptant.  
 Hos simul è superis imum detrusero in Orcum;  
 Hanc urbem, ignotos terris quæ prima recepit,  
 Imperij sedem statuam; quam Nilus, & Indus,  
 Auroræq; amnes extremi, atq; Orbis adorent.  
 At mihi vos, comitiq; Dea, & mea iussa secutis  
 Calicolis quondam genijs, quos nunc tenet horrens  
 Sub terris carcer, fraterno crimine ab altis  
 Sedibus excussos, nigram iugulate iuuenecam;  
 Rite adhibete preces, sacrisq; imponite flammis,  
 Ad Boream versi, sedes ubi regia nostra est.  
 Sic ait: Et, ne quid furijs sceleriq; deesset,  
 (Horrendum dictu facinus, miserabile, fædum)  
 Matribus, atq; viris quarentibus undiq; iussa  
 Dona cremanda rogis, iniecto errore repente,  
 Obtulit ante oculos taurina fronte puellam,  
 Te, misera, infelix, te, formosissima Thamar,

Quæ



*Quae praesens aderas. Sic visa in luce maligna es  
Omnibus, obtutu toruo, & palearibus horrens,  
Pelle nigra, atq; imà verrens vestigia caudà.  
Centum illuc digiti intenti, centum oraq; versa  
E summis tectis, è turribus, arboribusque;  
Signantumq; ingens sublatu clamor ad astra.  
Ipsa prior vidit, visuq; exterrita mater  
Portenti ignara, En vobis, en victima, ciues,  
Ante oculos, inquit, sertis & flore reuincta,  
Sponte petens aras. Simul hac, simul efferat, cornu  
(Sic rata) corripuit. Nec segnior ipse timentem  
Urget agens Helymus; medios interq; tumultus  
Erumpens tenuit lanio, obscuraq; tabernæ  
Ante fores traxit, multa exundante caterna  
Circumquaq; virum. Iam vulnus rite parabat  
Mactator ferus: Ecce autem, dum brachia nudat,  
Vagina exsoluens culirum; dum testea vasa  
Subiiciunt alij calidum exceptura cruorem;  
Heu matri, heu sponso, de sede tuentibus alta  
Triste ministerium, sublata utriq; repente est  
Ex oculis nubes magica; & natam illa trementem,  
Et sponsam hic miseram, pallentem morte propinqua,  
Tendentemq; manus, & sydera voce cientem  
Infelix vidit: reliquos idem occupat error,  
Et species mentita prior. Ruit excita monstribus  
Per medios furibunda parens, te, nomine, Thamar,  
(Namq; aliud quid agat?) te, gnata, heu victima  
Ditis,*

*Per*



Per densos ululans cætus, per tela per hastas  
Prætenosq; virum chalybes. Sed victima virgo  
Interea iugulum cultro dabat, & fluit ater  
Per gladium cruor, atq; imbutam sanguine terram  
Ore canes lambunt. Tunc mens quoq; reddita fidis  
Virginibus socijs: flauos discerpere crines,  
Et roseas laniare genas: ploratibus æther,  
Lamentisq; forum sonat omne. Heu! territus amens!  
Ante omnes sponsus, cui caesa miserrima nupta  
Ante ora, heu, demens furijs immanibus actus,  
Perq; ruens medios, lanium stricto ense cruentum  
Ter conatus adire, sacris bis terq; repulsus,  
Nequicquam & genibus nitens, aditumq; retentans,  
Deuouit Samarim diris, numenq; nefandum  
Horrida vociferans: Tellus Samarea, dehisce,  
Sacrilegosq; viros absorbe, atq; impia tecta,  
Meq; super; manifesta Erebi namq; omina cerno:  
Teq; Deo genitum mentiris, perfide, caco  
Ex Orco impostor veniens. Iuuat ire sub umbras,  
Incestamq; diem fugere, execrandaq; sacra.  
Sic ait, & ferrum conuersum in viscera adegit,  
Sanguine dans largo vitam. Huic comes addita socrus,  
Qua sine fine dabat gemitus, complexa cruentum  
Nate infelicis corpus. Nec secius amens  
Lymphatum vulgus bacchari, & voce ciere  
Te, Satan, comitesq; tuos, manesq; tremendos:  
Te calo immerito excussum, te, Numen Olympi:  
Te solum ihure, & templis, atq; æthere dignum.

S

Hasq;



*Hasq; inter voces, bacchantumq; orgia dira,  
 Paulatim infernum spectrum vanescere in auras,  
 Et fatui languere ignes, ac sulphuris ater  
 Sentiri graue olentis odor, nox sparsaq; Olympo.  
 Verùm adeò furijs gens caca, atq; ebria Diæ,  
 Insanoq; furens æstro, ut discernere nemo  
 Clara tot indicijs vestigia posset Auerni.  
 Per noctem obscuram redeunt: ululatibus arua  
 Responfant longè: strepitus, stygiq; cachinni  
 Auditi, manesq; agris discurrere visi.  
 Hunc habuit fædum promissa tragædia finem.*

*At latè in populos, atq; vrbes fama vagari  
 Aduenisse Deum Samaritis, qui iuga fessis  
 Eximat Isacidis; hunc claro in lumine visum  
 Nube super poscentem aras; huic rite litatum  
 Vrbe palàm media; sermonibus omnia vulgi  
 Misceri magnis: super omnia serpere rumor  
 Nazario in pago, & pauidos implere colonos.  
 Murmur erat, quale illud apum, cùm rusticus atro  
 Impleuit, flamma crepitante, aluearia fumo:  
 Aut pluuia ingenti, diuersis undiq; riuis,  
 Cùm tumet, atq; ingens vnus rapido impete pontes,  
 Ingentesq; reuens ornos it turbidus amnis.*

*Ergo his commotus senior nutritor Ioseph,  
 Cælestis Pueri custos, pro Numine laeso  
 Saucius, & metuens ne conterranea dictis  
 Adijceret gens fortè animos; cum Coniuge diua  
 Contulit euentus, penitusq; horrore metuq;*

Com-



Compleuit teneros sensus; inuolat ocyus omnes  
Obstruere insidijs aditus. Utq; anxiosa mater,  
Si forte ingruerit tempestas turbida noctu,  
Confestim è strato, summotis luce tenebris,  
Peruigil it tecto paruos inuisere natos;  
Ne veniens turbo, neu tortus verberet imber:  
Haud aliter Virgo presentibus excita curis,  
Proq; suis iam tum mater fidissima alumnis,  
Assensit dictis, unaq; adiere Puellum,  
Atq; prior trepido Genitrix sic ore locuta.  
O superum, o cali rector, mundi arbiter vnus,  
Nate, audin' quæ bella vetus noua suscitaret hostis,  
Virginis arma vltus, caesa sibi nuper ad aras  
Virgine Idumæa? utq; homines adsciuerit ultra?  
Utq; (nefas) falso Iudæam numine tentet  
Fallere, si queat, & stygios inducere cultus?  
Per Genitorem oro, per sancti Flamen Amoris,  
Quod spiras, tetra caligine discute mentes  
Nazaridum; Numenq; tuum (si poscimus æqua,  
Si fas, Diue, precor) celesti in lumine pande.  
Adiecit Pater, ut quondam Simeonis in vlnis  
Promissa hac eadem tulerat. Quin candida Virgo  
Subdidit, ut nascens diuina in luce videndum  
Se dederat quondam pastoribus; utq; remotos  
Traxerat eos, manifesto Numine, reges.  
Nunc eadem supplex Mater, genibusq; voluta  
Illacrymansq; rogo; aut (tantum si tempora forsan  
Ferre negant) saltem sic te permitte videri,



*Sic, inquam, ut pariter lateas; ut nubila solem  
Clara tegunt: tuq; , alme, potes componere utrumque.  
Talibus instabat dictis, manibusq; decori  
Comebat Pueri crines; simul oscula fronti  
Cara dabat, lacrymisq; oculos implebat obortis.  
Heu quales, misera, paras tibi nescia fletus!  
Quanto emis hæc pretio: quantum tibi fulmen ab alto  
Desuper axe venit! Lacrymis nam deniq; victus  
Annuit ætherius Puer: at pro munere tanto  
Heu duram, heu tristem, quam nunquam, Virgo,  
putaras,  
Adiecit legem; patrias ut scilicet ades  
Desereret fugiens, atq; innotesceret absens;  
Quò simul & notus foret, ereptusq; lateret.  
Inde, ait, amissum dabimus cognoscere munus:  
Namq; aderit missus præco, qui nunciet istis  
Consedisse Deum terris, hos Numen Olympi  
Incoluisse lares: Tuq; , optima, parce querelis,  
Parce Parens lacrymis. Sic ille: At saucia Virgo,  
Prima fugæ ut sensit prænuncia carmina, vultus  
Pallida deiecit, subitoq; obmutuit ore;  
Nec vocem infelix habuit, nec verba, nec ipsas  
In promptu lacrymas. Non hæc sententia mentis,  
Non hæc Mater amans unquam moritura rogarat;  
Nec reuocare licet, nec fas obistere contra:  
Ausæ nec ulterius responsa laceßere dura.  
Hoc miseram Gnatus lethali vulnere læsam,  
Hoc duro fixam telo, exanimemq; reliquit.*

*Has*



## LIBER VIII.

141

*Has inter curas tandem pulcherrimus arvis  
Extulerat frontem redimitam floribus annus.  
Iamq; aderant votis optati tempora veris  
Expectata diu, & precibus lacrymisq; petita.  
Nazarei rite ad Solymæ delubra frequentes,  
Vt primùm illuxit, matres iuuenesq; senesq;  
Agmine partito, campis florentibus ibant,  
Alcindi vocem, & cœlestia iussa secuti,  
Audita ex alto paulò ante per otia bruma.  
Nulla dies unquam tam pura, innubis, & instar  
Cerulei rasi visa est, ut mitis, ut alba  
Illa fuit: tenuis tantùm nabecula velo  
Improuisa oculis ausa est abscondere solem,  
Triste ferens omen, calo aduersata sereno.  
Non edera antiquis intorta tenaciùs hæret  
Parietibus; timida ut nodis, & nexibus arctis  
Implicitum dextrâ Puerum tenet anxia Virgo  
Cuncta timens; & sæpe oculis intenta reuisit  
Hærentem lateri comitem. Quid sedula cura  
Profuit? Heu! postquam solymeia ab vrbe redibant,  
Obtulerantq; preces moniti, consuetaq; dona,  
Heu lasæ, heu misera, vix primùm è limine templi  
Egressæ, ætheria Diuinus Spiritus aura  
Mortalem eripuit nubem, Numenq; tueri,  
Arcanumq; dedit non enarrabile Verbum,  
Cælum oculis referans, tecta immortalia Diuùm.  
Dumq; altè fruitur sopitis sensibus, olli  
Elapsum interea immemori, manibusq; solutum  
Eripuit*



Eripuit Puerum, spesq; irrita cessit in auras.  
 Nec prius aduertit Mater, quam pristina sero  
 Vespere mens redijt, somno velut excita. Tum se,  
 Tum comites circum, & latus hinc atq; hinc desertum,  
 Atq; manum vacuam caelesti pignore sensit.  
 Quò non iactata voces, repetitaq; Iesu  
 Nomina, per muros pagi, per frondea lustra,  
 Illataq; faces? quos non adiere penates  
 Mœrentes sociæ per opaca silentia noctis?  
 Semianimis, lugens, & acuta cuspide fixa,  
 Postquam aliè ingruerat serò expectantibus umbra,  
 Orba suo infelix Nato, caput obsita velo,  
 Singultusq; ciens bona Virgo in tecta redibat:  
 Tota sequebatur largo vicinia fletu.

Interea verò impostor, quem mouerat Orcus  
 Sydereum aduersus Puerum, spe latus inani,  
 Hoste velut pulso liber, campq; potitus,  
 Antiquam in syluam vulgus deduxerat ingens,  
 Agricolas Sichemitas, atq; Amridis, omnes  
 Cultores Ephraim, & Thersæ, & Samaritidos ora.  
 Illic concilio in magno condixerat amens,  
 Se legem è celo missam, & noua iura daturum  
 Vulganda in populos. Aderat quoq; perfida vultu  
 Compositio pellex, pulchroq; incenderat ore  
 Rustica corda virum; tali se compserat arte,  
 Sic nitidis collum baccis, sic tempora vere  
 Florifero ornat, gemmisq; ardebat & ostro,  
 Nuda humeros, ninosq; sinus, & eburnea colla.

Nec




## LIBER VIII. 143

*Nec minùs è roseis manabant dulcia labris  
 Verba, quibus blandum seuà inspirabat amorem.  
 O mihi dilecta ante alios Samaraa iuuentus,  
 Si me, progenitam calo, non sydera rursùm  
 Optarent reducem, si non in patria Olympi  
 Quamprimum inueheret stellantia limina coniux;  
 Hac sedes, fateor, præ cunctis vna teneret  
 Immemorem cali. Terras inuita relinquo,  
 Quodue queo, extremum lacrymis obtestor amorem.  
 Vos contra, si quid merui, per numen vtrumq;  
 Ceniugis atq; meum, vota instaurate quotannis,  
 Et memorem iurate fidem; meq; axe supernam  
 Credite descendisse Deam. (v) Nil poscimus ultra,  
 Nec leges alias pono. Sint libera cuiq;  
 Arbitria, & vestros ad votum fingite mores;  
 Neue adedò immites posthac imponite Diuos  
 Gentibus. O miseri, cæcis terroribus acti  
 Huc vsque, & vana superùm formidine lusi!  
 Talibus in speciem blandis nequissima virus  
 Condibat dictis. Frondentibus orgia syluis  
 Interea, lætisq; choris, largog; lyæo,  
 Infernisq; epulis noctem gens capta trahebat;  
 Mentitamq; Deam stupet, ardescitq; tuendo,  
 Tam bellè ad lunam pictos mouet arte cothurnos,  
 Sic vestem rotat auratam, gemmisq; micantem  
 Psaltria, sic miseros obtutibus vrit amantes.*

(v) Ex D.  
 Irenæo l. 1.  
 c. 20.





## LIBER NONVS.

## ARGVMENTVM.

Oppidani, irrito successu, & nouis infortunijs, IESVM vestigant. Tandem Deiparae querelis motus Deus Pater Angelum mittit, qui primum, viatoris senis habitu, Puerum indicat; deinde excantatoris praestigias in sylua dissipat. IESVS in templo Patribus subobscurè se manifestat. Denique Matri redditus, in patrium oppidum caelesti comitatu regrediens, a Nazarenis agnoscitur.

**V**Æ quibus hac pellex gemmato praeiuit auro  
 Toxica ! vae populis, quos illa afflauerit ore !  
 Vae quibus inq; aures fatali murmure cantrix  
 Verba susurravit ! Nam nunc quoq; subdola vultus  
 In varios, inq; ora migrat; pestemq; per vrbes  
 Incedens, lethumq; vehit mortalibus agris.  
 Fabula narratur, seclis conficta vetustis,  
 Nec vero absimilis. <sup>(x)</sup> Nam postquam perfida tandem,  
 Morte obita ( vi perhibent ) sygium stetit ante tribunal ;  
 Iesseo ecquid de Pueri tot damna ferente  
 Sentiret, procerum petijt niger vndiq; caetus.  
 Illa autem, Quantum potui mortalibus, inquit,  
 Explo-

(x) Hæreses  
 Manicheo-  
 rum, Ebio-  
 nitarum, &  
 Arianorum  
 vnde ortæ.



Explorare oculis, (quidquid gens falsa susurret)  
Nil mortale super vidi. Tum celsa Manetes  
Tempora concutiens, proceraq; cornua: In illo  
(Mentiris) ficto latet, inquit, corpore Numen,  
Nec verum hunc hominem temerarius asserat ullus.  
Afferit extemplo Beion, magno ore refellens  
Dicta, Deumq; negat; si quis putat, huic ferus amens  
Intendit litem & bellum. At putat esse Rianus  
Exurgens contra; contenditq; arduus alto  
Numine progenitum, magno Genitore minorem.  
Paulatim incaluerunt animi, discordibus iræ  
Mentibus erupere, atq; implacabilis orta  
Seditio; inq; has inq; illas Styx didita partes.  
Mens est Tartareis genijs immobilis. Ante  
Versus eat Padus, aut duro se robore flectat  
Quercus humi, quàm quod semel asseruere retractent.  
Ergo intestini immortalia semina belli  
Iacta Erebo fuerant; nisi dira venefica prompto  
Consilio illatas sedasset prouida turbas.  
Scilicet hoc, inquit, velit hostis; ut ille supremum  
Dum vobis parat excidium, noua regnaq; condit;  
Vos furor, & rixæ teneant, & mutua bella.  
Quin agite, & quando sedet hæc sententia discors,  
Hæc eadem vestris profit discordia rebus.  
Hos ferite errores terris, hanc spargite labem  
Vuliter, miseri; sua quisq; ad signa sequaces  
Mortales trahat: ipsi autem in sua damna vicissim  
Hanc vestram dirimant odijs & sanguine litem.

T

Sic



*Sic ait : inferno placuit sententia regi;  
Collatisq; simul ceruicibus, assensere  
Concordes omnes. Olli data cura per orbem  
Ferre tot ambiguas tricas, quas saeva sub Orco  
Edidicit prius, & libros digessit in amplos  
Per capita. Inde dolis instructa, atq; arte nocendi,  
Protinus Ægyptum, atq; Afros, Asiamq; per omnem,  
Nunc has nunc illas Erebi sibi sedula turmas  
Adiungens, tabem, contagia, diraq; sparsit.  
Ex illo quis acerba virum, quis funera fando,  
Fatalesq; vices memoret? Nusquam illa quieuit,  
Tot sese in facies vertit, tot nomina sumit,  
Urbibus opponens vrbes, regna aspera regnis.  
Nec mora, nec requies; volat exitialis Er ynnis,  
Hostis acerba, ferox, ciuili sanguine gaudens,  
Ambitiosa, tenax, popularis, perfida, mendax.  
Hoc, superi, monstrum, hanc terris auertite pestem.  
Sed iam puniceos surgens aurora penates,  
Allatura diem, roseo reserarat Olympo.  
Nazarei verò loca per syluestria circum  
Nequicquam exierant; atq; arua, atq; oppida late  
Vndiq; lustrarant, Carmelum, Galgala, & omnem  
Iordanis vallem. Verum spes irrita rursus,  
Proiectusq; labor. Quin calo effusa procella  
Sub noctem improuisa ruens, commixtaq; grando  
Terruerat cunctos, profugiq; in tecta redibant.  
Accidit & fessis aliud miserabile. Namq;  
Illa recens hospes ruris, quam diximus, Agar  
Engad-*



Engaddea, inter fremitus & murmura venti,  
Vastum ingressa nemus; perplexa per aua sylua,  
Ultima dum sequitur comites ignara viarum;  
Olli surreptum violento turbine velum,  
Delatumq; procul dumoso cespiti inhaesit,  
Iniecitq; moram. Ruit humens imbrifer Auster  
In faciem, & virides vestes rapit, atq; capillos.  
Nequicquam socias, quas impetus ocior Euro  
Præcipites agit, infelix clamore vocabat;  
Nec meminit callis, nec quo se tramite ducat:  
Pallentemq; metu nox deniq; cæca tenebris  
Occupat errantem; collectisq; omnibus, una  
Defuit ipsa etiam, & sponsum, comitesq; fefellit.  
Talibus implicitum mens provida Numinis arte  
Nodum intexuerat mirum; quò latior inde  
Exitus extremus foret, atq; in gaudia tandem  
Cura ingens, luctusq;, & longus mæror abirent.

Iamq; fere medium stellata in veste tenebat  
Humida nox cursum, & pluuia ventiq; quierant,  
Nec sonitus nec murmur erat, nisi fontium ab altis  
Stillantum ripis, & moti leniter Austri.  
Ipse procul somnos labenti flumine torrens  
Conciliat, longèq; canum latratibus arua  
Responsant; tacito dum curru argentea luna  
Alta polo incedit per opaca silentia mundi.  
Heu misera, heu sola in tenebris sanctissima Mater,  
Quamquam lassæ via, secreto inclusa cubili,  
Casum infelicem lacrymoso carmine flebat.



Et fletum augebat vicinus lectulus ille,  
Sed vacuus, quo membra Puer componere fuerat:  
Cynthia nam pleno lucens ex aethere cornu  
Cuncta ostendebat manifesto lumine: nunc frons,  
Nunc decor, & facies, & viua absentis imago  
Ante oculos redeunt, nunc vox, hesternaq; dicta.  
Heu se desertam, tenebrosa in nocte relictam,  
Confusamq; malis! Nam quid, pulcherrime rerum,  
Quid tantum, aiebat, potui delinquere mater?  
Mater amans, aliè nimium sub pectore telo  
Icta graui. Te, summe Pater, te conscia testor,  
Non aliud petij, aut volui (quantum agra recordor)  
Quàm meus ut Natus, presenti numine, certam  
Ferret opem fessis; tamen ut simul ille lateret:  
Hac mens, hic animus fuit: at non ut miseram me  
Defereret fugiens: has unquam velle latebras  
Infelix potui? hac Genitrix mihi vulnera ferre?  
Hac lacrymis precibusq; in me conuvertere tela?  
O Nate! ò tristes desolatiq; penates!  
O domus! ò patria infelix! At sera querelis  
Tempora: debueram, cum primum conscia casus,  
Nocte remetiri vestigia; cunctaq; solers,  
Dum iactura recens, exquirere; tale nec ulli  
Antea oportuerat poscenti credere pignus;  
Nec sinere ipsa manu prensam diuellier unquam.  
Nunc quid ago? quò me, infelix & sancia, verto  
Orba parens, deserta, stupens, confusaq; luctu?  
Quam superum nemo alloquitur, penitusq; relictam

E



E calo inuisit nemo; nam te, Puer alme,  
Sublato, vidua hac misera quis limina curet?  
Hic mens est dolor, hoc vulnus; tibi (fletus inundans  
Hei lassæ lamenta negat) tibi, sancte Puella,  
Displicuisse aliquid; terrâ unde, & matre relictis,  
Fugeris ad superos; nec verba extrema dolentis  
Ferre, nec amplexus voluisse, nec ultima matris  
Osculâ plorantis: cur agram, Nate, Parentem  
Sic fugis? Hic, rupto lacrymarum gurgite, flebat,  
Nixa thoro lassam cernicem; & multa volentem  
Dicere pralargæ & calida lacrymæ impediabant,  
Queis oculi, vultusq; pluunt, vestesq; sinusque,  
Et madet ipse thorus. Superum mœstissimus astat  
Septus nube chorus, miserans graue vulnus amanti  
Nam Deus ipse Pater cunctis praeceperat ante  
Calibus, ne quis latebras, & furti doceret;  
Nec pietas quemquam misera, & lamenta mouerent.  
Heu! calum tetigit mœror quoque. Nigra repente  
Delituit luna in nimbo; rursus tonat axis,  
Annosq; sonant quercus; rursus infremit Auster,  
Insequiturq; imber, densarumq; agmina aquarum,  
Fulguraque, & grando; veluti si corruat aether  
In praeceptis, iungantq; suos pia sydera fletus.

At cali terraq; Sator, cui iusta peracta  
Virginis tandem visa est mensura doloris;  
Non ultra ingentem passus procedere curam.  
Ergo ad se genium Mariae vocat ore sereno,  
Finem allaturus lacrymis. Iubet illico tranet

Nubila



Nubila, opemq; ferat, fletusq; abstergat amarus  
 Parthenidi, & socijs: exin mendacia seui  
 Excantatoris retegat, penitusq; resoluat  
 Tenarias fraudes. Libani de vertice iam sol  
 Extulerat matutina inter sydera currum;  
 Dispuleratq; Austrum summis de collibus aura  
 Carmeli spirans. Ille aethere lapsus ab alto,  
 Aerijs positis pennis, nitidaq; iuuenta,  
 Induit ora senis Solyma venientis; anhelatq;  
 Ora labore via, gressumq; imitatur euntis.  
 Et iam Nazarea matres per proxima rura  
 Sollicitae exierant, primi sub luminis ortum:  
 Ante alias verò tristissima Parthenis ibat,  
 Quam fide comites Debora, & Susanna sequuntur.  
 Has ubi prospexit viridi è conualle viator,  
 (Virgo tamen prior haud longè confederat agra)  
 Adstuit ante oculos, placidoq; hac ore locutus.  
 Dicite, montiuage matres, quot adhuc stadia usq;  
 In iuga oliuifera Sune? lana haecine iuta  
 Semita? an à fluuio dextrorsum tendimus? Olli  
 Susanna: Exiguum superest iter; amne secundo  
 Carpe viam, quà prona ferunt decliua vallis.  
 O misera, excepit senior, quæ cura vagantes  
 Huc egit? quidue illa procul comes altera plorat?  
 Quoue tenens iter? Largo tum Debbora fletu,  
 Ah pater! haud, inquit, nostra tibi nomen ad aures  
 Fors vnquam acciderit Maria. Non ulla sub axe  
 Sanctior in terris; nec fas modò singula fando  
 Enarra-



Enarrare tibi . Sed nunc tristissima natum,  
Cui non ulla parem tulit atas, nec feret usquam,  
Iam dudum vaga per montes, perq; oppida quærit  
Amissum, ut remur, Solymis. Stetit arte viator,  
Multa animo veluti reputans; lænaq; prehenso  
Incubuit mento, paulumq; obtutibus hæsit  
Intentis, nutu pendente. Inde ora serenans,  
Quæ Pueri species? os? atas? & color? inquit:  
Hunc ego fortasse... Hic trepidis simul utraq; dictis  
Lætiâ abruptis (tanto spes impete oborta)  
Ambæ sollicitæ faciem, vestemq;, coloremque,  
Ætatem, crinem, vocem, incessumq; docebant;  
Sicubi vidißet fortè unquam, aut sicubi quidquam  
Audißet. Solymis, ait ille, simillimus annis,  
(Nunc ibam recolens) sacra Salomonis in ade  
Nuper erat. Sed enim (veniam permittite dictis)  
Pulchrior illa oris species, quàm patria vobis  
Ferre queat tellus; nec talem viderit usquam  
Mortalis, reor: & certè tam rara venastas  
Cælesti de stirpe venit. Tantò altiùs illæ  
Tollere spem lætæ, & viuis depingere pulchra  
Ora modis, alijsq; super muliebribus ambæ  
Indicijs instare nouis. Vbi plurima verò,  
Vt solet, hinc atq; hinc dubia explorata; viator  
Longum iter, atq; alias lassus prætere curas:  
Iam finite hinc abeam, nam semita longior urget  
In patrios colles. Simul hæc, simul ore sereno  
Accedens propius, secretò affatus ad aurem est.

O for-



O fortunata! Tanto iam tempore vobis  
Lux demissa polo; nec vestris credita teris  
Munera nostis adhuc? Vobis Regnator Olympi  
Sorte datus, vestris Numen latet hospes in oris.  
Ocyus accelerate gradus, contendite cursu  
In sacras ades: Deus est, Deus ille Puellus,  
Quem vestigatis. Tum demum fulguris instar  
Calica lux animis fulsit. Pauor & metus ingens  
Principio attonitas tenuit: dein vocibus altis  
Latitia vastum nemus impleuere: Maria,  
Huc ades, inuentus Puer est: sonat undiq; vallis  
Inuentum inuentum Iesum. Quam saepe videmus  
Noctibus astutis clarescere cuncta repente  
Ignibus iclu oculi sparsis, qua luce renident  
Tecta atq; arua procul, prius atra abscondita nocte;  
Virginis haud aliter vox improuisa tenebras  
Dispulit ex animo: iuuat usq; atq; usq; morari,  
Atq; audire sui certa argumenta Puelli;  
Singula nec finis, nunc haec nunc illa rogandi.  
Sed non ferre moram senior: Vos ite, monebat,  
Dum permittit adhuc sol altior axe: caute,  
Nam, si quando unquam, rapido se gurgite torquet  
Imbre Cison nocturno auctus, qui flumine oberrans  
Hinc rursus tranandus erit; neu fidite ponti.  
Haud procul ad stadium tenso vos cymbula fune  
Transuehet; inde ferent trito vestigia calle.  
His laetae indicij matres diuina canentes  
Deterfis lacrymis ibant; ceu roscidus aer

Cura



*Cum liber pluuijs hinc solem parte serena  
Explicat, hinc pictum fuscis de nubibus arcum.*

*Postquam animos verò cura satis ille lenarat,  
Protinus hinc geminis nitens se sustulit alis  
Obscurum in lucum, quo noctem exegerat omnem  
Turbinis acta metu per tesqua silentia nuper  
Infelix Agar. Peregrini insignia mira  
Aliger induerat, queis territa nympa repente est:  
Namq; humeros exomis obit taurina, marinis  
Aspuit cochleis, ad tornum hastile peractum  
Dextra gerit, medio vincla hæret sarcina tergo.  
Piceni qualis sub sole viator in agris  
Virgineas ades transuectas Italia in arua  
Puluerulentus adit; tali sub imagine sese  
Obtulit in speciem flenti, causasq; poposcit;  
Vnde domo errantem, quæ sors, quisue egerit error?  
Atq; ubi rem didicit, terge, inquit, fletibus ora,  
Pone metum: lateri comes addere: prauus ipse  
Paulisper perplexa regam vestigia; donec  
(Nec mora longa viæ) certo te tramite sistam.  
Haud procul hinc nemus illud erat, frondentibus alti  
Illicibus septum, statio syluestris auerni;  
Quò turbam innumeram, & lamias, scortumq; Selenen,  
Ac centum vario Cacodæmonas egerat ore  
Sacrilegus Simon. Illic tum forte sub ulmis,  
Et densis piceis, platanumq; silentibus umbris,  
Quà media horrendo patet ingens area luco,  
Argento grania, atq; auro, dapibusq; superba*

V

Daxe-



Duxerat in magnum conuiuia splendida gyrum.  
 Corpora taurorum, aprorumque ingentia fumant  
 Lancibus in magnis; sparso fœda omnia Baccho:  
 Lætitie insano strepitu nemus omne resultat.  
 Iamque aberant quantum longè vox missa per auras  
 Audiri poterat; gressumque coercuit Ales,  
 Ne comes obscœnas mensas, epulasque videret.  
 Atque illam immemori similis, ceruice reflexa,  
 Amissi Pueri (Pueri narrauerat illa  
 Antea successum) nomen rogat: inde puellæ  
 Hoc tu, inquit, nomen, Cæloque, Ereboque tremendum,  
 Versa illuc, sonus unde atris de frondibus exit,  
 Ore voca. Illa aliè distento pectore, & aura  
 Collecta, quanto potuit iacere impete, IESVM  
 Intonuit. Dictu mirabile! protinus omnis  
 Intremuit lucus, pateraque, effusaque vina,  
 Concussique abaci, atque argentea lapsa supellex.  
 Alius exclama, iubet Aliger: alius illa  
 IESVM iterum vocat. Ecce autem de faucibus imis  
 Conuiuia stygij, quorum intermixta sedebat  
 Turba ingens, redimita ederis, taxoq; nigranti,  
 Exeruerè atras immundo sanguine linguas.  
 Tertia sed postquam cælo vox clarior acta,  
 Non tulit vltra Erebus nomen; ventoq; coorto,  
 Omnia diffugère repenti, ut fumus in auras.  
 Tunc ora attollens Agar fusco aere vidit  
 Nigro in equo fugientem equitem, volucrig; dracone  
 Inæctam comitem sagam per inania ferri.

Tum.



## LIBER IX.

155

Tum meminit monstri horrendi, quod Parthenis olim  
Præscia fatidico prædixerat ore fugandum:

Quæ loca? quod spectrum? vultu exanimata poposcit.

Non hæc tempus, ait ductor: iam summa peracta:

Inde scies. Extrema vocant me iussa Tonantis.

Hic ore exanguem diuus peregrinus agrestem,

Ignaram euentus, umbroso in calle reliquit;

Atq; hanc carpe viam, dixit, quæ certa Puella

Obuia sub noctem reduci vestigia iunget.

Sic ait: ipse autem subiit penetralia terre

Promissi memor; & superas euexit ad auras

Infantium exiguas animas, quas vallis opacæ

Abdidit in latebris: exin Iordanis ad amnem,

Zacharidem ad Puerum roseis se contulit alis.

Et iam dulce iter exactum, finemq; laborum

Aduenisse queror. Meus inter carmina iam Sol

Paulatim cadit, & lassus superinijcit umbram,

Otiq; indicit, & longa silentia musis.

Quas tibi, Dina Parens, referam pulcherrima grates,

Quæ me iam tandem, tenui vasta æquora lembo

Sulcantem, in portum deduxeris; hæsq; canenti

Obtuleris mihi delicias, solatia fesso

Quandiu in hac exul mortali demoror umbra?

Hæu! nunc orba finis mihi plectra, amissaq; plorant

Otia mœrentes iuga per deserta Camœnæ!

At, quando hæc operis meta, atq; hic terminus hæret,

Carminibusq; meis extremum te alloquor, alma

Partheni, per duros quos passa hucusque labores,

V 2

Perq;



Perq; tuum inuentum Puerum, quem lata reduces  
 Quamprimum in patrias ades; ò rebus in arctis  
 Vnica spes, agrisq; salus mortalibus, audi  
 Seruatas hucusq; preces, supremaq; vota.  
 Aspice terrarum quantum gemino regat orbe,  
 Quà cadit, exoriturq; dies, Regnator Iberi  
 Carolus. Huic sobolem coniunctis orbis uterq;  
 Fletibus implorat. Populorum flexa rogantum,  
 O Diua Hesperia custos, tutelaq; regum  
 Austriadum, sceptri heredem impertire querelis.  
 Tuq; (y) noua uxori, quæ nunc maria aspera tranat,  
 Partheni, stella maris, cui venti & nubila parent,  
 Sterne aquor placidum, tempestatesq; coerce.  
 Huc ò deinde, Parens, oculos mitissima verte  
 Romulidum ad Regem, tenerà iam sceptrà gerentem  
 Bina manu. Odrusij crescentem in fata tyranni  
 Augustum Puerum serua. Magni ille parentis  
 Fortia facta, animi non eluctabile robur  
 Rebus in aduersis, æquam inter prospera mentem,  
 Synceramq; fidem primis meditetur ab annis.  
 Aspice postremò scissam latè vndiq; bellis  
 Europam, miserasq; vrbes data pabula flammis.  
 Tu potes hanc atram nutu sedare procellam,  
 Et simul inuicti Leopoldi Caesaris armis  
 Fræna recusantem penitus submittere Thracem:  
 Romuleo vt tandem è folio (z) Pater atq; Sacerdos  
 Maximus, Adriaci decus immortale Senatus,  
 Cernat adoratum nomen circùm vndiq; IESV,

Paca

(y) Maria  
 Anna Neo-  
 burgensis.

(z) Alexan.  
 VIII. Pont.  
 Max.



Pacatosq; dies, atq; unum Pastor ouile.  
 Hac precor, hac supplex extremo carmine posco.  
 Interea, quod restat adhuc, mihi proxima ripa  
 Dirige vela ratis, Virgo; Tu suffice puppi  
 (Namq; parum superest) vicina in littora ventos.  
 Ergo in delubro augusto, Solymeia in vrbe,  
 Turbam inter strepitumq; Puer regnator Olympi  
 Concilio intererat magno. Tum fortè, coactis  
 Patribus & populo; (ut series atq; ordo ferebat  
 Commenti sacri) Hebdomadas Danielis abeno  
 E rostro Azarias interpret rite docebat.  
 Fortè autem presens aderat sublimis in alta  
 Sede Arimathensis Ioseph: isque, ora frequentis  
 Dum populi lustrat, stantem è regione Puellum  
 Caelestem vidit; fixisq; obtutibus amens,  
 Antonitusque, diuq; silens, immobilis haest.  
 Nec minùs interea vultu stupefactus eodem  
 Longaeus iuxta <sup>(a)</sup> senior pendebat ab ore  
 Mentis inops, faciem, vestes, & singula mirans.  
 Hunc cubito tangens comitem, lateriq; propinquum,  
 Lauà ante ora manu posità, vicinus ad aurem,  
 Sic Arimathensis submissa voce locutus.  
 Aspicias illum, oculis, & crine, & ianthino amictu  
 Insignem puerum, strata inter palmea, sacris  
 Intentum dictis? Proh Diuùm abscondita miris  
 Arcana in tenebris! Hunc ipsum (sydera testor,  
 Hosq; aditus, sanctosq; lares) hunc prorsus eundem,  
 Nusquam aliàs visum, noctu per somnia vidi;

(a) Nicodemus.

V 3

Atq;



Atq; adeò demens feror, ut noua somnia credam  
Hac eadem, quæ nunc cerno præsentia, sic me  
Exforbet pauidum stupor. Irritauerat anguem  
Iniecto simplex digito quæ regulus ingens  
Abdiderat sese; egressumq; repente refugit  
Atollentem iras: circumsonat undiq; agrestum  
Percussis palmis vicinia, vocibus hydrum  
Longè absterrentum: cum deniq; in ardua pennas  
Explicuit calo Puer, elusq; colubro,  
Longo intervallo delatus, in arbore sedit.  
Ipse oculis tractu ingenti per inane sequebar;  
Et tandem aeris sublimem in vertice palma  
Aspicio. Heu! genitrix clamoribus excita longè,  
Perq; viam pede nixa super, casq; cruento  
Prædone, infelix aderat; sed corpore toto  
Densa inter folia abstrusus pulcherrimus Ales  
Se circum plumis obstrictum incluserat albis,  
Nec poterat cerni. Finem euentumq; tueri  
Ut cuperem, potes ipse animo tibi fingere. Somnus  
Et nox, heu, me deseruere; nec, inde secutum  
Quid fuerit, noui. Sic ille; iterumq; Puelli  
Ad vultus redijt, caelesti numine plenos  
Admirans oculos, maiestatemq; serenam  
Diuinæ frontis. Senior tunc alter Olympo  
Sustulit ora, manusq; ambas; post multaq; vocem  
Vix tandem expedit: Deus est, Deus abditus isto  
Certè, ait, in nodo. Somnus quæ desijt, inquit,  
Hic tuus, hinc nexu arcano meus incipit. Ipse

Penni-



*Pennigeri Infantis (quando hæc ubi cura relicta)  
 Successum referam. Per scabri corticis ambo  
 Ardua connixi genibus, manibusq; prehensum.  
 Amplexi truncum, valido luctamine; tandem  
 Egredere, vi multa, in ramos euasimus altos.  
 Heu pietas! Geminis alis utrinq; reductis;  
 Vidimus exanguem faciem, respersaq; viuo  
 Sanguine membra: latus longo traiecerat illi  
 Rusticus infixo venabulo; & heu mihi! squalens  
 Pendebat nixeo ex humero pulcherrima ceruix.  
 Nos Puerum in prato exanimem distendimus inter  
 Purpureos lacerum flores, & vulnera riuo  
 Lauimus; inde, ut erat, ferali in sindone Matri  
 Ploranti iulimus. Tres illic crine soluto  
 Lugebant mæsta comites; interq; dolentum  
 Lamenta, & gemitus ferientes sydera, & altas  
 Fæmineas voces, luctusq; reliquimus. Hic me  
 Heu pariter lassum tristissima liquit imago.  
 Talibus inter se dictis miranda vicissim  
 Ore susurrabant ambo, lacrymasq; ciebant.*

*Ecce autem interea Mater, quæ deniq; fessis  
 Cum socijs, spatio emenso, delubra subibat,  
 Sollicita explorans oculis sua pignora. Vestes,  
 Et capitis velum, & fletus vestigia, prorsus  
 Talia cernere erat præsentis, qualia somnus  
 Pinxerat. Obstupuere senes magis: illico visa  
 Ora recognoscunt memores: En illa, tremendum  
 Quæ pede calcarat serpentem: En illa, peremptum*

*Cui*



Cui nos detulimus natum. Flagrabat uterq;  
 Quamprimum affari peregrinos: atque, ubi tandem  
 Interpres legis longo post plurima finem  
 Eloquio imposuit, convenere illico Natum;  
 Et genus, atq; iter, & nomen, patriamq; rogabant.  
 Adfuit ipse etiam cano venerabilis ore  
 Azarias pater, admirans responsa loquentis;  
 Et multum illacrymans senior bonus, indolis almæ  
 Vim promptam varia circum ire indagine gaudet.  
 Quin etiam hebdomadas Danielis, themata nuper  
 Proposita, ac discussa palam, scitarier ausus.  
 Cui Puer atherius caelesti in luce refulgens  
 Sic turba in media fatus: iam temporis ætas  
 Præfixa hebdomadum venit, qua victima  
 Sanctus

Occidendus; & hunc vestris in collibus Arbos  
 Funerea excipiet. Vestrum par nobile rite  
 Exequias soluet. Post hæc vastatio, luctus,  
 Et populi excidium: Nostri hæc oracula vatis.  
 Sic ait: obstupere omnes; sletit ipse sacerdos  
 Attonitus dictis. Hesternæ somnia noctis  
 Agnovere senes: Hic est Puer ille cruentus:  
 Hæc erat illa Arbor; nosque, ut reor, ultimus iste  
 Poscit honos tumuli. Subitus circumstetit horror  
 Percussas mentes: comites sese addere furtim,  
 Atq; oculis servare iuvat vestigia longè;  
 Quò tendant, quò se demum tanta omina vertant.  
 Ergo age, qui reditus fuerit, queis versaq; miris  
 Pluma



## LIBER IX. 161

*Vltima scena modis, utq; alta arcana relecta,  
Ostensusque Puer, finis, pretiumq; laborum.*

*Nox erat, & lunam nubes incluserat atra;  
Nec dum Parthenidis custos, Iesseaq; Virgo,  
Debboraq;, atq; Agar profuga, & Susanna redibant.  
Nazaridum vulgus iam tristia voluere secum  
Coeperat auguria, atq; illas quoq; per loca vasta  
Dispersas; pluuijsq; auctos sine pontibus amnes,  
Abruptasq; vias imbri, noctemq; timebant.  
Augeriq; magis cura, intendentibus atris  
Se caelo tenebris; mæstiq; extra oppida, opaco  
Sub dio, ancipites stabant. Vbi plurima verò  
Irrita nox fluxit, nec iam spes ulla videndi,  
Et latè loca cuncta silent; quis tristia fando  
Lamenta, & gemitus, desperantumue querelas  
Explicit? Hic Iesse, hic Ammon, hic crine soluto  
Dina gemens, & pulchra Esther, innuptaq; Zambri,  
Et senior Ionas, Ierichuntaq;, Elisaq; plorans.  
Luctus erat, qualis tecto cum mater, & orba  
Sponsa recens funus plorant, sponsiq; cadauer  
Ædibus effertur. Non si ferus irruat hostis  
Vastator, tantus se tollat clamor ad auras.*

*Ecce autem hos inter questus fax visa per umbram  
Aduentare procul, quam multo lumine clarus  
Pellicea hirsutus zona puer igne ferebat  
Flammantem largo; faciesq; humeriq; nitebant  
Eminus, atq; sinus, atq; ora. Ut Phosphorus axe  
Pingitur aurora roseis anteire quadrigis,*

*Purpu-*



*Purpureamq; aperire diem mortalibus agris:*  
*Haud secus aurata Præcursor Numinis almi*  
*Ardebat face scintillans; vox claraq; cæpit*  
*Audiri longè, vox agni nuncia felix*  
*Ter calo audita. Huc illum deduxerat Ales*  
*Aere sublatum, per opaca silentia noctis,*  
*Lucem allaturum, & mæsta solatia genti.*  
*Omnia quæ Divus iam tum condixerat Infans,*  
*Spelunca exceptus cùm degeret hospes eadem.*  
*Iamq; aderat propius, roseoq; hæc ore locutus:*  
*Quid verò hic tristes flendo consumitis horas?*  
*Nec subit interea redeunti occurrere Matri,*  
*Quæ Iesum reuehit? Vobis huc nuncius adsum*  
*Numinis inuenti. Simul hæc, simul igne coruscant*  
*Obuertit cedrinam tedam, turbæq; præibat;*  
*Perq; viam, magicas ut nuper soluerit Agar*  
*Insidias, utq; arma prius Iuditha Gehennæ*  
*Fuderit, utq; eadem thalamis adiuncta supernis;*  
*Tum Pueri absentis miranda arcana docebat.*  
*Protinus auditi litui, & lux eminus ardens*  
*Visa per obscuras multo igne incedere frondes.*  
*Zacharides iussit turbam discedere vtrinq;*  
*Partitam ordinibus longis; duxq; agminis ipse,*  
*Instructorq; ibat medius; spatiumq; relicto*  
*Hinc atq; inde viam Matri, Puerog; parabat.*  
*Tum patrium intonuit nemorosa per aua carmen,*  
*Aduentante Deo: visi subsidere colles*  
*Palmiferi, trepidare metu, tremere omnia circum.*  
Princi-




Principiò labarum caeleste apparuit ingens  
Inter clara tuba præeuntis carmina. Centum  
Hinc atq; hinc aderant, ceris ardentibus, ostro  
Et bysso insignes iuuenes. Comitantur euntes  
Nazaridum exigui manes, quos funere quondam  
Sustulit Herodes, quibus omnibus igne flagrant  
In dextris facula. Vestes, & vulnera, & ora,  
Atq; illas ipsas chlamydes, quas utraq; nerat,  
Continuò agnouit Rachel, atq; anxia Dina:  
Benonem illa suum; pulchrum videt altera Eberum,  
Quos longum flerant. Bis septem ponè canistris  
Purpureas fundunt violas, nimbosq; rosarum  
Infantes alij: rubet omnis semita flore.  
At victrix gressus per candidaserta ferebat,  
Aurata insignis palla victricis imago  
Iuditha, cui peplum humeris, atq; anulus ardens  
In digito. Hinc lassæ matres, sociæq; viarum  
Debbora, Susanna, atq; Agar; inde ordine longo  
Purpurea chlamydes, vexilla, argentea scuta,  
Militiæ aethiæ species, hastata iuuentus.  
Quis pompam illius noctis, lucemq; renarret?  
Insonuere repente tuba, quo murmure ripa,  
Et pulsicolles responsant: audijs aris  
Horrendum carmen Tenechos, nemorosaq; Hiebla,  
Et Lyde, & Marchon, & proxima nubibus Herme.  
Ecce autem hos inter plausus Amor inclytus ibat,  
Cui super alta ingens umbella holoserica pictis  
Sex agitur suffulta hastis, geminiq; Hierarchæ  
Thuri-



*Thuricremum lentis alternant iactibus aurum.  
Dextra tibi nodo, Genitrix, implexa tenaci,  
Haud iterum fugitura; tibi manus altera nexu  
Stringitur, alme senex. Campi, nemora ania, valles  
Carminibus vatum resonant: O splendor Olympi!  
O lux in tenebris exorta! ò Legifer orbis  
Expectate diu! ò nostros miserate labores!  
Parce Pater, parce Omnipotens. Mens omnibus æstro  
Afflatur diuo, Regemq;, Hominemq;, Deumq;,  
Paciferumq; vocant, & sanctum Numen adorant.  
Quaq; iter est, ramos curuat subeuntibus arbos:  
Desuper omnigenum cernuntur nubila Diuum  
Plena choris. Alio Pater ipse è culmine Mundi  
Aspicit è solio reduces; atq; omnis ab astris  
Cælestum populus, portas quoq;, tectaq; summa,  
Et muros pagi, & turres infederat. Ipse  
Ætherios inter comites pulcherrimus omnes,  
Hoste triumphato, Iesseius it Puer, instar  
Syderis eoi; signant vestigia acanthi,  
Mixtaq; parthenio bellis, conuoluolus, iris,  
Et crocei flores campi. Sic ille redibat;  
Nazareisq; suis post tot discrimina lucem  
Auroramq;, redux materna in tecta, ferebat.*

F I N I S.







00564505



